

JO. BAPTISTAE
MORGAGNI

IN PATAVINO GYMNASIO

PRIMARII ANATOMES PROFESSORIS

ADVERSARIA
ANATOMICA QUINTA.

*Observationes complectuntur distributas in L. Animadversiones ad
Librum III. Theatri Anatomici Cl. V. Jo. Jacobi Mangeti
Sereniss. Regis Prussiae Archiatri.*

Accesserunt Celeberrimi, atque Amplissimi Viri

JOANNIS MARIAE
LANCISII

INTIMI CUBICULARII, ET ARCHIATRI PONTIFICII

Dissertationes Duæ Anatomico-Medicæ nuper ad Auctorem scriptæ

ALTERA DE VENA SINE PARI;

ALTERA DE GANGLIIS NERVORUM.



PATAVINO. MDCCCXIX.
Excudebat JOSEPHUS COMINUS.
VULPIORUM ÆRE, ac SUPERIORUM PERMISSU.

Illustrissimo, & Reverendissimo Praefuli

D. D.

JOANNI MARIAE
LANCISIO

Intimo Cubiculario, & Archiatro Pontificio

Joannes Baptista Morgagnus S. P. D.



Um multa, ac magna debeam Vi-
ro Prael. Humanissimoque Hip-
polyto Francisco Albertino, Bononiensi Medico Prae-
stantissimo, tum illud in primis debeo, quòd meis
ad Te missis Adversariis Primis, Tuam mihi, VIR
SUMME, gratiam, & benevolentiam ante hos duo-
decim annos conciliavit. Ex eo namque tempore
ad hunc usque diem hominem quem de facie nun-
quam nosti, tot, tantisque Beneficiis complexus es,
ut cum ipsa nec satis explicare dicendo, nec per-
censere numerando ullo pacto possim, ad hunc sal-

tem modum eorum numerum , magnitudinemque significare consueverim , ut negem , plura , aut majora conferri in filium à parente etiam amantissimo potuisse . Quòd si Tuas inter eximias , atque à Tanto PONTIFICE spectatas , probatasque Virtutes , quibus non minùs sanè quàm Scientia , Exercitatione , Auctoritate , Muneris Præstantia longè hoc tempore antecellis , ea quoque animi magnitudo non esset , qua in benefaciendo nihil aliud nisi facti pulchritudinem spectas , & in ipsa rectè factorum conscientia satis magnum eorum fructum esse positum , judicas ; multò mihi esset gravissimum Tua in me tot , ac tanta Promerita sustinere , qui non modò ad hoc usque tempus nihil Tibi iis , aut Te , SUMME VIR , dignum retulerim , verùm etiam nihil unquam ejusmodi referri à me posse , confitear . Nam quòd mea hæc Quinta Adversaria in Tuo Illustri Nomine apparere velim , non eò sanè facio quòd Te digna esse , existinem . Quinimo ultrò testor , ac moneo , ne fortè in Præcordiorum Anatome , in qua videlicet , ut servatus à me ordo postulat , magna hujus libri pars versatur , præclarum aliquid à me expectes ; ut qui in illis perlustrandis etsi aliquam interdum operam posui , nunquam tamen quantam in plerisque aliis Partibus , collocavi propterea quòd ab eo usque tempore cùm primum

his

his studiis me dedi, Te illam tibi spartam, quam non sine magno Rei Anatomicae, & Medicae emolumento ornare, selegisse, Librosque propterea Tuos de Corde, & Aneurysmatibus avidissimè, & summa quadam atque incredibili cum spe jam tum ab omnibus expectari, cognoveram. Quamobrem explicare verbis non possum, quanta me lætitia perfuderis, cum in litteris quas ad me superiore anno VI. Kal. Jul. dedisti, pollicitus es, Te *uberrimam de motu cordis materiam quàm primùm in synopsis contracturum, contractamque ad me missurum*. Etenim vel ex ea Dissertatione quam *de Structura Usuque Gangliorum* illis cum litteris absolutam, præclarisque Tabulis Anatomicis ornatam misisti, ut ex ea etiam quam *de Vena sine pari* ante miseras, proclive mihi est verà conjecturâ prospicere, quàm multa, quàm nova, quàm pulchra, quàm utilia in copiosa illa, atque à Te diu, multùmque tractata materia excogitare, invenire, illustrare, patefacere Tuo isto acerrimo, & excellenti ingenio, summo conjuncto cum judicio, industriaque, potueris. Quod & ab omnibus intelletur qui duas illas luculentas sanè doctissimasque Dissertationes perlegerint. Has enim non solum ob materiae conjunctionem, atque utilitatem unà cum his Adversariis edo, verùm etiam, ob idque potissimùm, ut aliquid, si minùs de meo, at certè de

Tuo

Tuo, VIR SUMME, in hoc libro extet dignum quod Tuo Celeberrimo Nomini inscribatur. Quas ad causas cùm illa insuper accedat quòd anno superiore, publicè atque adèd audiente Senatore Amplissimo, Benignissimoque FRANCISCO GARZONIO, PETRI Historici, & Senatoris Gravissimi Filio, Inclytæ hujus Civitatis Præfecto, & Proprætore Spectatissimo, cùm de Corde, Vasisque Sanguiferis dicerem, illas me Dissertationes vulgaturum, promiserim; sperans videlicet, me id facturum esse non modò Te annuente; quod pro Tua erga me Benevolentia concessisti; verùm etiam Te laudes quasdam mea parvitate longè majores, & nimis invidiosa Tuæ potiùs de me spei & voluntatis, quàm opinionis & judicii testimonia ex illis Dissertationibus detrahente; quod contra pro Tua in me ornando eximia & prope infinita Liberalitate præcisè negavisti; cùm igitur ad illas priores ea causa accedat, haud sanè crediderim, quenquam hominem æquum fore qui me propterea quia talia ipse de me emissem, reprehendat, præsertim ubi Epistolas utrique Dissertationi interjectas legerit. Omnes potiùs magnam mihi gratiam quòd ejusmodi præclaras Dissertationes ediderim, habituros, atque etiam (ut illic unde inceptit, hæc denique revertatur epistola) quàm nullos, dum mihi faves, Benignitati Tuæ fines

nes terminosque constituas , magna cum Tuæ tum Liberalitatis, tum Modestiae admiratione, agnituros confido. Tu interim, VIR SUMME, Synopsis Tuam cujus jam diutiùs desiderium ferre non possum, fac absolvas, & quid de hisce Adversariis visum fuerit, rescribas: quæ si Tu fortè non improbaveris; *perinde ac si omnium gentium hominibus ipsa ostendissem*, videbor mihi (quod in Harmonide, ut probè nosti, excellentem, & prope divinum quendam Virum, Tuique simillimum designans, inquit Lucianus) *in uno calculo cunctos affectus*. Vale.

D. Patavii Postridie Nonas Februar. M DCC XIX.

NOI

102

NOI RIFORMATORI

dello Studio di Padova.

AVendo veduto per la Fede di Revisione, ed Approvazione del P. Frà Tommaso Maria Gennari, Inquisitore, nel Libro intitolato: *Joannis Baptiste Morgagni in Patav. Gymn. Primarii Anatom. Professoris Adversaria Anatomica Quinta, et Jo. Maria Lancisii Archiatri Pontif. &c. Dissertationes duae &c.* non esser cosa alcuna contra la Santa Fede Cattolica; e parimente, per attestato del Segretario Nostro, niente contra Principi, e buoni costumi; concediamo Licenza a *Giuseppe Comino*, Stampatore in Padova, che possa essere stampato, osservando gli ordini in materia di Stampe, e presentando le solite copie alle Pubbliche Librerie di Venezia, e di Padova.

Dat. li 4. Novembre 1718.

(Alvise Pisani Cav. Proc. Rif.
(Giovanni Pasqualigo Rif.
(Michele Morosini Rif.

Agostino Gadaldini Segr.

JO.



JO. BAPTISTÆ MORGAGNI
ADVERSARIA ANATOMICA

Q U I N T A

A D V. C L.

JO. JACOBUM MANGETUM

M.D. 77 Sereniss. Regis Prussia Archiatrum.

A N I M A D V E R S I O I.



Um diebus superioribus quidquid de Nutri-
cum Morbis Ramazzinus noster scripsit, for-
tè perlegerem, in ea loca incidi, in quibus
Cl. Viri Caspari Bartholini, Thomæ Filii,
de Mammis & Lact. Dissertationem com-
mendat. Hæsi primùm, miratusque sum, il-
lud Bartholini Scriptum meos oculos, atque
adèò aures tamdiu fugere potuisse; mox au-
tem quæ ex eodem profert Ramazzinus,
cùm diligentius attenderem, faciliè intellexi,
De Morb. Artific. cap. 10. vel potius 19.

tuam istam, Mangete Ornatiſſime, unde Librum III. incipis, de TOM. II.
Mammis, & Lactis Secretione Dissertationem, ut fuerat à te in Bi- pag.
bliotheca Anatomica Tractatui Bartholini de Diaphragmate subjeçta, 164
& quasi continuata, ita à Viro, cæteroqui eruditissimo, ejusdem Au-
ctoris creditam esse. Et quamvis ille huic ipsi Dissertationi subinde De Oeco-
refragetur, Hippocratis, Herodoti, & quemadmodum animadverti, n. Anim.
etiam Charletoni, qui eisdem laudavit Auctores, verba & rationes Exerc. 2.
Art. 9. 11.
A quas

- quasdam secutus; ego tamen (quod salva nostra haud minore in mortui memoriam, quàm erga viventem, observantia dixisse liceat) ut quod de Recentiorum Anatomicorum studiis ipsi quondam exciderat, ita quod de tuis prorulit super lactis secretionem cogitatis, iudicium faciliè, & undequaque non sequor. Quamquam tuz istius Dissertationis pars sanè dignior ac melior haud in iis cogitatis, sed in observationibus, & experimentis consistit, per quæ pluries, accurateque instituta caprinorum uberum anatomen, eorumque vasorum usus patefacis. Illud unum optandum erat, ut quæ primùm ob muliebrium cadaverum defectum de humanarum mammarum anatome partim attingere non potueras, partim in medio reliqueras, ea nunc demum Dissertationi infereres, & sic rem totam perfectam, absolutamque relinqueres. Quòd si per occupationes tuas gravissimas tantum tibi sumere laboris non poteras; at, quod pro tua Humanitate fecisti, ut de meis in Areola observationibus infra videndis Lectorem moneres, id verò omnino de pluribus Nuckii inventis supra in Libro I. exhibitis faciendum fuerat. Quod enim scribis: „ Papillas, „ penis glandi, ut quibuscumque Anatomicis placet, respondere, unde
 166. „ erigi, atque flaccescere possint ex contractu & suctione; „ id
 165 ille innumeris inter reticulares substantiæ Papillarum fibras interstitiis detectis, in quibus opportunè subsistere cruor possit, illorum conjecturam in historiam mutavit. Ille quoque lactiferorum Papillæ foraminum tum numerum, tum dispositionem (quibus tu de rebus si-
 163 lueras) perspicuè docuit. Ipse etiam ex iis est qui arterias, & ve-
 161 nas mammarias „ in musculis rectis cum epigastricis ascendentibus
 160 „ non rarò multiplici anastomosi uniri, „ non dubitant: qua de re tu quidem hæc adhuc scribis: „ Inter hosce omnes ramos, scilicet
 „ tum mammarios, tum epigastricos, communicationes per anastomoses intercedere pronunciare non dubitat Riolanus; contra quem
 „ solidissimè disputat Glissonius Tract. de Ventriculò, & Intestinis; „ quasi verò in Riolani loco quem profert Glissonius, de Arteriis etiam verba fierent, aut de istis communicationibus per anastomoses, quas Glissonius & disertè confiteretur se *non negare*, & non inutiles esse, docet, adversus Riolanum disputaret, aut denique tu ipse
 41. cum Brownio in Libro I. non tradidisses: „ anastomoses vasorum „ Mamillarum externorum, & Epigastricorum internorum fœminas
 „ constanter habere. „ Quòd si dicas, te in producto Dissertationis loco, non inter ea vasa, sed inter mammas, & uterum communicationes per ea vasa improbare voluisse, ego verò voluisse, faciliè credam, num autem seceris, tu ipse iudicabis. Quæ verò de nonnullis
 167 eorundem vasorum in capris observasti, pertundere videlicet ster-
 num,

num, & dextra cum sinistris conjungi: ac per arterias injecta in lactiferos ductus transire, & hos inter se communicare; his quidem non absimilia Nuckius in mulieribus adnotavit; at nullam in his cisternam, nullam valvulam, sed contra alia quæ mulieribus peculiaris sunt, vidit. Hic fortasse dices, te in Figuræ demum 7. Tabulæ LXXXIII. Explicatione ad Nuckii Figuras Lectores tuos remisisse. Num verò aut in iis Figuris omnia quæ memoravimus, inspicere queant, aut quæ inspicere queunt, ea non plenius ex Nuckii descriptione perciperentur, tui ipsius, Vir Cl. judicium esto. Postremò quod ad illud Problema attinet: cur Mamillæ viris datæ sint, etsi ultro concedo, explicatu esse difficillimum, nec Tullianum illum usum, ad quendam ornatum, multòque etiam minus Aristotelicum, & Galenicum, ad cordis præsidium, satisfacere; inquirere tamen fortasse poteras, an veri quidpiam Berengarius, quem nuper Cl. Heisterus secutus est, in medium attulerit, cum ex eo quod contrectata papilla in viris etiam erigatur, his quoque mamillas ceu

Irritamentum veneris languentis

datas esse, existimavit. Vel quoniam huic muneri sola satisfacere papilla potuisset; viris autem præter papillam etiam mammaria secretionis organa tributa esse, non modò ex aliorum lectione, verum ex nostris quoque observationibus nobis constat (in quibus videlicet habemus, non in duabus tantum integerrimo utero, atque hymene Virginibus, sed in Viro etiam quodam habitiore dissecando, veri albidissimi lactis in earum altera multum, in hoc autem, & altera Virgine guttas tantummodo vidisse, tum ex mamillis recens natum, nostri etiam sexus, infantum serosi lactis, serive guttulas nostris ipsis manibus, cum id olim mulierculis non crederemus, expressisse, imò eorum nonnullis interdum auxiliari debuisse, in quibus eà à nutricibus vel neglectà, vel intermissà expressione, ita circumquaque non sine dolore mamillæ induruerant, ut oleo anisorum cum amygdalarum dulcium oleo permixto illiniendæ, emolliendæque fuerint) quoniam, inquam, hæc ita se habent, disquirere etiam potuisses, an plus fortè quàm Amicus noster Doctissimus censeat, Cl. Virorum Bohnii, atque Ortlobii sententiæ tribuendum sit, qui eam communem utrique sexui mamillarum utilitatem assignant, ut Amnii humorem, saltem unà cum aliis glandulis, secernant, & augeant.

169.

310

272.

De Mamillis, & lacte in Virginibus, ac Maribus.

In Mundin. Com.

20. Comp. Anat. n.

195.

Circ. An. Prog. 2. Hist. Part. Diff. 14. & 36.

173

220.

*De Areolæ
Tubercu-
lis.*

n. 11.

221. &
seq.
Comp.
Anat. n.
195.

IN Tabula LXXXIII. ejusque Explicationibus nihil fortasse eram notaturus, nisi tuus Scalptor in Figura 8. describenda ab nostro archetypo recessisset, eique tu unam ex illis Animadversionibus apposuis. De quibus quoniam mihi dicendum est, illud primum ex te queram, cur nullam Animadversionem cæteris istius Tabulæ Figuris addideris? Nam quod in primæ Explicatione ex Bidloo tradis, Valvulas in vasis lactiferis inveniri, propterea quia „ injecto „ in calefacta Mammæ Papillâ spiritû vini - in locis quibusdam - va- „ riarum formarum valvulosæ vasorum relaxatæ membranulæ por- „ tiones expullulabant, injectumque liquorem sistebant; „ nonne id à Nuckio rejectum est, docente: „ Ductus Lactiferos valvulis esse de- „ stitutos, meraque figmenta esse eorum, qui credunt eosdem va- „ riis in locis valvulis donatos esse; - quod enim vasculorum dicto- „ rum quædam variis in locis angustata & arctiora, liquori injecto „ quodammodo obstant; - id à valvulis non dependere, sed substan- „ tiæ mammarum adiposæ duriusculæ, quâ Tubuli Galactiferi nimi- „ rum aliquando comprimuntur, adscribendum. „ In Figura etiam 3. vides, Bidloun Areolæ Mammariæ Tuberculis, de quibus postea dicemus, F. infixos pilos appingere; nec tamen admones, me in I. Adversariis de ista ipsa Figura loquentem apertè negasse, „ id „ cum meis frequentissimis observationibus consentire: „ quod quidem ita verum est, ut cum antequam illa Adversaria ederem, & postquam edidi, innumeras non muliebrium modò, sed virilium etiam cadaverum Areolas diligentissimè inspexerim, semel tamen, atque iterum tenuissimos, & visum fermè eludentes pilos, semel ex aliquot, aliàs ex perpaucissimis, cum plurima quidem essent, ejusmodi Tuberculis, & quidem è summa eorum mediaque parte erumpentes videre potuerim. Scire etiam velim, cujus generis ex glandulæ sint, quæ ad litt. B. & D. in Figura ex eodem Auctore 4. delineantur. Certè ejusmodi glandulæ, Papillæ Vasis interlitæ ab So- lertissimis Anatomicis Nuckio, & Heistero non agnoscuntur. Non difficile esset ostendere in reliquis, etiam Verheyenii, Figuris nonnulla esse quæ partim Nuckii, partim aliorum sanè gravium Anatomicorum auctoritate reprehendi poterant. Quid ergo? Num major illius erat qui Figuram nostram reprehendit, auctoritas? an potius nostræ dumtaxat (nescio qua de causa) Figuræ erant in tuo Theatro redarguendæ? Sed quando eas redargui tibi placuit, ne, quæso, vicissim displiceat, quod nos easdem, imò verum potius tueamur.

ANIMADVERSI O III.

QUOD tamen antequam facimus, Lectores rogandi sunt, ut Figuram hanc nostram in Adversariis ipsis inspiciant tum aliis de causis, tum ne fortè existiment, eam Nuckii Figuris omnibus, & descriptioni refragari; papillæ enim foramina ego certè non isto quo tua Tabula exhibet, mitto numero, at posito, quasi in parallelas series quatuor distributa, sed fermè in peripheriæ ellipticæ modum delineavi. Verùm ut ad ipsam Animadversionem veniamus; *miratur protinus* Cl. Auctor ob eam quæ postea afferetur, causam, Areolæ Glandulas à me sebaceas appellari. Ego verò vicissim non miror, quòd, „ ut tota res ad lancem veritatis præponderet, præsta- „ re ipse credat suas hujus anni super hac re observationes evulgare; „ neque enim nunc primum animadverti, paucas ipsum, nec satis diu perterritas observationes consuevisse in medium adducere, scilicet ut hæ nostris per plures annos in plurimis cadaveribus iteratis apud æquos, & harum rerum intelligentes homines, si Diis placet, *præponderens*. Qualescunque tamen sunt, eas candidè examinemus.

„ Inprimis, inquit, quoad tubulos lacteos, aliaque ad mammas & „ earum usum facientia, veracissimam inveniebamus præ aliis Clariss. Verheyeni descriptionem habitam in *Anatomia sua Corporis humani* cap. peculiari de *mammis*. „ Nihil mihi accidere gravior poterat quàm primas quas profert, observationes nullo modo ad me pertinere; nam si in ipso statim initio, & in rebus quidem ad alios omnes potiùs, quàm ad me spectantibus, eum manifestissimè labi, ostendero, multò faciliùs mihi credes infra ostendenti, quanti reliquæ adversùs me ipsum ex instituto congestæ ejusdem anni observationes faciendæ sint. Illud unum molestè fero, quòd Verheyenii, cujus ego nonnullos quidem lapsus interdum noto, ne propter Viri alioqui de Re Anatomica præclare meriti auctoritatem Juniores decipiantur, hic penè totum de Mammis Caput, quod ille *veracissimum præ aliis* prædicat, cogar redarguere. In eo igitur Capite, ut Auctoris ordinem observem, primum video ob id etiam mammas binas naturaliter esse dici, „ ut dum sunt gemelli, quisque habeat unam. „ Id verumne sit, tu inprimis, Vir Cl. videris, qui supra è contrario scripsisti: „ si id respexit natura, quidni tres, aut plures fecit, cum ali- „ quando non duo tantùm, sed etiam plures foetus humani ab unâ „ muliere simul editi observati sint? „ Mittamus quærere, num in pectore ob eam quoque causam sint positæ, „ ut non adeò remotæ „ à corde sanguinem recipiant magis vividum: „ & num quando in

Puel.

Tab. LV.

221.

174

l. r. tr. 3.
c. 2.

164.

Puellis pubescentibus primùm sororiantur, id veri similis sit contingere etiam „ propriâ substantiæ solidæ accretione; „ cùm Doctissimus quidem Fantonus „ aliquando se notasse, testetur, quòd licet „ elegantulæ in Puellulis mammæ promineant, in iis tamen vix quicquam adhuc glandulosi „ (hæc autem maximè propria earum substantia est) „ sensibus obviū reperiatur. „ Hæc, inquam, atque alia mittamus, & ad ea quæ Verheyenius de Papilla scribit, veniamus. „ Hæc, inquit, Mammæ distentione erigitur, ejusque depletione flaccescit. „ Verum id quidem est. Hæc tamen vera etiam sunt quæ ab aliis non omittuntur: A labris sugentis infantis contractatam erigi, quæ antea flaccescebat: Idcirco tum erigi, ut non modò exfugi melius possit, verum etiam facilius, directis videlicet explicatisque tubulis; antea autem flaccescere, ut his contractis & corrugatis, nimia atque intempestiva lactis profusio sufflaminetur: Denique erigi, aut flaccescere, quia interstitiis illis inter reticulares fibras dispositis instructa est, in quibus sanguis opportunè subsistere queat, aut non subsistere. Utra igitur veracior descriptio est, num Verheyenii, qui de his interstitiis, illisque usibus ne verbum quidem habuit, an Fantoni, qui nihil horum prætermisit? Porro hæc quoque à Verheyenio omittuntur: Papillam exquisiti sensus esse, ut contrectata, facilius, ut diximus, erigi possit: Eum exquisitum sensum nerveis speciatim *papillulis*, quas Cl. Ruyschius delineavit, quasque etiam laudatus Fantonus memorat, deberi: Foraminum Papillæ numerum, ac dispositionem in aliis aliter, sed certa nihilominus, quantum à Nuckio observatum est, ratione se habere. Atque (ut ea quæ de Areolæ Tuberculis Verheyenius scribit, nos autem infra expendemus, nunc omittam, & de Mamma universa jam dicam) hanc cum pectorali quidem musculo laxis vinculis fibrosis, cum velamentis autem communibus ita arctius connecti, ut dum „ pectoris tegumenta „ cultro sejungimus, mammas avelli simul contingat; „ quod rectè Fantonus, hunc nimium quorundam Chirurgorum metum redarguens, adnotavit.

Anat. Diff.
11.

Ibid.

Thef. Anatom.
I. Tabul. 4. F. 4.

ANIMADVERSIO IV.

SEd ne fortè hic dicas, Verheyenii descriptionem à me quidem minùs accuratam perfectamque, non tamen minùs veracem ostendi, etsi huic interpellationi paulò ante videar occurrissè; age tamen, quæ docet de interna mammarum substantia videamus. Hanc igitur „ ex pluribus glandulis, vasis, ac globulis pinguiferis compaginari, „ dicit: Glandulas autem magnitudine multum diversas esse; „ quales

les sanè in ista pariter quam ex eo profers, Figura 6. delineat. Optasem profectò, ut ipse, atque Nuckius rationem, modumque tradidissent, quo utentes plurimas istas quas ipsi proposuere, minutas, sejunctasque glandulas videre possemus. Nam quod ad me quidem attinet, simpliciter fateri non erubescam, cum multas sive siccas, sive lacte scatentes mammas haud negligenter dissecuerim, nihil adhuc tale invenisse. Inveni autem semper quidquid propriæ glandulosæ substantiæ in mammis erat, in corpus unicum, magnumque compactum, cujus ferme centrum Papillæ respondebat. Colore albo, superficie non prorsus æquali, substantia ipsa subdura erat, & cultro inter dissecandum resistente. Intra hanc, dum lacte scateret, nonnullæ quasi cellulæ eodem plenæ spectabantur, quæ ad Ductus Lactiferos pertinebant. Hæc postquam sæpius observaveram, animadverti, Joannem quoque Riolanum scripsisse: „mammarum glandulosum corpus - uni-
 „ cum esse & continuum, non multiplex: „ Thomam autem Whar-
 „ tonum substantiam mammarum tanquam „ omnium glandularum ma-
 „ ximam, compactam, & albißimam „ proposuisse, easdemque constare docuisse „ ex parenchymate glanduloso, spongioso, continuo,
 „ - in distinctos globulos non diviso, nisi præternaturaliter affecto. „ Cum autem hæc perscripsissem, ecce Cl. Heisteri Compendium Anatom-
 „ icum huc assertur, in cujus Præfatione Solertissimus Auctor negat, se unquam mammarum glandulas ita ut Verheyenius delineat,
 „ rotundas, copiosissimas, - dispersas - reperire potuisse, quamvis la-
 „ tantium, puerperarum, virginum & aliarum mulierum mammas
 „ sæpius examinaverit, - verum in medio mammæ, sub pinguedine,
 „ aliam quandam, parvam quasi mammam latere, cujus substantia
 „ uberibus brutorum haud absimilis. „ Idem censet, Verheyenium
 „ de glandulis mammarum tam breviter & frigide loqui, ac si nun-
 „ quam eas certè vidisset: „ & quod de Tubulorum lactiferorum
 „ origine habet, id „ ex asserto Nuckii quidem affirmare, sed non sua
 „ experientia aut observatione: „ quod quidem in iis quæ super il-
 „ lorum tradit anatomosis, est manifestissimum, ut in iis etiam quæ
 „ ex Whartoni auctoritate de mammarum nervis, & lymphæ ductibus
 „ docet. Verum ut ad Tubulos redeamus, quæ de horum numero,
 „ cum ductu pancreatico similitudine, & cum arteriis communicatione
 „ ab diligentissimo Nuckio observata sunt, ea Verheyenius prorsus
 „ omittit. Quod autem addit: ipsis Tubulis in Papilla „ interjici va-
 „ riis locis aliquam substantiam glandulosam, „ & has glandulas in
 „ Fig. 3. delineat; nempe quid de hisce glandulis ego, imò laudati Tab. 18.
 „ Anatomici censeant, supra ad Bidloi Figuram 4. indicavi.

Mammæ
Glandula.Anthrop.
1. 3. c. 3.
Adenogr.
c. 36.

ANIMADVERSI O V.

R Eliquum est quod de Pinguedine mammarum docet: „ Pingue-
 „ do, inquit, copiosa glandulis Mammarum superponi, atque
 „ hinc illinc interponi solet, ut nimirum & repleat glandularum in-
 „ terstitia, & vasa iis copiosissime intertexta leniter sustentet. „ Equi-
 „ dem plures pinguedinis mammarum utilitates esse, censeo, & ex iis
 „ non postremam, ut glandulosa mammarum substantia, quam ex levif-
 „ simis interdum ictibus, & compressionibus vitari, constat, ac indure-
 „ scere, mollis, tutiusque in ea jaceat, atque ubi opus est, & cre-
 „ scere, & lacte distendi facilius queat. Atque ei propterea pinguedi-
 „ nem non tantum *superponi*, verum etiam *supponi*, observavimus sic
 „ ut glandulosum, quod descripsimus, corpus inter duo mollia pin-
 „ guedinis strata serè undequaque contineretur. Non tamen idcirco pin-
 „ guedinis quidpiam, quod quidem notabile esset, eidem corpori *hinc*
 „ *illinc interponi*, & sic *glandularum interstitia replere*, vidimus, non
 „ difficile alioqui intra albam illam glandulosam substantiam interno-
 „ scendum propterea quia utriusque strati pinguedo flavescibat, & in
 „ cadaveribus sic satis etiam interdum pinguibus hæc à nobis perqui-
 „ sitio habebatur. Cùm igitur Verheyenius in hoc Capite de Mam-
 „ mis ita se gesserit, cùmque Cl. Heisterus, dum in eo esset, ut ad
 „ illius lapsus patefaciendos ex multis nonnulla tantum loca seligeret,
 „ hoc ipsum speciatim Caput omittendum sibi non putaverit; satis,
 „ opinor, Doctissime Vir, intelligis, quanti hac in parte ejus & sen-
 „ tentia, & observationes, pendendæ sint, qui se, inquit, „ quoad tu-
 „ bulos lacteos, aliaque ad mammas & earum usum facientia, ve-
 „ „ racissimam præ aliis Cl. Verheyeni descriptionem invenisse. „

Compen-
 Anatom.
 Præfat.

ANIMADVERSI O VI.

H Uc adde quæ idem Auctor in Areolæ Tuberculis eodem in
 „ Capite describendis peccavit, illudque inprimis quod ita ma-
 „ nifestum est, ut ultro ipse Animadversionis Scriptor Cl. fateatur. In
 „ ista enim laudatione hoc unum excepit, „ quod non tam frequen-
 „ ter in subjectis utriusque sexus ordinem illum in forma coronæ ad
 „ papillæ areolam exactum, tuberculorum, - qualem - exponit dicto
 „ Capite de mammis, observare licuerit. Hæc namque tubercula
 „ satis irregulariter per areolam dispersa figuræ, inquit, ab Orna-
 „ tissimò Morgagniò exhibitæ, - omnino conformantur. „ Nimirum
 „ ego priusquam hæc describerem, aut delinearem, in plurimis areo-
 „ lis

De Areo-
 larum, Tu-
 berculis, &
 harum fe-
 bræ ma-
 gnæ.

Iis diligenter inspexeram, ut quod frequentissimum esset, cognoscerem. Verheyenius autem, quem primam eorundem notitiam meis facile Adversariis, ex quibus & multa alia sumpsit, debere, intelligunt omnes qui priorem Anatomies ejus editionem cum posteriore, hanc verò cum iisdem meis Adversariis contendunt, haud ita multa cadavera ejus rei gratia inspexisse mihi videtur. Non modò enim istam eorum Tuberculorum coronæ similem dispositionem reticulisset, verùm etiam „ utrum singula singulos habeant ductus excretorios, „ detereminare „ potuisset: & quemadmodum „ ex iis pressis quandoque educi humorem vulgari sero lactis haud absimilem, imò verum lac „ à muliere lactante expressum fuisse, tradit, ita sebaceam ex iisdem expelli materiam, non omisit. Hæc omnia à me primùm observata, ac litteris tradita Animadversionis Auctor suis observationibus confirmat; illud tamen postremum excipit. „ Nunquam cæterum visum est, inquit, liquida ex hisce partibus verè „ sebacea prodire datò etiam quòcunque vel pressuræ, vel alterius „ administrationis tentamine. „ Mihi verò; ut Auditores, Amicique mei probè sciunt, inprimisque Joannes Polenus Professor, & Scrip-
 „ tor Præstantissimus, ac de Re Physica, & Mathematica egregie meritus; ut qui singulari quodam tum erga me, tum erga res naturales amore ductus, nostris publicis, privatisque exercitationibus adesse solet; mihi, inquam, nihil facilius est, nihil promptius, quàm ex areolæ (neque lotæ, neque absterse, neque presse) tuberculis materiam illius quæ ab nasi, genarumque sebaceis glandulis separatur, simillimam aut ultrò prostantem ostendere, aut tubercula hinc atque hinc unguibus intercepta paulatim premendo, extrudere: quæ videlicet causa fuit, ut ipsa „ pro sebaceis glandulis interim habenda „ existimaverim. „ Id autem est, quod in ista Animadversione potissimum redarguitur. „ Primò namque, observari dicitur, tubercula hujusmodi per cutis texturam dispersa non esse, & immersa; „ sed adhuc distinctè sub ea jacentia; hocque liquere faciliè, denudatis à cute hisce partibus, sicque adhuc sub eà integris, & intactis. „ Ego verò tubercula ista, ex quibus sebaceam materiam extrudo, detractà cute *integra*, & *intacta* restare, nego. Sed fac, integra, & intacta restare; quid tum postea? „ Hinc, inquit, constat, - glandulas non esse sebaceas; quæ scilicet, ut aliæ omnes „ ejusdem generis, quæ à laudato Authore describuntur, aut ad extimam cutis faciem locari debuissent, aut saltem per intimum cutis plexum stabulari; „ quasi verò aut inter ejusdem generis glandulas, quas descripsi in Palpebris, non retulissem, aut sebaceas, quas in Palpebris descripsi, glandulæ non intra illarum cartilagine

conditæ, sed cuti ipsi intextæ forent. Secundò „ Tubercula, inquit, hujusmodi sub cute efformari non à substantiâ quâdam glandulosâ ibidem affixâ, sed à glomis quibusdam adiposis, eò locò, in „ star pulvinarium, elevationes hujusmodi ad cutem producentibus. „ Ego verò in decem, quas novissimè continenter secui, areolis, cum pleraque ea tubercula qua summa potui diligentia perlustrarem, nihil quidquam pinguedinis, vel in mulieribus habitioribus, iisdem inesse, vidi, aut ad ea efformanda pertinere, faciliè alioqui visurus vel ob pinguedinis colorem, quem in his certè omnibus mammis flavum inveni. Quinimo cum fortè binis areolis nihil propemodum pinguedinis subeset, binis autem nihil prorsus; tubercula tamen ita in his quatuor areolis, ut in quibus maximè, protuberabant.

ANIMADVERSIO VII.

num. 12.

*Ductus Lactiferi in
Areolarum
Tuberculis
hiantes.*

Quid ergo, inquires, inerat? quid eorum tuberculorum intimam, profundamque partem efformabat? Nempe id quod in I. Adversariis indicavi; Ductus videlicet Lactiferi. Scripsi enim, „ me in duabus, vel tribus mulieribus lactiferos ductus vidisse, quales ad papillam pergebant, & hæc versùs areolarum tubercula contententes; & præterea cum nutrix quædam, hortante me, sibi areolam admonis digitis vix pressisset, continuò albas velut lactei feri guttas de his tuberculis erupisse, tum abstersâ areolâ, rursusque pressâ, easdem rursus erupisse. „ Supra autem scripseram: „ me non modò limpidum humorem, sed haud rarò ceuseosum lac, interdum quoque ceu veri albisimique lactis guttas de iisdem tuberculis expressisse ex cadaveribus etiam (quod magis admirere) virilibus. „ Quod tunc igitur indicavi, id in præsentia ex pluries iteratis observationibus confirmo. Scilicet ad singula tubercula singulos pertingere lactiferos ductus vidi, & sic intra ipsa dilatari, ut tuberculorum efformatio eorum ductuum & dilatationi, & ultra areolæ planum prominentiæ maxima ex parte deberetur. Istud ego lactiferi cuiusque ductus extremum ab incluso, & pellucente humore distentum pro *glomo quodam adiposo* Animadversionis Auctori imposuisse, non difficilè crediderim. Sed utcumque id est; ubi ad summam tuberculi partem ventum est, ibi ductus in excretorium orificium contrahitur, atque aperitur. Cur ergo, inquires, ista tubercula pro sebaceis glandulis habuisti? Ego verò quatenus, & quo jure habuerim, & adhuc habeam, postea declarabo. Nunc Animadversionem porro expendere pergamus. „ En genuina, „ inquit, graviorque observatio nostra, ex qua certè & usus & habi-

„ tu-

„ tudo tuberculorum horumce revelentur. In locis illis areæ per
 „ subjacens tuberculum prominentibus, ubi prius ex digitorum pres-
 „ surâ guttula lactis gemmaverat, animadvertebam hiare forinsecus
 „ vasculum distinctè lacteum minusculum, quod ab origine altiori
 „ derivatum, ac per glomi pinguedinei substantiam trajiciens, hinc
 „ usque ad cutem appellit, eamque perforat. „ Genuina ista cerre
 „ est (si glomum illum *pinguedineum* demas) & gravior observatio;
 „ non tamen ipsius propria est, non tamen *revelatio* est. Nos enim in
 „ I. Adversariis ante omnes docuimus, ista eadem tubercula „ habere Ibidem.
 „ singula excretoria oscula attentè inspectantibus manifesta: „ quæ
 „ in Figura etiam exhibuimus; reliqua autem an non hic dumtaxat di-
 „ ligentiùs descriperimus, sed & illo eodem in loco ita indicaverimus,
 „ ut nisi ea legisset, de hac observatione ne cogitaturus quidem is fuisset
 „ qui modò sibi redarguendum propoluit per quem profecit; ex iis
 „ quæ supra dicta sunt, atque allata, æquorum hominum, harumque
 „ rerum intelligentium judicium esto. Rem igitur, quam primus ego
 „ indicavi, confirmavit ipse, aut etiam, si quis ita malit, illustravit; cer-
 „ tè neque ipsam rem, nec rei usum revelavit. De hoc enim sic ipse
 „ disertè confessus est, cum meam tuberculorum, seu glandularum
 „ istarum „ usus descriptionem tamquam scilicet effluxus lactei vica-
 „ rias, & coadiutrices demonstrando, tam exactam, sicque in æter-
 „ num laudandam „ judicavit. 174

ANIMADVERSI O VIII.

A Tenim, inquires, non modò is censet quod à te fuerat indica-
 „ tum: „ juvare tubercula hæc, & supplere officium papillæ tunc Adv. I.
loc. cit.
 „ præsertim cum introrsus hac, non infrequenti nempe vitio, subsi-
 „ dente & quasi retracta, nihil quod infans labris exceperet, nihil
 „ quod sugat; præter areolam relinquitur; „ sed „ per calculum
 „ suum id à natura institutum (pronunciat) ut-quodcunque sit im-
 „ pedimentum aliquod- majoribus tubulis versis papillam, - majo-
 „ res hi tubuli succis aliquantulum suis exonerari possint in laterales
 „ hosce minores (qui scilicet tubercula perforant) ut hinc & fluxus
 „ aliquis devectis succis servetur, & non tam faciliè in majoribus fi-
 „ stulis residua liquida, & à cursu suo remorata concrecant. „
 „ Hoc quidem, fateor, pronunciat, nec sanè perperam, si modò constat,
 „ laterales hosce tuberculorum ductus cum iis qui ad papillam
 „ contendunt, communicare. Verùm id ipsi nondum constat. Nam
 „ si non, inquit, adhuc pro cerro assevero, vidisse saltem videor,
 „ eosdem in tubulos majores lacteos, qui properant ad papillam, -
 „ B 2 „ se

174

1. 1. tr. 3.
c. 1.

„ se se insertum vadere. „ Et nos postea mirabimur, ipsum *protinus miratum* esse, me post mei illius usus descriptionem ea tubercula sebaceas adhuc glandulas appellavisse! Ipse enim minimè dubitat, quin ex eo quod quisque sibi vidisse videtur, continuò tanquam ex re certa atque explorata sit pronunciandum. Ego verò in eo saltem Magnorum Virorum vestigia persequens, quòd mihi diffiderem, neque protinus iudicium serrem; postquam illas de quibus dictum est, observationes quas certè habueram, non verò habuisse visus eram, in 1. Adversariis proposui, deductum ex illis præbendi lactis usum, non ut sententiam, sed ut *suspicionem* quandam protuli, imò hæc continuò subjeci: „ Nil tamen pro certo de re hac affirmare nunc aui-
 „ sim, ut qui neque ex una, aut altera sectione asseverare quidquam
 „ soleam, & vicissim sciam, nutrices duas, cum, me suadente, ea
 „ tubercula compresserint, nil tale exprimere potuisse. „ Itaque
 nunc demum pronuncio postquam iis paucis sectionibus alias complures annis insequentibus adjunxi, illisque tum in priore nutrice, tum in cadaveribus, à me habitis observationibus consimilem aliam Verheyenius adjecit: quibus si consentientes istius quoque Scriptoris sectiones, & observationes addamus, eò gravius momentum adiunxerimus, quòd qui aliàs nobis adversari vehementer solet, nos ipsos hac in parte sectatur. Illo autem tempore cum in hac quidem re nondum mihi satis habere iteratas observationes viderer; contra autem de prostante ex iisdem tuberculis materia sebacea ob certissimarum observationum copiam dubitare amplius non possem; quid mihi aliud faciendum fuit nisi quod videlicet feci, ut inventum utrumque, ne quis fortè ante occuparet, proponerem, eo tamen discrimine, ut de illo mihi aliàs amplius videndum, dicendumque relinquerem, de hoc vel tunc pronunciarem. Itaque non id tantum scripsi: „ Nil tamen pro certo de re hac (primo illo videlicet invento) affirmare nunc aui-
 „ sim: sed hæc quoque addidi: „ Ea potius tubercula
 „ pro sebaceis glandulis interim habenda existimarem, propterea
 „ quòd sebaceam materiam ex eorum osculis prostantem frequentissimè viderim, neque minis frequenter expresserim. „ Sed altera quoque causà fuit cur dicerem: „ potius pro sebaceis glandulis interim habenda existimarem; „ non autem dicerem: sebaceas glandulas esse, statuo. Scilicet quòd ex iis tuberculis sebi consimilis materia exprimeretur, compertum id quidem exploratumque habebam, ideòque sine ulla dubitatione pronunciabam; num verò expressa omnis materia unius ejusdemque esset generis, atque originis, & num præsertim tuberculorum omnes partes sebo secernendo inservirent, id sanè vel propter illas alias observationes non dubium mihi
 cisc

esse non poterat; ideoque comparativa illa, temporaria, & ancipiti loquendi ratione ea tubercula nequaquam prorsus, *ut glandulas sebaceas*, quod Noster dicit, *stasui, & conclusi*; sed quid mihi minus tum displiceret, indicavi.

175

ANIMADVERSI O IX.

NEc sanè est in præsentia, cur me istud indicasse pœniteat. Illa enim tubercula non modò ex lactiferis ductibus, verùm etiam ex Sebaceis Glandulis compacta sunt: quas omnes etsi nondum satis à me perspectas esse, existimo; quasdam tamen instar minimorum, & ex flavo albicantium granorum in summa tuberculorum parte circa horum excretoria oscula consitas ita certè vidisse me, scio, ut certè è contrario scio, iisdem excretoriis vasis *glomus* illos *pinguedines* non vidisse subjectos, qui extremam ductuum partem, tanquam pulvinaria elevent, tanquam cortices investiant, imò tubercula ipsa tanquam materia efforment. Quod quidem ultimum, ex quo priora consequuntur, ultra autopsiam evidentissimum ulterius esse, Cl. Animadversionis Auctor contendit. „ Siquidem in gracilibus, inquit, subjectis, aut per morbos aliquos gracilescuntibus, quibus scilicet extenuatur pinguedo, & deprimitur, abolitas omnino observabam prominentias hujusmodi, quod & annuit ornatissimus Morgagnius: - Ea, ait, *tubercula aut perexigua, aut etiam nulla interdum se se ostenderunt, ut in senibus præsertim tabidis, & macie confectis*. „ Hæc, fateor, scripsi; sed illud tamen, quod ipse omittit, continuo subjeci: *id tamen rarò admodum contingit*. Et sanè etsi illud in nonnullis præsertim senibus, iisque non *gracilibus*, aut *gracilescuntibus*, sed *macie confectis* mihi accidit; in aliis tamen extenuatorum cadaveribus, & nominatim mulieris tabidæ, cujus non modò costæ singulæ extabant, sed de mammis nihil ferè aliud nisi papilla, atque areola, relictum erat, eadem tubercula non minora, quàm in pinguibus mulieribus deprehendi. Verùm etsi illud in omnibus macie confectis accideret; num, quæso, in ejusmodi ægris nulli alii præter pinguedinem succi minuuntur, ut *evidentissimum* ex illa observatione censendum esset, pinguedinea esse corpora tubercula hujusmodi? Quæ omnia cum ita sint; vides, an non multò potiori jure ipsi reddere suam illam *repetitionem* possem? Absurdum itaque (adhuc repetitur) glandulas vocare sebaceas tubercula hujusmodi ut deposcit Cl. Morgagnius; præsertim cum alià id ego, ut ostendi, ratione indicaverim, alià ipse *pinguedinea* esse tubercula hujusmodi, sine ulla videlicet hæsitazione, constituat. Sed ista ne-

*Glandula
Areolarum
Sebacea.*

gle-

glecta repetitione, interrogationes saltem quatuor, quibus suam concludit Animadversionem, attendamus.

ANIMADVERSIO X.

1. 1. tr. 3.
6. 3.

173.

„ **D**Arò, inquit, quòd essent glandulæ ecquid sic proceras, & „ ingentes delineat Author Cl. seu longè ultra mensuram „ aliarum glandularum omnium; quas ut sebaceas variis in locis pro- „ clamat. „ Vel id vult: cæteris majores sunt, ergo glandulæ se- „ baceæ non sunt; quasi verò Natura ex pluribus minoribus collectis majores facere glandulas non potuisset, atque aded non consuevis- „ set. Vel hoc vult: naturalibus majores sunt, ergo perperam deli- „ neatæ sunt; quasi verò non esset à Verheyenio suo scriptum: hæc tubercula „ magnitudine varia esse, præcipuè in variis subjectis; at „ passim semen cannabinum superantia; „ aut ipse, eorum tantum ordine excepto, *veracissimam præ aliis Verheyenii descriptionem non proclamasset*. Hæc cum ita se habeant; ex parte quidem constat, quid de ejus *excessu* in altera interrogatione dicendum esset: „ Et si „ inquit, aserit, tubercula hujusmodi vidisse in Bidloi & assecularum „ tabulis delineata, naturalibus valdè majora, quid de excessu eò- „ dem hòc suò dicendum foret? „ ex parte autem non satis constat, propterea quia inter nostra de tuberculis hæc verba, quæ tu, Vir Cl. ante istam Animadversionem exhibuisti, nonnulla fortè deside- rantur huc omnino pertinentia. Postea enim quàm scripsi: „ Hæc „ postea vidi tubercula in Bidloi Tabulis delineata, naturalibus qui- „ dem valde majora, ut quæ ope microscopii descripta sunt, neque „ ita præterea, ut auferri mutarive aliquid non possit; „ hæc conti- nuò subjeceram: „ qua in re diligentiam magis desideres trium, vel „ quatuor Anatomicorum, qui eandem in suos libros Figuram, sed „ proportionis nulla habita ratione transulerunt. „ Quid igitur ita istam interrogationem adornat, quasi id aut in Bidloo, aut in his qui ejus Figuram describere, argueremus, in quo nos ipsi prolabe- remur, grandiore æquo istorum tuberculorum delineationem; quæ quidem in re neque ipsi erravimus, nec Bidloou, aut alios erravisse, diximus, non illum, quia ope microscopii se illam Figuram delineavisse, professus est, non istos, quia quo pacto à proportionē reces- serint, non explicavimus. „ Ad tertiam autem interrogationem: „ Et si lac purissimum ex eisdem expressisse tuberculis affirmat Au- „ thor Clar. cur indè eadem, ut glandulas sebaceas, statuit, & con- „ cludit, quarum ceræ humorem incolam conforme nihil habere „ cum lacte, nullaque per se ipsum cum scatebris lacteis commercia,

„ no.

„notissimum vadit:„ ad hæc, inquam, verba quod attinet, etsi indicatum est supra, neque id nos statuisse, & unde ista admiratio nascatur; addi tamen potest, non satis demum fuisse causæ, cur id Anatomicus miraretur, quando notissimum est omnibus, non modò per proxima orificia, sed per idem osculum excretorium duos adeò diversos humores, bilem scilicet, ac pancreaticum succum prodire; mirandum potius esse, qui *pro certissimo* compererit, adversus „rudes „nimis externorum attactus„ ad ipsum meatum auditorium; ac pro variis inter se se partium motionibus ad ipsa labra sebaceas glandulas requiri, naturale quoddam linimentum, inunctionemque præbentes; eundem ne cogitasse quidem, Areolæ cuti, atque adeò istis tuberculis ab infantis suctione diu, crebròque vexatis linimentum id genus præstò esse convenisse. Quod autem postremò interrogat: „Et si „glandulas tubercula ad areolam hujusmodi vocavit, quia notabiliter prominentia, cur non & glandulas vocavit similes supra papillæ superficiem prominentias ordinarias? „ad hoc quoque in aliis Adversariis responsum est, ubi quid in glandulis sebaceis agnoscendis potissimum sequamur, ostendimus; neque enim usque adeò inepti sumus, ut nihil aliud in ea re, nisi prominentiam quandam spectemus. Itaque etsi in Papillæ ipsius tum summa parte, tum lateribus exiguas sebaceas glandulas sæpissimè agnovimus; *ordinarias* tamen istas, quas ipse objicit, papillæ *prominentias* pro glandulis non habemus. Cæterum ista objectio atque interrogatio si quid valeret, non sanè in nos magis, quàm in Bidloun, Heisterum, aliosque homines Clarissimos caderet, ut qui pariter cùm istas *ordinarias* Papillæ *prominentias* pro glandulis non habuerint, Areolæ tamen tubercula *Glandulas* vocare non dubitarunt.

71.

Papilla
Glandula
Sebacea.

173
Compen.
Anat. u.
191.

ANIMADVERSI O XI.

Nunc ea vicissim à te mihi venia danda est, Vir Cl. ut super his quæ in Capite proximo de Diaphragmate producis, nonnulla interrogem. Et primùm istone diaphragmatis Typo, „qui, „prout hætenus ab Autoribus expressus est, oculis subijci dicitur, „ut pateat quid inter illum & hanc novam diaphragmatis structuram „interfit; „istone, inquam, Typo meliorem nullum ante id tempus ab Anatomicis propositum credis? Iste profectò circularis est. At Vesalius, & qui ipsum secuti sunt, ellipticum protulere. In isto etiam, fateor, fibrarum ductus neque superioris, neque inferioris musculi agnoscuntur. At in eo quem Stephanus edidit, superioris quidem perspicuè, in iis autem quos Veslingius, utriusque quadantenus

De Dia-
phragmate.

176

De hum.
corp. fabr.
l. 2. Tab. 7.
De diss.
part. Fig.
ante c. 39.
l. 2.

Synt. An.
1. edit.
Tab. c. 9.
Fig. 6.

tenuis agnoscuntur. Abnormis pariter in isto typo tendineæ inter-
mediæ partis diaphragmatis figura est. At si quæ est in priore Ves-
lingii typo, diligenter inspicietur, non usque aded abnormis videbitur.
Et; quoniam hoc inprimis ferè inculcatur; est quidem in parte ten-
dineæ istius typi foramen pro œsophago insculptum. At in eod-
em Veslingii extra illam tendineam, atque aded in posteriore par-
te carnea manifestissimè insculpitur. Quæ tamen cave credas ita à
me asferri, quasi contenderem, nihil demum novi de diaphrag-
mate ab Nobilissimo Bartholino propositum esse. Plura enim
proposita esse, fateor, & plures vulgarissimos errores esse con-
vulsos. Sed illud unum contendo, non oportuisse istum potissimum
typum asferri, ut inde pateret, quam in illud usque tempus Ana-
tomici diaphragmatis structuram expressissent, cum alii, præfer-
tim in nostrorum Antecessorum libris, ut ostendimus, extarent non
usque aded ab omni veri imagine remoti. Super iis autem quæ In-
geniosissimus Auctor de diaphragmatis, & transversî abdominis mu-
sculi continuatione scribit, neque dicam, Vesalium quoque nostrum
tradidisse, diaphragma „ ad inferiorum costarum extrema, oblique
„ ascendentî abdominis musculo, & longè magis transverso admo-
„ dum uniri; „ neque addam, me tamen olim in quodam cadavere,
non *tendines*, sed laxissimam quandam, & facilè distrahendam mem-
branam, diaphragmatis superiori musculo, & abdominis transverso in-
terjectam vidisse; neque enim ego rudem illam observationem itera-
vi, & Bartholinus id in homine se perscrutatum esse, negat. Illud
potius ex te quæram, num quæ de diaphragmatis motu sentit, re-
laxatis scilicet ejus fibris, ipsum ex incurvato magis planum fieri, at-
que inimum ventrem protrudi, iisdem autem contractis, ex plano in-
curvatum in thoracis caveam magis ascendere; num, inquam, hæc
tibi ejusmodi videantur, ut vel omnino probari, vel certè sine ulla,
ut facis, adnotatione Lectoribus proponi debeant. Scire etiam per-
velim, an fibras istas carneas quibus arteria aspera in nobis contra-
hitur, & quas inter cæteras Bartholini Figuras in Bibliothecæ Ana-
tomicæ Tab. XLI. Fig. 6. exhibueras, hic, quamvis pariter promissas,
exhibere tamen non memineris; nam quòd illæ „ exprimi in
„ Tab. 84. Fig. 4. „ dicuntur; certè hæc Figura nihil nisi diaphrag-
ma caninum exprimit, illa autem quam in Bibliotheca produxeras,
hic nusquam apparet. In his verò quæ laudati Auctoris descri-
ptioni adjicis, Nervos Diaphragmatis „ duplici, triplicique origine &
„ nervis brachialibus utrinque nasci, — iisdemque non longè ab
„ exortu plures in homine accedere à nervo intercostali furculos, „
doces. Hæc quomodo concilies, quæro, cum iis quæ de istis ipsis
dia-

177

1. cit. c. 35.

177.

179

180.

De Nervis
Diaphrag-
matis.

diaphragmatis nervis, longè ea quidem discrepantia, in Tabulis XLVI. & XLVII. cum Solertissimo Vieussenio ostendisti. Idque eò magis quæro, quòd ipse primam eorum nervorum originem, non ex Brachialibus, sed ex aliquo proximè superiorum Cervicalium fermè ut Vieussenius proponit, memini me annis superioribus invenisse. Non ignoro, in aliis fortasse cadaveribus id inveniri aliter posse, imò fateor, Willisium à quo Vieussenius in eo recessit, eadem quæ tu, tradidisse; illud tantum quæro, cum supra Vieussenii Neurographiam selegaris, quam tu, Lectoresque tui sectaremini, cur hic discrepantem Willisii descriptionem sine ulla hæsitacione sequaris?

ANIMADVERSI O XII.

ATque ut super adjectis quoque in LXXXIV. Tabula Diaphragmatis Figuris, earumque Explicationibus perpauca interrogem; indices velim, qua in Figura (ne dicam qua in Tabula) diaphragma in sua sede, ac positu conspiciendum exhibueris; certè non te fugit, id ita esse Rei & anatomicæ, & chirurgicæ, & medicæ necessarium, ut propter ejus ignoracionem neque præcipua diaphragmatis utilitas, thoracis videlicet caveam in inspiratione producendi, in expiratione autem corripienti, intelligi satis possit, & plurium interdum morborum sedes, quæ in mediæ ventris infima parte est, in imi suprema, & vicissim, non sine ægrorum, Artisquæ detrimento, esse existimetur. In Figuræ autem 4. Explicatione, quando aliquot Bartholini verba mutas, cur non aliquod potius monitum interjecisti, ex quo Lectores intelligerent, quæ Auctor ad litt. GGGG „ ternas utrinque indicet extremitates tendinosas, „ cum haud plures binis utrinque esse videantur; vel non propriè dici perforari, aut *per-tundi* diaphragma à descendente Aorta: quod rectè post Vesaliū admonuit Verheyenius. Hic contra, duo diaphragmatis agnoscit foramina, à te, & Bartholino prætermissa, per quæ videlicet Nervorum Intercostalium trunci in imum ventrem transmittuntur. Hæc ego foramina in illo eodem cadavere in quo supra dixi, me nervorum diaphragmatis originem quævisisse, cum diligentius inquirerem (à primo namque inter diaphragma, & dorsum ii Nervi transire videbantur) reapse in parte ipsa carnea diaphragmatis inveni; dignumque propterea disquisitione existimavi, quid dum ejus fibræ carneæ vel diu contrahuntur, vel crebrius, fortiusque tenduntur, alternèque laxantur, & iis nervis, & nervis itidem octavi Paris, qui videlicet unà cum œsophago transmissi, à carnea pariter Septi Transversi parte interceptiuntur, sive in naturali, sive in præternaturali hujus mo-

181

De hum.
corp. fa.
l. 2. c. 35.
L. 1. tr. 3.
c. 4.
De Nervis
Intercostal.
lib. 2. p. 4.
82.

ru, quid, inquam, siue utilitatis, siue noxæ contingat. Sed hæc fortasse aliàs; nunc duas postremas istius Tabulæ Figuras inspiciamus. Nona, quæ ex Blancardo est, vide, quæso, annon, ut pleræque aliæ ejusdem Auctoris, inversa sit? mihi certè vel ex sola ventriculi inspectione videtur. In decima autem, quæ ex Verheyenio est, explicanda, cur, obsecro, parvam illam venam, & arteriam, quas ille, à se observatas, ad litt. II. ostendit, & à „ parte superiori enatas „ dixit, hoc est, non ut GG, & HH à magnis truncis per diaphragma transeuntibus, aut à cœliaca, lumbaribus, adiposis, sed à subclaviis vasis, cur tu easdem „ à parte Diaphragmatis superiori „ enatas „ dicis? præsertim cùm arterias à partibus nasci, rectè dicere non possimus. Ille quoque explicationi litterarum LL non fortuito &c. addiderat, sed ad id respexerat, quod in descriptione indicatum erat: „ Succedunt inferiùs nervuli L à trunco intercostali, & fortè lumbaribus. „ Neque hoc tamen notavi, ut ejusmodi omissionem objicerem; sed ut postremò ex te quærerem, si eos quoque inferiores nervos cum Verheyenio hic agnoscis, eosdem cur supra in iis quæ Bartholino addidisti, non memoraveris?

Vid. loc.
cit.

182.

Ibidem.

ANIMADVERSIO XIII.

Tertium autem Caput, quod est de Pleura, ac Mediastino, si versùs non ampliùs decem excipias, in quibus de Illustrum Anatomicorum Malpighii, & Ruysschii observationibus quiddam semel, atque iterum interjicis, ita ex Verheyenii Capite de iisdem Membranis inscripto universum desumptum est, ut non satis mirari queam, quò fieri potuerit, ut ipse per te id testari, & Lectoribus significare oblitus sis. Idem enim est ordo, eademque sententiæ, verba quoque sæpissimè eadem nullo negotio agnoscuntur: quod & in iis accidit, quæ in proximis duobus Capitibus de Thymi *extensione* habes, & de sanguiferis siue ipsius, siue Pericardii vasis. Atque utinam eorum quæ ad ipsum pertinent, Verheyenium auctorem laudavisses, & illum quidem, non te, docere, indicavisses, ex. gr. inter Pleuræ usum hunc esse: „ ipsas etiam costas in debitò coercere „ spatiò; „ nam potiùs contrarium verum est: aut Mediastinum „ mutuari nervos à diaphragmaticis, - dum scilicet per illud ad diaphragma - descendentes, aliquos in itinere furculos in ipsum emittunt; „ siquidem hoc, ut verum sit, cum iis tamen haud satis cohæret, quæ ambo de iisdem nervis *diaphragmaticis* paulò antè docuistis, scilicet „ per Thoracis cavum indivisos, ut is loquitur, descendere; „ vel, ut tu scribis, „ rectà per cervicem, ac thoracis „ cis

l. 1. tr. 3.
c. 5.

182.

l. cit. c. 4.

180.

„ cis cavitatem nullò de se emissò ramò, ad diaphragma progredi,
 „ in idque per tres quatuorve, in quos dividuntur surculos, interi. „
 Vel si in illis omnibus Verheyenium sequi malebas; utinam potiùs
 cuncta ipsius verba descripsisses; sic enim neque Pleuræ venas, arte-
 rias, nervos omisisses; neque inter ejus usus addidisses, ipsam, tho-
 racis cavitatem lævem, ac lubricam reddere, pro commodiori non
 pulmonum duntaxat, sed & cordis motu; quasi verò cor, non in
 pericardii, sed in ipsa thoracis cavea moveretur, aut non pericar-
 dium, sed eam de qua ibi agis, pleuram thoracis parietes succin-
 gentem, dum movetur, contingeret; denique opus hic esse Figura
 quapiam, quæ mediastinum sua in sede ostenderet, oblivisci non
 potuisses. Verùm ut de duobus etiam quæ consequuntur, Capi-
 tibus perpauca dicamus; quod ad Thymi *extensionem* attinet; supra
 indicatum est, ipsa Verheyenii verba inter tua facilè agnosci: quod
 quidem ita verum est, ut grave illius sive Amanuensis, sive Typo-
 graphi mendum in tua pariter descriptione servetur; nam tu quoque
 thymum extendi scribis „ secundum longitudinem aortæ & venæ cavæ
 „ inferioris. „ Cæterum non modò secundum longitudinem aortæ, & venæ cavæ superioris extenditur, verùm etiam in foetibus eò usque
 ascendere interdum vidimus, ut thyroidæam glandulam attingeret. *De Thymo.*
 Quò magis à te rectè factum credimus, quò minimè sis Verheye-
 nio adstipularus suspicanti, officium thymi illud esse, ut humorem *l. 1. tr. 6.*
 secernat in subiectum pericardium derivandum, idque magis quidem *c. 7.*
 in junioribus, quia „ non apparet opus magna illius restauratione,
 „ quando semel in sufficiente quantitate collectus est. „ Neque enim
 glandula ejus magnitudinis opus fuisset, re præsertim sic constituta,
 ut iusta illius humoris copia, quæ quidem modica est, cum semel
 collecta esset, magna postea restauratione non egeret. Accedit, me
 quoque in foetibus, & in his quadrimestri etiam aliquo, dissecandis
 universam thymi substantiam albicante quodam sero, & serè chyloso
 admodum imbutam invenisse, ut neque parum, neque id genus hu-
 moris secernere, quod in pericardio colligitur, appareret. Quæ
 cum observarem, eam quoque vidi, quam Verheyenius indicat, tu
 autem omittis, insignis istius glandulæ in lobos, & lobulos divisio-
 nem. Hic essent mihi nonnulla alia tum de Thymo, tum de Peri-
 cardio notanda; illudque inprimis querendum, cur quando tradis,
 Pericardium „ partibus vicinis adhærere; sed præcipuè Diaphragma-
 „ tis circulo nerveo „ (etsi ego memini carnotæ ejusdem anteriori
 substantiæ adhærere olim observasse), idque homini singulare esse; „
 „ cur, inquam ejus quoque rei causam inter Pericardii utilitates non
 attuleris? Sed quoniam id in proximo Capite de Corde Eximius Vir

Richardus Lowerus, cujus tu verbis præclare uteris, egregiè præstitit; ideo satius erit Lectoribus, ut ibi quærant, indicare; jamque his tribus brevioribus Capitibus dimissis, ad illud ipsum Caput; quò & ejus prolixitas, & materiæ dignitas nos quasi vocat; contestim transire.

ANIMADVERSIO XIV.

- 185 **E**T principio quidem rectè admones, non pauca eorum quæ de Pericardio à Lowero scribuntur, „ per ea, quæ post ipsum in „ hujus sacculi, seu capsulæ structura, ac inde enatis usibus detecta „ sunt, planè refutari. „ Illud verò desideratur, ut multis aliis ejusdem Auctoris locis similes Notulas simili de causa apposuissem. Neque enim minùs Lectores à te erant admonendi ubi ex. gr. ille scribit: „ nullam vim aut facultatem se movendi cerebro inesse, quàm spiritus animales (ut Cor suum sanguinem) dispellat; „ super re tamen ejusmodi Cl. Pacchionum esse legendum. Pariter, ubi affirmat Lowerus, „ propagines nervosæ à solò octavi paris nervò in „ Cor humanum inferri; „ commemorandum erat, te supra cum Cl. Vieussenio rem longè aliter se habere, ostendisse. Verùm alia hujusmodi infra attingemus. Nunc vel eo graviore de biventribus Musculis Auctoris lapsu prætermisso, quem alibi memoravimus, ipsam cordis fabricam quomodo describat, videamus. „ In corde, „ inquit, benè excoctò & ab auriculis suis & vasis majoribus separtò tendo satis validus apparet qui marginem ejus circa ostia undique cingit, & amplectitur, cujus pars aliqua in summitate septi „ in quibusdam animalibus in osseam substantiam induratur. „ Equidem non modò in quibusdam animalibus summum cordis septum, sed in ipsis hominibus orificiorum cordis pars magna haud ita rarò in substantiam osseam induratur. Itaque meminimus in Sene quodam in ipsa cordis substantia sub mitralibus valvulis ossiculum invenisse transverso pollice longius; in grandæva autem muliere os transverso pollice crassius, dimidiatum annulum representans, cui memoratæ valvulæ adhærebant pariter ossificatæ, nisi quòd alterius earum magna pars adhuc sana erat, ut claudere posset orificium ab ejus ossis protuberantia sanè contractum. An tamen id quod ibi fit ossium, tendo sit, non ita, opinor, evidens est, ut Auctor existimat. Nos enim certè cum in corde juveni, quemadmodum ipse jubet, præparato, tendinem istum *satis validum* diligenter quæreremus, ostia quidem, quibus arteriæ appositæ sunt, ab incipientibus harum parietibus, atque ideo à quadam tendinis specie cincta deprehendimus;

De Cordis
Ossibus.

De Cordis
Tendini-
bus.

mus; at illis ostiis quibus auriculæ præfixæ sunt, nihil circumjectum videre potuimus quod non potius caro, quàm istiusmodi tendo esse videretur. Quæ cum ita sint, minùs ægrè fero, quòd Figuram prætermiseris in qua Lowerus circum omnia cordis orificia dispositum tendinem ostendit, præsertim cum sedes singulis orificiis in eà Figurâ assignata à vero plurimum distet, velut à Cl. Bartholino, aliisque notatum est. Attamen poteris huic incommodo obviam ire eandem Figuram ita exhibendo, ut est à Verheyenio correctâ, ne basis cordis figura, ac certa sedes, quæ iis singulis ostiis à natura attributa est, à tuis Lectoribus ignoraretur. Neque enim sine summa ratione attributa est, ut ostendere fortasse possem, nisi ad quædam alia de multis quæ in describenda cordis fabrica Lowerus exposuit, transire nunc mallet. Addit igitur: „ paucas & tenuiores fibras „ per extimam dextri ventriculi superficiem rectè sursum elatas in „ basin terminari. „ Et sanè si quod paulò post subiecit: Fibrarum „ omnium seriem complicationem atque ordinem faciliè percipiet, „ qui Cor bubulum aut ovinum excarnare tentaverit: „ de his quoque fibris rectis dictum voluit; nihil facilius quàm in vitulinis & agninis cordibus vel nondum costis easdem ostendere. Sin verò ipsas in corde etiam humano perspici posse, existimavi, ut Verheyenius, & plerique alii qui eas describant, credere videntur; candidè fateor, me in pluribus cordibus diligentius quærentem nunquam videre potuisse; ob eamque causam faciliè crediderim, ab Diligentissimo Anatomico Vieussenio in fibrarum cordis descriptione esse prætermisissas. Quapropter neque admodum displicet quòd proximam Loweri Figuram iis fibris rectis ostendendis destinatam omiseris. Binas tamen quæ illam consequuntur, exhibere profectò poteris, præsertim cum ex quas ex Bidloo sumptas ipsis videris substituere, haud æquè sint laude dignæ, ut ex parte aliqua in loco ostendemus.

Specim.
hist. Anat.Tab. 10.
Fig. 5.De Fibris,
Cordis,

189

l. 1. tr. 3.
c. 6.Tract. de
remot.
&c. princ.

ANIMADVERSI O XV.

Q Uod autem ad Cordis Auriculas attinet, num Auctori credemus, „ earum fibras duplici & contrariò respectû in opposi- „ tos tendines ferri, - atque alias in hunc, in illum alias ter- „ minari? „ Mihi certè neque anatome, neque exhibita in hanc rem Figura quidquam firmi videtur ostendere, cur id credam. Atque ut quiddam *de pulmonis nutrimento* interjectum ob arteriæ bronchialis ignorancem, mittamus; num sinistram auriculam propterea minorem esse dextera, existimabimus, quòd „ è vena pulmonali pro-

Et Ani-
cularum.

191

191,

„ pter

- „ pter pulmonis in expiratione collapsum & subsidentiam sanguis
 „ expressus confestim & copiosius urgeatur? „ quasi verò hoc, tem-
 pore dumtaxat diafoles, non autem etiam systoles sinistri ventriculi
 accideret. Num verò istud tuberculum ante limen auriculæ dextræ,
 De Venis
 Cavis.
 193. „ elevetur, „ alii viderint; ego id potissimum ex te quæro, cur
 duas ad illud pertinentes Loweri Figuras, præsertim nulla alia sub-
 stituta, prætermiseris? Venam autem Cavam (vel potius Venas
 Cavas; nusquam enim in unum truncum reverà, & propriè conve-
 niunt) Venam, inquam, Cavam „ hic in confluvio - in majoribus
 „ Animalibus, tam Homine, quàm Brutis, totam circumcirca mus-
 „ culosam esse, „ non faciliè assentietur, qui bovinam quidem Ca-
 vam vero valido, & rubicundo musculo, insignem sphincterem æmu-
 lante, instructam viderit, parem autem musculum in humana (cui ta-
 men non propterea muscularem naturam, & vim nego) incassum
 perquisiverit. Pariter qui cor in sua sede spectaverit, non faciliè is
 (ut alia mittam) intelliget, quomodo ostium ullum cordis *fursum*
recltè, & non potius obliquè aperiat.

ANIMADVERSI O XVI.

194. **I**s autem quæ de Fœtus Canaliculo Arterioso, & Ovali Forami-
 ne attingit Lowerus, Dissertationem tu quidem subijcis, quam
 „ ad calcem Anatomie Vereyhenianæ antea reposueras; „ in qua
 Dissertatione si quid fortè minùs probarem, tuæ, Vir Cl. responde-
 re humanitati non viderer, qui in eadem mihi illius Foraminis Val-
 196. vulam describenti *omnino subscribis*, & meam quandam animad-
 versionem *demonstrationis* nomine benignè ornas. Vide igitur, non
 quid in ea Dissertatione, sed quid in hoc Theatri tui loco desidera-
 ri posse, credam. In superiore Libro cùm Fœtus historiam propo-
 neres, canaliculum arteriosum, & foramen ovale non modò non pin-
 xeras, sed vix Drelincurtii verbis memoraveras. Hanc tamen omif-
 sionem per te ipse egregiè sensisti, atque adedò scripsisti in ejus Libri
 198. extremo: „ Supereset jam ut de fœtus in maternò sinù, canali Ova-
 „ li, ac tubulò arterioso, quorum ope circulatio sanguinis in iis ali-
 „ ter prorsùs quàm post partum peragitur, verba faceremus; verùm
 „ hanc explicationem ad Caput de Corde rejicimus. „ In hoc autem
 Capite de Corde, primùm quod ad tubulum arteriosum attinet, num
 ipsius delineationem exhibueris, tute scis; descriptionem autem ejus
 dare non hic Lowerus magis, quàm ibi Drelincurtius, aggressus est.
 Relinquebatur, ut in ea quam adjicis, Dissertatione id ipse præsta-
 res.

res. Sed ut in ea scribenda hoc tibi proponere non potueras, ita accidit, ut quamvis Scriptorum quatuor loca proruleris ad eum tubulum pertinentia, ex nullo tamen eorum intelligere Lector queat, in quam Arteriæ Magnæ partem cruor per eum tubulum inferatur. Quinimo quis conjiciat, inferri in eam partem, in qua illa ramis ad superiora omnibus jam emissis, porro incipit descendere (qua quidem ex re ingeniosè quædam à nuperis Anatomicis deducta esse, video) quis, inquam, id conjiciat, cum eorum aliquis, quorum verba proferens, eum canalem, ducere, ajat, ab arteria pulmonis oriente in arteriam orientem aortam? Hic tamen satis instituto fecit suo, quod sanè haud erat eum canaliculum describendi. Sed & Cl. Munnickius pro ea quam sibi proposuerat, brevitate, egregiè ista scripsit, quæ ex eo producitur; „Utramque hanc viam, foramen puta ovale & canaliculum arteriosum, ætate procedente natura paulatim obliterat, neque in adultis referat, nisi cum graves causæ vias consueras impediverunt: Et quidem foramen ovale clauditur non aliâ materiâ quàm suâ ipsius valvulâ; sic ut valvula semper maneat valvulæ corpore, valvulæ tenuitate, & valvulæ perspicuitate. Hæc tamen, ut in tuo isto amplissimo Theatro, illustrari certè magis poterant, primùm ex Cowperi observationibus, qui ex infantum sectione comperisset se, docet, si ista viâ, & presertim foramen ovale, quod videlicet tardius occludi solet, æquo citius claudantur, sæpe multa mala ipsis inferri, ut capitis, colli, pulmonum inflammationes, in quibus propterea sanguinis imminutionem commendat; deinde etiam ex iis, quæ in adultorum cadaveribus facillimè adnotari possunt. Nos enim quàm sapissimè vidimus, eam Valvulæ partem quæ ultra Ovalis Foraminis anteriorem, inferioremque marginem in Foram. extendebatur, in senilibus etiam corporibus non modò nondum parieti pulmonaris venæ coaluisse, sed instar duorum, vel plurium inæqualium, vel, quod frequentius, unius insignis Sacculi (aut, si mavis, valvulæ sigmoidis, sed angustioris, aut denique, ut Verheyenius loquitur, insignis sinus) cujus orificium deorsum nonnunquam, sæpius antroorsum spectabat, tum crassiora specilla, tum ipsum extremum scalpelli manubriolum inter se, ejusque venæ parietem tam altè admisisse, ut quod Verheyenius in vitulis, diversa temporis distantia post nativitatem mactatis, perspexit, Valvulam videlicet, dum à parte pulmones respiciente parieti venæ pulmonalis adnæscitur, adhuc crescere & extendi ubi cor respicit: id in hominibus quoque verum esse videretur. Illud verò certissimè observavi, totam ferè istam, quæ soluta adhuc erat, Valvulæ partem multò ac multò crassiorem quàm in foetu esset, atque firmiorem esse factam.

Qui-

Append.
Anat.De Ovali
Foramine,
ejusque
Valvula,
ut in adultis.I. 2. tr. 5.
C. 20.Contro-
vers. cum
Mery c. 4.

125

Quinimo in ipso sacculi extremo fundo inter hunc, & ovalis foraminis anticum, supremumque marginem adhuc apertam cruori viam perexiguam pluries vidi, semel verò ejusmodi, ut manubrioli scalpelli acumen nullo negotio in venam cavam transmitteret, idque in muliere, semel denique in viro annos facillè quadraginta nato eandem viam usque ad eò apertam comperi, ut apicem ipsum minimi digiti admittere ferè posset à parte quidem venæ cavæ; nam quò magis inde ad sacculi orificium pergebat, eò magis instar conici tubuli contrahebatur. Quæ quidem postrema observatio ut isti prorsus contraria est, quam in alio viro Cl. Litrium habuisse, refert, ita priores illæ suspicionem injicere videntur, annon istud orificium, quod „ à parte venæ pulmonalis triplò grandius, quàm à parte venæ cavæ „ Litrius invenit, ad descriptum potiùs à nobis sacculum, quàm ad ipsum ovale foramen pertineret, hoc est annon minor hiatus quem in vena cava conspexit, ille quidem non foramen totum ovale, sed aliqua dumtaxat ejus pars esset ob Valvulam non undequaque cum foraminis margine conglutinatam adhuc aperta; major autem alter hiatus quem in vena pulmonari vidit, nihil aliud esset, quàm quod nos orificium Sacculi nuncupavimus; quod sanè ejusdem Sacculi fundo latius plerumque deprehendimus. Atque ut omnes intelligant, me nulla alia causa, nisi veri amore, & studio permotum hæc attigisse, continuò addam quæ in marinæ testudinis corde observavi, magis profectò cum Diligentissimi Meryi, quàm cum aliquorum ex iis qui contra ipsum scripserunt, observationibus congruentia. Quod quidem eò libentiùs faciam, quò magis omnibus notum est, quantum illius cordis structuræ in sua de usu ovalis foraminis controversia Meryus tribuerit.

ANIMADVERSIO XVII.

*Anatomie
Cordis Ma-
rinae Tes-
tudinis.*

IGitur in Marina Testudine librarum sex & triginta pondo, quam cum Doctissimis Amicis Veneris dissecuimus, postquam cor à pericardio omnino divisimus; erat enim cum infima pericardii particula, non per tendineam quidem filamenta, sed immediatè connexum; ac postquam plures per cordis posticam præsertim partem nervos diffusos perspeximus, auriculæque inspectando, alteram altera majorem agnoscere non potuimus, sectionem aggressi, sic observavimus. Venæ cavæ in amplum corrivabantur Sinum, & ferè membraneum. Ex hoc aditus erat in auriculam dexteram per magnum, & propemodum circulare orificium binis membraneis valvulis, fibris carneis instructis, ornatum. Hæ valvulæ, figura, & positu palpebris simi-

similes, ita illi orificio, cujus diametro longiores erant, subiciebantur, ut totum, dum contraherentur, possent occludere. Ab auricula dextra in dextrum, ut ab sinistra in sinistrum cordis ventriculum transibatur, non aliis utrinque ei transitui præfixis valvulis, nisi quæ protinus describentur. Septum erat unam inter atque alteram auriculam amplum, membraneum, tenue, sed fibris tamen carneis in superiore parte instructum. Ab ejus septi inferiore parte carneæ duæ crassæ valvulæ altera in dextrum, altera in sinistrum ventriculum propendebant ita inclinatæ, ut proclive esset conjicere, ventriculis se contrahentibus, à compresso sanguine attolli valvulas, & ad auriculas succiudendas compelli. Harum valvularum ea quæ in ventriculum dextrum propendebat, alteram crassitie, & magnitudine superabat. Porro ab summo ventriculo dextero Arteria Magna oriebatur, paulò post in superiorem, inferioremque truncum divisâ. Ex eodem quoque ventriculo, sed paulò anteriùs, insignis altera Arteria exibat, quæ post emensum curvo incessu digitorum transversorum circiter decem intervallum, in truncum Magnæ Arteriæ inferiorem definebat. Quâ utraque Arteria ex corde oriebatur, binæ singulis valvulæ semilunares præficebantur. Ceterùm ventriculi dexteri paries sinister Foraminibus duobus, anteriore uno, postico altero pertundebatur. Anterius, quod circulare erat, nullisque valvulis instructum, apicem digiti pollicis admittebat. Posterius autem, quod figura erat quasi trianguli cujus basis ad superiora spectaret, amplius quidem priore erat; sed à binis illis valvulis, quas ab septo auricularum in ventriculos demitti, dictum est, ab iis, inquam, ita ut dixi, propendentibus ad tertiam ferè partem superiùs obducebatur; reliquæ autem duæ partes tertiæ reticulo tenuissimo ex fibrillis albicantibus constructo, & cruorem tamen per suas areas transmittente, impediabantur. Per hoc Foramen dexter ventriculus cum sinistro, per illud alterum cum tertio quodam ventriculo, qui dextrum inter, sinistrumque erat ab anteriore parte interjectus, communicabat. Porro intermedius hic ventriculus, ut parvus esset, tamen ab ima ferè parte cordis ad summam pertingebat, emittebatque in ipsa cordis basi pulmonarem Arteriam, cujus initium binis pariter valvulis semilunaribus ornabatur. Venæ autem pulmonares in sinistra auricula, & hæc porro in sinistro ventriculo hiabat, nullis (quod satis videre poterimus) aut ad earum venarum fines, aut ad hujus ventriculi orificium valvulis præpositis, si illam unam excipias, quam ex septo auricularum pendere, indicavimus. Quod ad ventriculorum crassitiem attinet, illud videor meminisse, crassioribus parietibus sinistrum fuisse, quàm dextrum, hunc verò, quàm partem intermedii anterior-

D

rem.

rem. Fasciculus autem, in quem arctè supra basim cordis arteriosi trunci colligebantur, qua esset longitudine, & singula vasa qua diametro, haud satis videor meminisse. Illud verò præclare memini, nullum certè orificium fuisse per quod aut sinister ventriculus emittere cruorem posset, nisi Foramen illud posterius, aut intermedius excipere, nisi illud alterum anterius, per quæ videlicet singula singulos holce ventriculos cum dextro communicare, proposui. Quæ cum ita essent, agnovi faciliè, sanguinem tum ab universo corpore, tum à pulmonibus redeuntem, illum quidem per auriculam dexteram immediatè, hunc verò per sinistram, subiectumque sinistram ventriculum, omnem denique in dextrum compelli, ut ab hoc, & communicante intermedio tum in corpus universum, tum in pulmones propellatur: atque ideò sinistram ventriculum quasi alteram esse auriculam dextro additam, intermedium autem appendicem esse dextræ, dextrum verò eundem esse denique atque illum qui in piscibus unus solet ventriculus inveniri, sed in marina certè testudine ad promovendum cruoris circuitum multiplici tum comminute, tum propellente machina adauctum. In marina, inquam, testudine; nam etsi in terrestri ventriculorum communicationem, in fluviali autem tres ventriculos, ut in marina, dispositos mihi aliàs videre visus sum; ob earum tamen cordium parvitatem, & minis accuratam, ut in eo qui ad alia properabat, observationem id pro certo in præsentia affirmare nequaquam possem. Sed ut ad marinam testudinem redeam, etsi haud difficilè agnovi, sanguinem ex sinistro ventriculo per Foramen illud posterius in dextrum compelli; non tamen faciliè intellexi, quò pariter ex sinistra Fœtus auricula per Ovale Foramen in dextram possit transmitti. Ovale enim Foramen à parte auriculæ sinistræ ejusmodi valvula instruitur, quæ & ipsum obducere totum possit, & cum auricula se contrahit, vi compulsi deorsum cruoris, sursum à foramine abduci nequeat.

ANIMADVERSIO XVIII.

- V**erùm his missis, eò nunc revertamur, Vir Cl. ut alia quædam Loweri loca indicemus, quæ non minùs ac primus ille de Pericardio, aliquam à te Notulam postulabant. Huc certè pertinet: li-
 198. quorem seminale à cicatrice „ compulsum, exitum quærentem,
 „ viam sibi facere atque canalem procudere; atque ad hunc modum
 „ ipsa vitæ nostræ primordia, & corporis stamina ortum ducere vi-
 199. deri: „ Cor „ præ cæteris corporis membris calore magis - ve-
 Animal. „ getò donari; „ quo in loco Jo. Alphonsi Borelli contrarium expe-
 P. 1. Pr. 96. rimen-

rimentum erat memorandum, aut certè expendendum: „ Nervis
 „ octavi paris, in cervice artè ligatis, aut penitus abſciſſis, - Cor - 201
 „ ſtatim ab injectà ligaturà palpitare & contremiſcere incipere, at-
 „ que ita diem unum & alterum miſerum animal corde tremulò
 „ & pectore admodum ſuſpirioſo languidam vitam protrahere, &
 „ brevi tandem exſpire; „ ubi longè alia Williſii narratio non erat Nervor.
 omittenda; hic enim eodem experimento aliquoties iterato, „ ſta- Deſcript.
 „ tim - quidem magnum cordis tremorem obſervaverat; - verùm C. 24.
 „ hoc affectu brevi ceſſante, - animal per plures dies ſuperſtes,
 „ tandiu vixiſſe, donec præ longa inedia viribus ſenſim attritis ene-
 „ caretur; „ & fanè memini à Viris Experimentiſſimis accepiſſe, cùm
 „ idem experimentum pluries inſtituiſſent, multò vero propiorem hanc
 „ Williſii narrationem, quàm iſtam Loweri comperiſſe. Huc adde: 203.
 „ Sæpenumerò vermes intrà pericardium gigni: „ ac „ Venis jugu- 206
 „ laribus ſubductò iis filiò in cane artè ligatis, - ſupra ligaturam -
 „ poſt obitum - muſculos omnes & glandulas ſerò limpidò maxime
 „ diſtentas & admodum pellucidas apparuiſſe; „ ubi admonendum
 „ fuerat, Induſtrio tamen Noueſio hoc experimentum ſemel, atque ite-
 „ rum inſtitutum non reſponſiſſe. Huc quoque illud pertinet: „ in
 „ quantum cerebrum humanum rete mirabili (quod ſeri ſuperflui
 „ partem à ſanguine excipiat & à cerebro prævertat) omnino deſti- 209
 „ tuitur, atque vaſa ſanguifera tortuoſò licèt ductu ad frangendum
 „ ſanguinis impetum formata fuerint „ (quo in loco tu Figuram eo-
 „ rum ab Auctore exhibitam, ut & paulò infra duas alias omittis)
 „ - ideò fieri non poſſe quin ſeroſior, & aquoſior ſanguis - in cere-
 „ brum influat; „ quæ ad verba ut non admoneres, homini quoque
 „ rete mirabile tributum eſſe; illud tamen non videbatur prætermi-
 „ tendum, rete iſtud ex ſanguine ad cerebrum propulſio non poſſe ſu-
 „ perflui ſeri partem delibare, excipere, & à cerebro prævertere, ni-
 „ ſi aut illi reti neſcio quam facultatem ſeroſas particulas alliciendi,
 „ aut his ingenium aſtingamus, quo in iis Carotidum, per quos ad
 „ cerebrum compelluntur, ramis ſe ſe à caterarum complexu extrican-
 „ tes, in laterales ipſorum ramuſculos divertant: quod quidem Willi-
 „ ſius, plureſque alii Illuſtres alioqui Anatomici de his, aut aliis ejus-
 „ modi infra, vel intra cranium lateralibus Carotidum ramis verba
 „ facientes, & in his etiam Verheyenius, ubi plexus choroidis uſus l. 1. tr. 4.
 „ proponit, ſatis animadvertiſſe non videntur. Sed & iſti obſerva- c. 8.
 „ tioni: „ venas omnes ſanguinem quaquaverſum à cerebro excipien- 210
 „ tes - non oſculis verſis occiput (quæ rectior exeunti ſanguini in
 „ ſinus laterales via foret) ſed verſis frontem, retrò quàm curſus
 „ ejus eſt, apertis hiare: „ Cl. quidem Vieuſſenius aliquatenus, at Nervogr.
 „ Ridle. l. 1. c. 2

Anat. Ce-
lebr. c. 6. Ridleyus Anglus multò etiam magis adversatur. Postremò ex te ipso quæro, Vir Ornatissime, num, si „ necesse est sanguinis un-

211. „ cias quatuor mille intra horam cor trajicere; - datò, in hoc ho-
„ mine viginti quinque libras sanguinis inesse; „ quæro, inquam,
„ num sequatur „ totum hujusce hominis sanguinem intrà unicam ho-
„ ram sexties per cor circulari? „ mihi sanè, atque aliis non sexies
dumtaxat videtur, sed tredecies, & quod excurrit.

ANIMADVERSIO XIX.

216. **T**Abulæ sequuntur, „ quibus non tantùm, inquis, superiùs alla-
„ ta confirmantur, ac Docti Lectoris oculis quasi subjician-
„ tur; verùm etiam novis explicationibus ac demonstrationibus non
„ parum illustrentur. „ Attamen præter alias Loweri Figuras quas
subinde à te esse omisissas, indicavi, sex illæ præsertim desiderantur,
quibus ea quæ novissimè ex eodem attuleras de apparatu ad Trans-
fusionem sanguinis necessario, demonstrantur. Sed & Figuræ 6.
217. & 7. Tabulæ LXXXV. quas ex Bidloi Anatomia sumptas nonnullis
Loweri Figuris sublinis, vide, quæso, num quæ hic docuit, confir-
ment, aut illustrent. Nam; ut alia mittam; Lowerus certè docuit,
& rectè quidem, exterioris ordinis fibras in cordis „ dextro ventri-
„ culo - obliquè dextrorsum ascendere; „ in istis autem Bidloi Fi-
guris „ omnes fibræ exteriores dextri lateris, B „ obliquè finistror-
um ascendentes monstrantur. Figuram autem 9. ejusdem Tabulæ
à Bidloo pariter acceptam, ejusque Figuræ Explicationem, ut apud
Bidloom legitur, si cum Tabulæ proximæ LXXXVI. Figura 1.
ut apud Lowerum habetur, hujusque Explicatione comparaveris, in-
telliges faciliè, 9. illam Figuram omitti potuisse, aut ejus saltem
Explicationem paulò aliter exhiberi. Sed & in memoratæ modò
Tabulæ Figura 4; ut de 5. sileam; vide, obsecro, num littera A.
218. *Ventriculum dexterum*, an potius Venam Cavam; & num littera B.
sinistrum, an potius Arteriam Magnam ostendat, & num denique in
6. Figurâ litteras GHIK omittere, an earum Explicationem cum
Bidloo subjicere præstitisset. Verùm hæc leviora; illud fortasse gra-
vius quòd cum Figuras hic tot protuleris, quibus ea quæ supra al-
lata sunt, confirmares, atque illustrares; in nulla tamen, non jam
dico Venæ Coronariæ Valvulam semilunarem, à Lowero ipso non
memorata, sed vel tres Sigmoides Pulmonaris Arteriæ Valvulas,
vel totidem dextræ Auriculæ subjectas Tricuspides tuis Lectoribus
indicaveris. Mitto reliqua, & quòd me vocas, non istiusmodi
dumtaxat Animadversione in meam Figuram apposita, sed istiusmo-
di

di quoque ejusdem Figuræ Explicatione supposita, quò inquam, me vocas, eò descendò.

ANIMADVERSI O XX.

ET primùm manifestius est, quàm ut inculcari debeat, cùm me non fugeret, plerasque corporis Particulas aliquantò aliter in aliis cadaveribus inveniri, una autem Figura istas omnes varietates ostendi non posse, idcirco haud nudas Tabulas esse à me editas, sed cum ejusmodi descriptionibus conjunctas, ut quod pictura minùs possem, id oratione sic satis complecterer. Tu verò meis quidem Figuris omnibus in tuo Theatro locum dedisti; respondentibus autem descriptionibus, quamvis ego inter initia Explicationum interdum, & hic præfertim, eas memoraverim, & ad ipsas nominatim remissem (si unam, vel alteram Figuram excipias) non dedisti. Quid? quòd ne istam quidem Explicationem quam meæ Figuræ, 218. meo nomine inscripto subjicis, ne istam quidem ita exhibes ut ego scripseram. Nam in mea certè Explicatione nihil de *Boum Cordibus* interjectum, nihil de usu *descriptæ Mechanicæ* adjectum est, quæ tu videlicet omnia quasi ibi à me scripta, addis, atque interferis. Contra in mea ob eas quas dixi, varietates, tum in ipso titulo, descriptionis huic Figuræ respondentis locus indicatur, tum litteræ aaa sic declarantur: „ Corpuscula quæ qualia in cadavere hoc erant, „ singula in singularum valvularum occurrunt limbo, fibrâ tendineâ „ firmato. „ Tu autem illud quidem prorsus omittis; has autem litteras ita me inducis explicantem: „ Corpuscula rotunda, in me- „ diò Valvularum Semilunarium limbò posita, fibrisque tendineis „ firmata. „ Sanè de Horstio, qui non absimili modo cum Bellino egerat, Virum Gravissimum Marcellum Malpighium censuisse, ab illo jus gentium esse violatum, tute optinè scis, qui illa Malpighii verba in tuo Theatro exhibuisti: „ itaque violato jure gentium tex- Tom. 1.
„ tum ipsum mutilatum typis evulgari jussit. „ Sed hic mihi nequa- 401
quam placet ita severè tecum agere, Vir Cl. Meam descriptionem, quamvis à me nominatim indicatam, omisisti. Fortasse non necessariam existimasti. Mea illa verba de *Corpusculis qualia in cadavere illo erant*, ostensis non posuisti. Fortasse in describendo contigit, ut te invitum fugerint. De his igitur non queror. At te Animadversionem quandam in meam istam Figuram continuò additurum, mea verba paulò diligentius non attendisse, atque illa præfertim omisisse, quibus omisis, aliquis, non omisis, nullus ferè ipsi Animadversioni sit locus, de hoc verò si quereretur, jure ne, an injuria quere-

rer,

De Pulmon-
lis Arteria
Magna, &
Pulmonar-
tis.

rer, tu ipse tecum existimabis. Vide enim, quæso, quàm facile per ea fermè tantùm quæ tu omisisti, *scrupuli* isti omnes evellantur, quos sibi Figuram hanc nostram *imponere*, Cl. Animadversionis Autor scribit. Concedit namque, „ quòd in illò cadavere quod erat „ præ manibus Diligentissimi Autoris, inventa fuerint illa corpora „ quæ ab ipsò stabiliuntur in mediò singularum valvularum limbò, „ seu sub angulò valvularum curvilineò. „ Satis quidem erat ut diceret, „ in mediò singularum valvularum limbò; „ id enim semper verum est; at quod de suo addit, „ seu sub angulò valvularum curvilineò, „ illud non æquè verum est; is enim angulus etsi à me in illis quos tunc inspexeram, bobus, & præterea in plerisque hominibus, atque addè in eo quoque, unde est Figura descripta, visus est, non tamen semper in omnibus est valvulis; quæ causa fuit, ut in hominibus quidem illa corpora *sub eo angulo non stabiliiverim*. Sed quoniam concedit quod satis est; idcirco hoc omisso, quæ deinde neget, videamus. „ Alsero, inquit, post hæc non in subje- „ ctis omnibus ad valvulas omnes corpora hujusmodi inveniri. „ Primus hic est ipsius *scrupulus*. At hunc sibi ipse evellere poterat, si nostram Explicationem, ac descriptionem ante, ut æquum erat, perlegisset, quàm in respondentem huic Figuram Animadversionem conscriberet. Explicatio enim docuisset, ita in Figura ea corpuscula ostendi atque occurrere, ut *in cadavere illo erant*; in descriptione Adv. I. autem verba illa se se obtulissent: „ ea corpuscula sæpiùs in aortæ, „ quàm in pulmonaris arteriæ valvulis comperio. „

De earum
Corpusculis.

Adv. I.
Id. 19.

ANIMADVERSIO XXI.

De iisdem.

Hic dices fortasse: At gravior erat *scrupulus*, quàm ut istis verbis eximi posset. Nam „ in plurimis, inquit, nullum (corpusculum) invenimus; in aliquibus ex valvulis omnibus, non minus aortæ, quàm arteriæ pulmonaris unum dumtaxat; duo in aliis, „ & interdum tria. „ Eximi tamen debuisset, si, ut par erat, animadversum fuisset, nostras illas descriptiones post „ cadaverum longam seriem attentè spectatam, „ ut in Præfatione monueramus, fuisse editas. Et sanè, quamvis non eas omnes quas tunc habuimus, observationes scriptas servemus; ex illis tamen quæ fortè servatæ sunt; & ex iis quas novissimis hisce annis coram nostris Auditoribus iteravimus, humana corda, minimum, quindecim continenter inspexisse nos certò scimus; quorum in duobus, Arteriæ Magnæ valvulæ omnes, in totidem una, in uno duæ, & rursus quorum (promiscuè videlicet tum memoratorum, tum reliquorum) in quatuor, Pulmonaris

naris Arteriæ omnes valvulæ, in uno una, in quinque duæ corpusculis carebant, cùm cæteræ quidem singularum Arteriarum valvulæ in iisdem, & omnes in reliquis cordibus non carerent; hæc, inquam, nos certò scimus; ipse verò hujus observationis habendæ gratia, antequam suam istam Animadversionem emitteret, quot corda inspexerit, nescimus; ex his quæ pronunciat, non quot sufficerent, inspexisse, conjicimus. Conjecturam autem hanc nostram illa haud leviter confirmant primùm quòd Anatomicus exercitatissimus Arantius, illorum corpusculorum Inventor, ea scripserit in memoratarum Arteriarum valvulis *magna ex parte* apposita esse; deinde verò quòd postquam à nobis eadem, hac nostra ætate passim ignorata, sunt iterum Anatomicorum notitiæ restituta, Cl. Fantonus disertè docuerit, istiusmodi tubercula „adinstrat verrucæ è medio limbo cujuslibet valvulæ „prominentia se *persæpe* in homine invenisse; „Verheyenius autem, dum eadem; quæ *nodulos* appellat; describeret, atque ostenderet, utrumque iis verbis fecerit, quibus ea quæ ut plurimum (ne dicam semper) inveniuntur, describi solent, atque ostendi. Cùm ergo nobilis hic Anatomicus ira se gerat, duo autem illi priores, Viri sanè experientissimi, alter *persæpe*, alter *magna ex parte* se invenisse, testentur, existimare omnes poterunt, rectène, an secus id quod diximus, de eo conjocerimus, qui *in plurimis nullum* se asserit invenisse,

Anat. Obs.
c. 33.

Anatom.
Diff. 12.

l. 1. tr. 3.
c. 8.

ANIMADVERSIO XXII.

HÆc etsi evidentissima sunt; tamen qui nihil aliud nisi Theatrum tuum legerit, ipsi facilè in eo saltem assentietur, quod de me subdit: „Quà de re dicendum illud non esset, quod ipse asserit in figuræ explicatione: *singula in singularum valvularum accurrunt limbo fibra tendinea firmato.* „Qui verò Explicationem meam legerint, cùm illa sæpiùs memorata verba: *qualia in cadavere hoc erant*: cum istis ipsis à me conjuncta, ab utroque autem vestrum omiſsa, animadverterint, tum illud de me dictum esse, tum hæc quoque subjici, mirabuntur: „Et certè fibra etiam illa tendinea in „omnibus subjectis non venit. Mitto intensam nimium dictorum corporum exhibiram' molem, &c. „Quamquam revera vel mea illa Explicatione seposita, leviores *scrupuli* isti sunt, quàm ut obijci debuissent. Nam peculiarem illam fibram tendineam vix uno in cadavere, quod inspexi anno superiore, defuisse memini, cùm in cæteris quidem fuerit, in aliis crassiuscula, in aliis tenuior, in tribus præsertim, in omnibus ferè Magnæ Arteriæ valvulis etiam multiplex; sed ita ab his natura, an morbo soluta, ut summis ipsarum lateribus,

De earundem Valvularum Fibris.

De eorum
Corpusculis.

bus, mediisque corpusculis hinc dumtaxat, atque hinc alligata, inter se, valvulaeque subjectas duo utrinque interstitia relinqueret, per quæ scalpelli manubriolum transmitti posset: qualem fibrarum dissolutionem in extremo interdum limbo conspexi ejus quoque valvulae quæ in crescentis lunulae modum major aliquando, aliàs minor Coronariae Cordis Venæ præficitur; quam quidem valvulam semel etiam vidisse memini ita ab ejus Venæ ostio sejunctam, ut cornibus tantummodo cum eodem colligaretur. Quod verò ad ostensorum corporum magnitudinem attinet; ipse quidem „intensam nimium eorum molem reputat; pro ut, licet etiam aortæ ipsæmet valvulae aliquantisper „ultrà naturalem magnitudinem delineentur, nulla tamen adhuc „proportio dictorum corporum cum dictis valvulis est, pro ut referente etiam Arantio ab Authore citatò *grani panici imaginem & „molem repræsentant naturaliter hujusmodi corpora*; sicque longè ultra delineationem minutiora; quod & per Autopsiam patet; „quasi verò ipse tritici, atque adeò fabæ magnitudine delineassem, qui eorum medium aliquantò etiam minus, quàm tuus Scalptor, delineaverim, aut valvularum dimensiones ultra naturalem magnitudinem amplificassem, qui circini ope & tunc fideliter ex vero desumpsi, & nuper, ex vero desumptas esse, nonnullis meorum Auditorum ostendi. Quod si quis fortè dubitaret, utrius scripta, inter se adeò dissidentia, ad veritatem propius accedant, neque cadaverum copiam haberet; at is saltem verba ista quæ ut Arantii à nobis citati alia forma scriptas objecit, cum Arantii observationibus, aut cum Adversariis nostris conserat; & si aut apud Arantium, aut apud me, hunc laudantem, inveniatur, *grani panici molem repræsentari naturaliter* ab istis corpusculis, si duo, inquam hæc verba inveniatur, tunc quin de mea in rebus anatomicis fide dubitare incipiat, non repugno. Quibus autem cadaverum copia erit, si velim in tot cordibus, in quot nos quærivimus, ante perquirant, quàm de his rebus quidquam statuatur. Haud rarò enim in corpuscula quædam incident nostris æqualia, interdum & majora; nos certè in cadaveribus quatuor bis in una, & bis item in duabus valvulis majora ostendimus, quàm quæ pinximus sic ut in una Pulmonaris Arteriæ valvula transversum quoddam esset corpusculum transversum, quod maximum delineavimus, etiam majus. Sæpe etiam, fateor, inveniunt neque ita magna, neque ita extantia, atque distincta. Sed num, quæso, oportebat, me primùm corpuscula quædam ignora, atque exigua idcirco delineantem, ut in pristinam lucem revocarem, ex iis cadaveribus describere, in quibus minus apparerent? Non ita sanè, ut aliàs dixi, se gesserunt plerique Summi Anatomici quorum Figuris tuo in Thea-

Theatro passim uteris; sed cum Particulas per se exiguas pingere deberent, ex iis potissimum subjectis describere, in quibus, intra naturæ limites, majores invenissent; reliqua autem, in quibus minores, nunoresque vidissent, neglexere.

„ Quorum æmulari exopto negligentiam

„ Potius quam istorum obscuram diligentiam; „

istorum, inquam, qui id mihi posthac vitio darent quod eorum commodi causa feci. Istos ipsos præterea moneo, ne sibi facile imponi patiantur à multis cadaveribus in quibus primo oculorum judicio nulla corpuscula esse, credent, quæ tamen tactu judice non deesse, mox cognoscent; sunt enim interdum compressa, neque ita distincta præsertim cum trianguli formam habent, in quod subjectæ valvularum Magnæ Arteriæ fibræ quasi in peculiarem tendinem conveniunt: quò potissimum illa pertinent quæ in descriptione posui: „ ea corpuscula aliquando intus carnea, aliàs verò quasi tendinea comperiuntur: „ atque inde etiam factum est, ut nonnunquam, aliis fibris aliò, omnibus tamen inter se proximè desinentibus, corpusculum unum quasi ex tribus coagmentatum invenerim.

ANIMADVERSI O XXIII.

Sed reliquos Animadversionis *scrupulos* perpendamus. „ Non lo-
 „ quar, inquit, de valvularum figurâ, quæ non sat fidelis vide-
 „ tur mihi. „ Utrum eam dicit, quam meus, an quam Scalptor
 descripsit tuus? In hac enim quædam vel ipse desidero. Ut enim
 mittam quod de corpusculo medio dixi, aut tendineam fibram huic
 in summo sinistro limbo proximam, quæ nostrâ crassior est; certè
 neque illam crassitudinem, quam in laterali, atque ima valvularum
 peripheria per tenuem, albumque quasi dimidiatum anulum de indu-
 stria expressi, neque fibras mediæ præsertim, sinistræque valvulæ sa-
 tis fideliter descripsit. Verùm enimverò tantum abest, ut de his re-
 bus Auctori scrupulus infederit; in iis nobis adversatur; itaque cum
 alterum scrupulum occultet, alterum patefaciat, illum de quo silet,
 eò facilius mittamus, quò hunc de quo loquitur, apertius exponit,
 atque ita quidem, ut, quod Tullianis verbis dicam, „ signi satis det,
 „ si quid esset quod posset dicere, se tacere non posse, ut quandiu
 „ in cæteris rebus tacuerit, scire omnes possemus; nihil habuisse
 „ quod diceret. „ Illa enim, inquit, „ duplicatura à tuberculò utrin-
 „ que eleganter descendens, ut vitæ, qualis in figurâ depingitur,
 „ obvia mihi nunquam fuit, quantumvis supponi possit, dari per
 „ valvas fibras aliquot carneas, earumque & aliquot usque ad val-

De earum-
dem Val-
vularum
Fibris.

E

„ vula-

loc. cit.

„ vularum tubercula propagari. „ Sincerè tecum agam, Mangete Ornatiſſime. Supra quidem credidi, in non multis, at in aliquotamen valvulis ſuas ipſum obſervationes inſtituiſſe; hic verò nimis paucas inſpexiſſe videri poteſt. Ego enim qui tot inſpexi, atque oſtendi, vix perpauca Arteriæ Magnæ valvulas inſpexiſſe, aut oſtendiſſe memini, in quibus id ipſum quod „ obviũ ſibi nunquam fuiſſe „ aſſerit, obviũ mihi, omnino autem paucas, in quibus obviũ etiam his qui adſtabant, non fuerit. Quinimo vide, quæſo, Verheyenii deſcriptionem, & Figuram deſcriptioni reſpondentem. Nonne in illa tanquam de re perpeua, de iis valvularum fibris loquitur „ locatis magis tranſverſim - quarum plurimæ conveniunt in medio limbi, qui „ à corde remotior eſt, ubi reperitur nodulus quaſi tendineus, qui „ apparet formatus ex iisdem illis fibris, ſaltem earum haud paucis „ ibidem concurrentibus? „ Nonne addit, præterea ſe „ inveniſſe in „ utroque latere valvulæ tres fibras craſſiores (aliquando in altero „ latere tantũ duas) ac firmiores, - valvulam obliquè percurrentes verſus nodulum, in quo deſinunt; & quidem aliquando con- „ venientes antequam nodulum attingant? „ Quid ergo aliud eſt illa quam nos pinximus, „ duplicatura, ut Animadverſionis Auſtor vo- „ cat, à tuberculo utrinque eleganter deſcendens? „ aut quid aliud potiſſimum oſtendit illud curvilineum triangulum quod in ſingulis valvulis per ea puncta indicavimus, niſi quod ad appoſitas litteras *bbb* à nobis explicatum eſt, „ Valvularum ſcilicet fibras carneas, quarum aliquot ad Corpufcula pertingunt: „ quas quidem fibras deſcribentes cùm in bove primũ docuiſſemus, „ tranſverſim per valvulas ab harum lateribus promitti, & eſſe iſtarum ſæpe aliquot „ quæ ad limbi angulum ſuſum protenſæ deſcriptum ibi corpufculum faciunt; „ tum ſubdidimus: „ neque admodum abſimilem in nobis eſſe eorundem corpufculorum, & valvularum ſtructuram, - „ & ſpeciatiim „ has fibras carneis ornari pluribus, valvulas quidem „ pulmonaris arteriæ in tranſverſum ductis, oſtiola verò arteriæ magnæ obliquè ut plurimum etiam protenſis: harumque ſæpius aliquot „ hinc atque hinc evidenter ad corpufcula elongari. „ Hæc autem Verheyenii, & meorum I. Adverſariorum loca contuli non modò ut conſtaret, eadem quæ mihi, Verheyenio quoque fuiſſe *obvia*, verũ etiam ut omnes intelligerent, quemadmodum ipſe de Blancardo queſtus eſt quòd ſuis, nulla fui mentione facta, uſus eſſet, me quoque de ipſo Verheyenio, ſi viveret, ob ejuſdemmodi cauſam queri poſſe. Nam in priore Anatomiz ſuz editione, ut ego nondum Valvularum Fibras deſcripſeram, aut earum Corpufcula reſtitueram, ita ipſe ne verbum quidem de his rebus fecerat, aut earum

Animadv.
in Anat.
Blancard.

Figur-

Figuram dederat, quam postea dedit ita proposuē à me similem, ut eam quam in XIII. Tabula primam posuit, alii à me exhibere consimilem esse, alio in loco notavi; usque adeo nihil eorum quæ ego pinxi, sive corpusculum, sive fibram illam crassio rem, summum limbum firmantem, sive eas de quibus nunc agimus, fibras, totumque illud triangulum curvilineum spectes, prætermisit. Habet tamen quædam tum in descriptione, tum in Figura peculiaria, quæ pro nostris minimè agnoscimus. In neutra enim valvulas Pulmonaris Arteriæ à Valvulis Arteriæ Magnæ separavit, sed de omnibus simul eadem proposuit, cum tamen quædam esse, quæ his, non illis convenient, ex supra dictis intelligatur. Atque item corpuscula ferè tota pinxit supra valvularum limbum prostantia, cum tamen ut plurimum ipsum non superent, aut certè non tantum superent; verum hæc atque alia omittamus. Neque enim decet oblivisci, in hunc de Verheyenio sermonem idcirco potissimum ingresses nos esse, ut ipsi quoque id *obvium* fuisse, ostenderemus, quod Animadversionis Auctor sibi unquam fuisse, negat.

ANIMADVERSI O XXIV.

Hic igitur postquam scripsit: „ quantumvis supponi possit, dari „ per valvulas fibras aliquot carneas; addit: verum tamen „ est, strias illas copiosas per valvularum aream rete curiosum effor- „ mantes, vasa potius esse sanguinea, quàm musculares fibras, ut „ nuperrimè demonstrabamus in quòdam subiecto ex aortæ aneuris- „ mate denatò. „ Nunc demum nova ista in fibris carneis agnoscendis orta difficultas est. In extrema Vesicæ tunica, & in superficie interna Prostatae, ubi ne una quidem fibra verè carnea satis perspicui ab aliis potest, ipse vel Musculos faciliè videt; in hisce autem Valvulis, in quibus ego fibras carneas manifestissimas ostendo, ipse mavult nescio quod *curiosum* rete ex vasis potius sanguiferis, quàm ex fibris carneis observari; nimirum

De iisdem
Fibris.

Adv. III.
An. 37. 38.

„ — hic ubi opus est,

„ Non veretur; illic ubi nihil opus est, ibi veretur „ fibras carneas negare. Et hic in unius subiecti valvulis, iisque, ut in homine „ ex aortæ aneurismate denatò „ fortasse morbofis, vasa potius sanguinea, quàm musculares fibras se demonstrasse, mihi narrat, qui in tot cordium rectè constitutorum valvulis fibras carneas luculentissimè ostenderim! Neque enim memini Pulmonaris Arteriæ valvulas explicatas, objecto ex altera parte lumine, unquam inspexisse, quin plures rubicundas fibras, non in retis modum intertextas,

E 2

neque

neque in ramos, ramulosque sanguiferorum vasorum more diductas, sed in transversum extensas & ipsæ, & quicunque aderant, tam clare viderimus, quam quod clarissimè. Etsi verò in valvulis Arteriæ Magnæ non æquè promptum est eadem ratione fibras carneas ostendere propterea quia totum illud trianguli curvilinei spatium, in quo quidem potissimum eæ locantur, multò valvulis prioris Arteriæ, ut quæ illo triangulo carent, crassius est, ideoque non ita pellucidum; non tamen usque adedò vel mediocrem Anatomici diligentiam effugiunt, ut non modò suam illam, quæ obvia est, dispositionem, sed naturam etiam non prodant. Quò magis existimo, te quoque, Vir Cl. easdem vidisse, præsertim cum meæ Explicationi, quasi subiectæ Animadversionis securus, hæc addere non dubitaveris: „ Ex hacce „ jam descriptâ mechanicâ, apparet quâ vi Valvulæ Semilunares se „ moveant, quòdque earum clausura ac relaxatio, impetui sanguinis, „ aut ponderi non unicè debetur. „ Et rectè id quidem.

ANIMADVERSIO XXV.

*Descripta
r. Fibrar.
& Corpus-
culorum
Usus.*

*Anatom.
Obl. c. 33.*

*Anatom.
Diss. 12.*

QUOD ut melius intelligatur, juvat hic perpauca de singularum, quas in his Valvulis aut restituimus, aut observavimus, Particularum utilitatibus attingere. Itaque Arantius postquam „ in medio circumferentiæ - Valvularum cartilagineum corpusculum, „ - & earundem exteriorem circumferentiam reliquo corpore solidiorem - quasi ex duplicata membrana constantem „ descripsit, hæc facta esse, indicavit, ut Valvulæ „ tum cartilaginei corpusculi, „ palpebrarum in modum, beneficio, tum propter solidam adjacentem substantiam, faciliùs attolli, & connivere possint. „ Viro autem Ingeniosissimo Joanni Fantono, cum eandem structuram observaret, non modò „ statim cum tarso palpebrarum analogia occurrir; „ verùm etiam id postea subijt: „ trinas valvas orbiculares „ ad axim canalis venientes relinquere in axe ipso modicum spatium, quod à trinis tuberculis, quæ contigua sunt, dum valvulæ „ turgent, commodè repletur. „ Id ego eò faciliùs fieri posse, existimo quòd medius valvularum limbus plerumque, ut supra dictum est, in curvilineum angulum, si explicetur, procresecat; explicari autem opportunè posse ab eodem sanguine qui valvas explicat, eò faciliùs videtur, quòd ipsi angulo corpusculum est appositum; & fortasse etiam quòd carnez illæ fibræ hinc atque hinc ab imis valvularum lateribus asurgentes, & in corpusculum desinentes, eodem tempore contractæ, & valvas deprimant, & illum angulum tendant. Utcunque hoc est; illud minùs dubium videtur, illas alias transver-

fas

fas fibras, dum contenduntur, explicatas valvulas contrahere, ut vicissim erumpenti è corde sanguini facilis, ac promptius obsequantur, eodemque fortasse motu in proximas Arterias Coronarias vel primam has subeuntis cruoris partem, cum earum orificia supra limbum sunt valvularum, vel postremam, cum infra ipsum prorsus latent, compellant. Nam quod Cl. Fantonus „ veretur, ne potius ab aorta se contrahente mittatur sanguis in coronarias, quam à corde ipso contracto, quoniam videlicet ex sunt aptissimè ad directionem repulsi sanguinis ab aorta constitutæ, & sanguis à corde tam vehementer, ac rapidè advolat in truncum arteriosum, ut minime ejus reverti eo momento in coronarias posse videatur; id sanè ego etiam vererer, nisi eundem truncum ita plenum sanguine esse, ponerem, ut hoc renitente, is qui à corde impellitur, in trunci latera, ut hujus diastole ostendit, vim facere cogere, atque idè in coronarios ramos videretur posse irruere: quod quidem eò libentius dico, quòd eundem video Doctissimum, Amicissimumque Virum paulò post agnoscere: „ omnes velle non sinè ratione videri, ut etiam sanguinem in systole cordis coronariæ recipiant; quibus id negari posse non videtur, cum harum tamen orificia supra limbum sunt valvularum. Cum autem infra hunc tota latent, ut per valvulas ab erumpente è corde sanguine appressas eo tempore obstruuntur, ita necessariò videtur relinqui, ut cum postmodum Arteria se contrahit, ac propterea repulsus sanguis valvulas dimovet, atque explicat, in illa orificia tunc admittatur: eoque in casu Eruditissimo Boerhaavio assentiendum, docenti: arterias coronarias esse in diastole, dum reliquæ corporis arteriæ in systole constituantur. „ Etsi verò hæc ut dixi, ita à primo habere se videntur; acrius tamen cogitanti fortasse hæc in variis hominibus in tanta re varietas tanta non satis veri similis invenietur. Namque illud præterea accedit, ut quoniam in uno eodemque homine arteriarum coronariorum alterum quidem orificium supra, alterum autem infra valvularum limbum interdum comperi, ea ratione in uno eodemque corde eadem varietas eodem tempore videretur agnoscenda. Quid ergo est? Alterutrum est fortasse eligendum: & quoniam earum arteriarum oscula in iis quibus ponè valvulas prorsus delitescent, vix, nisi eo tempore quo cor dilatur, posse sanguinem admittere, certum est; ut sibi natura constet, id ipsum in omnibus instituisse credenda est, eòque magis quòd etsi illæ arteriæ supra valvulas aperiantur; tamen non modò, ut Cl. Fantonus admonuit, „ aptissimè ad directionem repulsi sanguinis ab aorta, „ non verò impulsus in aortam, sunt constitutæ; verum insuper quo

Utrum
Cordis Ar-
terias Cor-
onarias eodè
quo reli-
quæ, an
alio tempo-
re cruorem
admittant.
loc. cit.

Initit. Me-
dic. a. 183.

De sede
orificiorum
earum Ar-
teriarum.

quo tempore is impellitur, cum à corde se contrahente impellatur, nihil ipsæ, aut minimum posse admittre ob validam fibrarum cordis ipsius constrictionem videntur. Verum iidem Sapientissimi Viri, quorum alterius suspicio, alterius sententia in hunc sermonem me induxit, hæc melius omnia dijudicabunt; nos quidem in medio relinquimus.

ANIMADVERSI O XXVI.

219
De eadem
re.
NEquè enim demum ad præsens institutum hæc valde pertinent; atque adeò miror, istam Animadversionem his verbis concludi: „ Quod autem præcipuè advertendum; oscula arteriarum coronarium non semper ad latera laudatarum valvularum, ut exhibentur in figurâ, naturaliter jacent; non semper tam altè posita, ut sic conspicua veniant supra valvularum limbos; „ quasi verò id mihi *præcipuè* proposuisssem, cum meam illam Figuram paravi, ut perpetuam eorum osculorum sedem esse, ostenderem, ad latera, & supra limbos valvularum. Enimverò si in eo quo sum usus, cadavere ponè valvulas illa orificia latuissent; ut Pictor ea non vidiisset, sic neque delineasset. Sed quoniam hac de re sermo supra est à nobis injectus, & præterea ut istum novissimum *scrupulum* non minùs, quàm priores, tenuem, atque adeò minimi momenti esse, ostendamus; referre non gravabimur, de novem postremis cadaveribus quæ iterandarum circa has valvulas observationum causa continenter inspeximus, quinque haud inferiora (ne dicam superiora) ea oscula quàm nostra Figura, exhibuisse; in duobus cum alterum æquè ac nostra, supra limbum appareret, alterum in uno superius, inferius in altero fuisse; vix igitur in duobus ambo infra limbum delituisse, ut ex duodeviginti oculis quinque, non ampliùs, latuerint, tredecim reliqua supra valvularum limbos conspicua fuerint, atque idèd si fortè mihi proposuisssem (quod ad ipsa attinebat) non quod erat in eo cadavere, sed quod est in plerisque, delineare, certè aliter ac feci, delineare non debuerim. Quod quidem eò facilius affirmo, quòd notius tibi esse, scio, idem esse ab Exercitatissimis Anatomicis Bartholomæo Eustachio, Richardo Lowero, Raymundo Vieussenio observatum. Hi namque omnes suis in Tabulis quibus tu, Vir Cl. tum in hoc Theatro, tum in Bibliotheca Anatomica sapienter es usus, & præterea Andreas Vesalius, aliique Gravissimi Professores, istiusmodi *scrupulorum* securi, earum arteriarum oscula ambo supra limbos, alterum plerique etiam ad latera valvularum pinxere. Jamque istos omnes *scrupulos*, quos Figura nostra *imponere* dicebatur, si æquorum,

Tab. add.
Theatr. 6.
F. 11.
Tab. 86.
F. 5.
Bib. Anat.
1. Edit.
T. 49. F. 1.
De hum.
corp. fab.
I. 6. F. 10.

rum, & in hujusmodi rebus diu exercitatorum hominum iudicio standum est, satis videmur exemisse: sin aliis; ut Tullianis verbis utamur; „ scrupulus tenuissimus residere aliquis videbitur; non modò „ patienti, sed etiam libenti animo „ ejusmodi hominum dubitationes feremus .

ANIMADVERSI O XXVII.

IN Capite VII. quo „ de Circulatione Sanguinis, ac de ipsò san-
 „ guine varia „ complecteris, non est sanè cur moremur. Non
 modò enim vix pauca affers, quæ in Bibliotheca Anatomica non
 protuleris, verùm etiam ex his multa sunt, ut tu ipse alicubi agno-
 scis, inter *præternaturalia* potiùs, & *morbifica*, quàm inter verè ana-
 tomica connumeranda. Ne tamen hæc omnia non legisse prorsus vi-
 dear, nonnulla quæram: & primum quomodo hoc etiam tempore
 affirmes: „ horroris ac ætus febrilis æthiologias, non ex ipso san-
 „ guine, sed à succò nervosò, à sanioribus hodie peti? „ Deinde
 iis positis, quæ de Columbo nostro, aliisque Italis Anatomicis Eru-
 ditissimus Drelincurtius attulit; ut de Serveto illo Hispano Medico
 nunc fileam; per quæ videlicet luce meridiana clariùs constat, eam
 saltem circuitus sanguinis partem quæ per ventriculos cordis, & pul-
 mones habetur, ante Harvæum non ignotam fuisse; quomodo inter
 initia hujus Capituli pollicitus es, te post rationes quibus circuitus
 sanguinis „ inventionem - Medicis multis Harvæo non parum ante-
 „ rioribus - notam fuisse, assertum est, alias producturum esse ratio-
 „ nes, quibus - Magno Harvæo inventionis suæ gloria *plene* asseri-
 „ tur? „ Porro cùm ibidem promiseris, adjecturum te esse „ ge-
 „ nuinam rationem, quâ sanguis ex arteriis in venas, & in alia vasa,
 „ tum variis secretionibus, tum & ipsi nutritioni dicata, traduci-
 „ tur; „ ubi verò ad locum in quo rationem istam adjicis, ventum
 est, hæc inter cætera proferas: „ ex Ingeniosissimi Cowperi autho-
 „ psiâ demonstrari, & vasa lymphatica, & canales - secretorios - de
 „ parietibus dictorum vasorum, arteriosorum ac venosorum nasci; „
 „ & quod ad secretiores attinet, „ specialius quid videri posse in Tra-
 „ ctatù de Hepate, ubi - de secretionem bilis; „ quæro ex te, obli-
 tusne sis, te ipsum, ubi Figuras binas Cowperi huc pertinentes ex-
 plicasti, admonuisse: „ ad vivum nullatenus esse primam Figuram,
 „ sed unicè ab Autore asserri pro suâ de Lymphaticorum origine
 „ sententiâ explicandâ; alteram autem Figuram edocere modum quò
 „ Ductus Excretorii à Vasis sanguiferis proveniant, secundum men-
 „ tem - Autoris; nec ad vivum aliquid per eam depictum tradi. „
 Nam

221

225.

227.

221

233

Tom. I.

217

- Nam quod ad *Tractatum* illum de Hepate attinet, num *genuina* ibi Secretionum *ratio* proponatur, satis ex III. Adversariis intelligi potest. Et si verò tum Lowerum supra adduxisti scribentem, se in concretionibus cordis polyposis *plurimas venas advertisse*, tum hic Diemerbroeckium producis asserentem, se in polypis duobus *vasa sanguine surgida*, - *vasa sanguinea* vidisse; optasem tamen, ut istud *vas sanguineum* quod in medio, & per totam longitudinem cujusdam polypi à te visum memoras, diligentius descripsisses. Hæreo namque; ut verum fatear; non quòd mihi, qui tamen plurimos inspexi polypos, id nunquam se obtulerit, sed quòd Malpighius ipse negat, id sibi *videre contigisse*. Atque adeò et si ego quoque cum eodem concedo, „ ex se le insinuantibus sanguineis particulis, dum hinc inde fibrarum concreione coercentur, tubulos efformari posse; „ veras tamen venas, vera sanguifera vasa non faciliè concesserim, nisi aut certæ, & peculiare horum tunicæ describantur, aut in veris ipsorum parietum cordis, vasorumque excrecentiis, non in ejusmodi polypis, quorum naturam egregiè explicat Malpighius, inventa sint.

ANIMADVERSIO XXVIII.

- P**ORRò, ut „ Polypos istos narium, & fungos è cranii fissuris oriundos - momentò renatos „ præteream; quæ paulò infra de Viperis habes, non sanè video qui unquam possim cum innumeris Experimentissimi Redii observationibus conciliare. Tu enim scribis: „ morsus viperarum seu spiritus horum animalium efferati per „ vulnus à dentibus inflatum in venas delati. „ Ille autem demonstrat, non modò non *efferata*, sed mortuæ, atque etiam, nullà adhibita vi, mortuæ non minùs quàm viventis, & efferatæ viperæ mortiferum esse morsum. Tu scribis: „ spiritus illos eò minùs faciliè „ inter exeundum avolare, atque commodius in partem demorsam „ infundi, quòd maritentur vehiculo apto, humori sc. pingui & „ oleoso sub dentibus caninis ita posito, ut iisdem dentibus, (ut evenit) per iram arrectis, atque parti demorsæ durius admotis, comprimantur subjectæ vesiculæ humorem prædictum concludentes, „ unde ille continuò & necessariò per dentis tubulati cavum progreditur ad foramen laterale non longè infra dentis apicem situm, sicque in vulnus inflatum unà cum spiritibus mortiferis ita „ effunditur, &c. „ Reditus autem ostendit, eundem humorem longo temporis interjecto spatio exsiccatum, atque adeò in pulverem comminutum, vulneribus injectum mortem pariter attulisse: detectis autem

Lettera
al Moro.

Ibidem.

autem viperæ dentibus, eundem lethiferum succum per dentis non
 cavum, sed superficiem ab radice ad apicem manifestò descendere. Offerv.
int. alle
Vipere.
 Denique tu id potissimum inculcas: „ sanguinem animalium à viperis
 „ demorforum solidius coagulari, quàm ab infusò quòcunque demùm
 „ spiritù acidò; „ id, inquam, inculcas; non modò enim istam in-
 „ signem in corde, & vasis coagulationem paulò ante descripseras, sed 238.
169
206
 & in Capite de Mammis indicaveras, & præsertim in quadam Lowe-
 ro apposita Adnotatione, „ sanguinem momento coagulari - à vipe-
 „ rarum morsù, ita posueras, ut inde satis superque patere, affir-
 „ mares, venenum viperinum de salium volatilium alcalicorum, san-
 „ guinem fundentium ac dissolventium, naturà minimè participare,
 „ sed potiùs ad salium oppositorum indolem accedere. „ At Reditus
 post multa experimenta in canibus, felibus, ovibus, capris, pavoni-
 bus, columbis, aliisque animantibus ejus rei inquirendæ causà institu-
 ta, negat, se quidquam comperisse quod pro satis explorato ac ve-
 ro scribere possit, ut qui, etsi in quibusdam animalibus viperarum
 morsu interfectis coagulatum in ventriculis cordis sanguinem inveniri,
 confitetur, se tamen non semper in omnibus invenisse, testatur.
 Cæterùm cum quidquid Malpighianæ de Polypo Dissertationi addi-
 disti, idèò potissimum addideris, ut eandem adversus Kerckringium
 defenderes, mirari subit, cur quæ Kerckringio ipse reposuit Malpi-
 ghii firmis rationibus, propriisque, & Fracalsati, ac Bonfilioli ob-
 servationibus suffulta ne memoraveris quidem, cum præsertim istum Ibidem.
238
 quoque, ceu *partim lapideum*, Polypum esse memoraturus, quem Op. Posth.
240
 tamen non modò non lapideum, sed neque osseum fuisse, tum ex
 nostris Animadversionibus cognoscitur, tum ex ipsa Cl. Observatoris
 descriptione, qui duritiem illam non in Polypo incluso, sed in Arte-
 ria includente adnotavit. Sed illud magis etiam mirandum est,
 quòd, Polypos ex cordis, vel arteriarum „ parietibus, ac etiam pro-
 „ fundiori substantià ipsà non aliter enasci ac vegetare, quàm varii
 „ fungi, & musci ex arborum tubulatis fibris alsurgunt: „ tu ipse
 doceas, qui paulò ante in Notula Malpighii Dissertationi subjecta scri-
 pseris: „ quidni idem sanguis, qui extra vasa sua stagnans concretio-
 „ nes tam firmas, tamque irrefolubiles, per fibras suas morbò affe-
 „ ctas, efficere potis est: quidni, inquam, eveniat ut idem ille san-
 „ guis in vasis suis, & præcipuè in cordis ventriculis polypos etiam
 „ duriores procreet? „ Hæc certè cum illis consentire non videntur,
 neque cum eo, quod de Malpighiana sententia dicis, scilicet *vix ac*
ne vix concipi posse. Quòd autem tui istius novi judicii rationem hanc
 subjicis: „ quandoquidem validus cordis motus, sanguisque velox
 „ admodum in propiores arteriæ tractus effusio, ejusmodi stagna-
 „ tioni-

Ibidem.
Anim. 40.
41.

tionibus præpediendis, pelliculisque inde enasci incipientibus dissolvendis omnino sunt aptæ; sanè quomodo huic dubitationi occurrendum sit, ex parte ipse Malpighius ostendit, ex parte autem ex iis colligitur, quæ nos in II. Adversariis attigimus, præsertim cum illud quoque addi possit: in Polyporum generatione haud raro ea præcedere, aut unâ observari consuevisse, ex quibus sanguinis motum non ita esse tunc velocem, vehementemque, coniciamus.

ANIMADVERSIO XXIX.

244.
246.

Restat Caput ultimum, de Pulmonibus. De quibus ut rectè profers geminas Malpighii Epistolas, sic rectè etiam vellem, iconisimos qui ad certa earum loca pertinent, indicasses; neque enim video, figuram, aut positionem lobulorum in Figuris „ 4. 5. „ Tabulæ tuæ 89. „ monstrari, sed tantum in 3. „ nec ranæ pulmones ostendi in ejusdem Tabulæ „ figura 1. „ sed in 5. Verum id à tuis potius Operis, quàm à te, est facile requirendum; illud à te ipso, ut ex iis quæ Summus ille Anatomicus in Posthumo Opere Epistolis hîc addidit, nonnulla selegisses, per quæ certa quædam earum loca non mediocriter illustrarentur. Quorum ut unum modò exemplum proferam, necesse non est ab iis quos nuper sortè memoravi, ranæ pulmonibus recedere. Hos enim cum in altera Epistola dixisset „ scisso per longum abdomine, erumpere, neque ut in „ cæteris animantibus illicò flaccescere, sed tensos ad animalis libitum „ perdurare; „ vellicatus deinde ab Enrio, huic in Posthumo Opere ita respondit, ut ex ulteriore anatome non modò causas cæteras indicaverit, quæ id efficiant, verum etiam primus omnium, ut adjecta ad Oldenburgium Epistola ostendit, *reticularem muscolum* revelaverit, qui „ non tantum exteriorem pulmonum ambit regionem, „ sed interiores quasunque vesiculas, & sinus circumdat, ita ut suo „ motu singulas pulmonis partes comprimendo, expirationem promoveat; & hanc eandem structuram in pulmonibus perfectorum „ animalium proportionaliter observari, „ docuerit. Hîc igitur carnis fibris ranæ discillæ expirationem ex parte adscripsit; inspirationem autem iis instrumentis per quæ inferior buccæ pars amplificata, & mox contracta aerem in pulmones compellit. Et mihi quidem cum Amicis Venetis ejusmodi observationes iteranti manifestum fuit, „ ranas ad libitum apertò etiam thorace proprios exinanire folliculos, & mox etiam turgidos reddere; „ quinimò id ipsum, dum fluvialem quandam testudinem vivam inciderem, observavi, invenique, totam eam partem quæ intra cavitatem mandibulæ inferior-

De Rana,
Testudinis,
& Vipera
Respirationis Instru-
mentis.

rioris est, multum posse extrorsum curvari, ut hinc aer immitti posset, pulmones verò fibrarum rete firmari, ut hinc aer vicissim posset remitti. Ossiculum quoque vidi in rana, illi aeris motui subserviens; in ejus autem pulmonibus non laxioris tunicæ, ut Entius inquit, corrugationes, sed elegantissimam, quæ à Malpighio descripta erat, alveolorum structuram. Illud verum est, nos ejus ossiculi alterum extremum, non reliquæ basi æquale, sed in parvum quasi circulum dilatatum vidisse: neque ex alveolis, sive majoribus sinibus tot hexagonos, aut ex inclusis minoribus tot vidisse, qui idem ferè cum majoribus centrum haberent, quot Figura proponit, non ista quidem à tuo Scalpore minùs accuratè expressa, sed alia quævis accuratissima: neque demum illos „ à larynge binos ductus semicircu-
 „ laribus aliquot annulis conflatos in membraneas vesiculas hiantes „
 „ perspicere potuisse. Non tamen propterea credidimus, tantum Ana-
 „ tomicum in iis præsertim animantibus, quorum *ferè totum genus* se
 „ dissecando *perdidisse*, scribit, esse facile hallucinatum, sed potius in
 „ omnibus fortasse ranis non idem prorsus observari; neque enim ex.
 „ gr. inclusi illi, minoresque pulmonum sinus (quod & ipse egregiè ad-
 „ notavit) in ranis minoribus sunt conspicui. Num verò haud absimili
 „ ratione defendi possit quod de Viperæ pulmone scripsit Veslingius:
 „ in eum videlicet „ duplici distractam ramo asperam arteriam dela-
 „ „ bi: „ alii viderint; nobis enim, qui multò plures vyperas, quàm
 „ ranas secumimus, nunquam certè datum est duplicem istum ramum vi-
 „ dere, cum & ipse viperæ pulmo simplex sit, idest unus oblongus
 „ lobus ex innumeris primùm circumcirca quasi vesiculis in favi mo-
 „ dum apertis, deinde ex una magna continuata vesica manifestissimè
 „ constructus.

Op. Posth.
Tab. ult.
Fig. 1.

247

Observ.
p. 72.

ANIMADVERSI O XXX.

AD ea nunc transeo, quæ de Respirationis Organis affers ex Willisio. Atque illud primùm occurrit de Vasorum in Pulmonibus dispositione: „ Trachea ejusque rami medium usque locum
 „ tenent, supra hanc vena, & infra Arteria pneumonica feruntur. „
 „ Cum Vir Cl. Doctissimusque Petrus Antonius Michelottus à me per
 „ litteras petiisset, ut hanc vasorum dispositionem in perfectis, ut vo-
 „ cant, animantibus diligentius inquirerem, ego autem Viro & Ani-
 „ cissimo, & ad Physico-mathematicas meditationes id quærenti satis-
 „ facturus, ter quaterve inquirerem, sic reperiebam. In agno, sini-
 „ stro quidem bronchio arteria suberat, vena incumbabat, dextro au-
 „ tem illa vicissim incumbabat, hæc suberat, sic tamen ut neutrum

De Vascorib.
in Pulmo-
nib. dispo-
sitione.

249

F 2

bron-

bronchium exactè inter utrumque vas medium esset : quod clariùs ex his quæ de humano pulmone addam, intelligetur; sic autem id quod dico, vel in agno accipiendum est, ut quod capiti proximus est, id superius; quod ventri, inferius habeatur. In Viro igitur utrinque erat super bronchio vena, arteria autem sub vena quidem, sed non sub bronchio; huic enim à tergo apposita erat. In altero autem Viro ab utroque latere cum arteria esset anterior, posterius bronchium, vena intermedia; arteria comparata bronchio, superior fuit, vena inferior. In tertio denique, quem à sinistro dumtaxat latere diligenter inspexi, in superiore quidem pulmonis parte, bronchio tum vena, tum arteria superstabat; in parte inferiore substabat bronchio vena, arteria par erat; in media autem bronchio ambæ erant pares, sic tamen ut anteriora ibi teneret vena, posteriora arteria, bronchium inter utramque consisteret. Hæc autem omnia, etsi de horum vasorum majoribus tantum ramis sunt accipienda, cum ferme, quod Willisius ait, „ impossibile sit horum omnium simul incedentium, quoad furculos & propagines minores, protensiones, & „ varias inter se complicationes describere; „ attamen satis ostendunt, quid de allato Willisii loco, neque minus quid de illo altero Verheyenii censendum sit, in quo tum verbis, tum Figurâ traditur: „ ramum asperæ arteriæ perpetuè esse medium, eique ab altero latere adiacere ramum arteriosum, ab altero venosum. „

J. 1. tr. 3.
cap. 12.
Tab. 23.
fig. 1.

ANIMADVERSIO XXXI.

149.

Sequitur Laryngis, & Bronchi historia, in qua quantum; sive anatomien spectes, sive admirabile conformandarum vocum artificium, desideretur; & nimis longum, & non ita necessarium esset indicare. Ipse enim Willisius cum ejusmodi Partium „ descriptio-
„ nem, & usus ab Anatomicis adeo exactè tradi, inquit, ut non
„ opus sit iisdem amplius describendis immorari, & se methodi gratiâ compendiò quædam tantum advertere, „ satis admonet, fuisse istic ex aliis Anatomicis exactam, plenamque ipsarum historiam adjiciendam. Quæ sanè quàm necessaria fuisset, etsi ubi ad proximas Tabulas ventum erit, ex parte intelligetur; nunc tamen illud omitti non potest: in istis Willisii verbis: „ laryngem cartilagineas
„ quasdam majores diversiformes, aliasque uniformes habere; priores ob similitudines, quas ad res alias gerunt, dicuntur Epiglottis, Cartilago scutiformis, Annularis, & ἀντρωσίδης. Huic ultimæ continua cartilaginum eadem prorsus figurâ & ratione conformatarum series succedit; quæ singulæ, cum circuli cujusdam
„ sed

„ sed non absoluti formam referant, &c. „ in istis, inquam, ver-
bis semel, atque iterum videri Doctissimum alioqui Virum esse hal-
lucinatum. Nam illæ *uniformes* cartilagines, sive circuli non absolu-
ti ad laryngem, *aspera*, ut inquit, *Arteria initium* non pertinent,
sed ad hujus truncum; illi autem *ultima* diversiformi cartilagini con-
tinua istiusmodi circularum series non succedit, sed Annulari. Por-
rò quod subdit: cujusque circuli „ partem posteriorem, ubi œsopha-
„ go incumbit, quò meliùs deglutitioni ciborum inserviat, in mem-
„ branam abire, „ etsi non pertinaciter negavero; contendam ta-
men, non eam potissimam, aut certè non unicam esse causam cur
sint imperfecti, cùm id esse factum, ut *asperæ* arteriæ diametrum pro
re nata contrahi possit, illud satis indicio sit, quòd non modò ea
pars ejusdem arteriæ, quæ œsophago incumbit, verum etiam primo-
rum bronchiorum usque ad pulmones uterque ramus ex imperfectis
pariter annulis compingatur; neque enim verum est quod docet Ve-
rheyenius, qui & ista Willisii verba descripsit: „ cartilagines in duo-
„ bus illis majoribus ramis esse quodammodò perfectè annulares. „

loc. cit.
C. II. C. 12.

ANIMADVERSI O XXXII.

SEd à Bronchiis ad Branchialia Vasa, interjecta istic Adnotatio
tua me avocavit, Vir Cl. Equidem me Summum Anatomicum
Ruyfchium „ plurimi facere, magnaque semper, & multa habitu-
rum fateri, „ nemo qui mea scripta legerit, ignorare potest. Præ-
terea, quod ad Branchialem Arteriam attinet, hanc ab ipso *restitu-*
tam, autemque libentissimè falsus sum. Attamen ejusdem quoque
existentiæ, initii, atque insertionis inventum si acceptum ipsi retulis-
sem, me Veteribus Anatomicis, quorum unius, atque alterius ver-
ba protuli, injurium esse, existimassem; neque enim ut tibi, ita
etiam mihi eorum locorum „ prior - prorsus obscurus; alter verò
„ paulò dumtaxat evidentior; „ imò evidentissimè iis adversari vide-
tur verbis quæ paulò infra producis: „ Hanc Arteriam à nemine
„ adhuc esse observatam, intrepidè affirmo. „ Certè aliter quàm
tu, judicavit Cl. Fantonus, qui „ hanc, inquit, arteriam à Gale-
„ no, & Fernelio descriptam fuisse, ostendit Doctissim. in suis Ad-
„ versariis Morgagnius; „ quinimò Cl. ipse Heisterus, Vir non veri-
minùs, quàm Ruyfchii, sui quondam Præceptoris, amicus, iis locis
perlectis, huc demum rediit, ut illud tantummodo quod ego, con-
cluderet: hunc „ *ramificationis* ejus arteriæ perspicuam descriptio-
nem, & delineationem primum dedisse: „ quod si satis esse ho-
mines censeant, ut illi omnem inventionis ejus arteriæ gloriam ad-
scri-

250

Advers. I.
n. 18.

n. 24.

Ibidem.

Anatom.
Diff. 13.

Præf.
Comp.
Anat.

Anatom.
of. hum.
Bodics.

scribamus, mihi denique non id molestum sanè erit, sed longè jucundum, propterea quia pares ob causas, multarum rerum quas auctas, primaque perspicua descriptione, & delineatione illustratas restitui, Inventorem pariter me dicent. Verùm ut aliis propriis observationibus contentus, id neque tum quæsi, neque nunc spero, ita hic maluissimè, te aliquid de Bronchiali Vena utiliter addidisse, quàm istud de socia Arteria incassum dixisse. Bronchiale enim Venam etsi Sagacissimus Ruyschius scribit „ nec adhuc dum eam sibi videre „ licuisse, neque autem eam hic magis necessariam esse, quàm in „ hepate; ubi Arteria Hepatica nullam quoque peculiarem sibi & „ sociam vendicat Venam; „ Cowperus tamen; ut ea quæ de Bronchiali Vena habet Verheyenius, omittam; unam, vel plures sæpe vidit, & in subclavias influere, observavit.

ANIMADVERSIO XXXIII.

255.
Nam Pulmones thoracem totum implent.

JAm verò de pluribus quæ in Willisio insuper notari possent, unum seligamus. Pulmones in inspiratione „ totam, inquit, thoracis „ ampliati cavitatem implere: „ mox verò „ ob pectus constrictum, „ & pulmones compressos, expirationis actum succedere. „ Ego autem cum essem Venetiis, vivo cani, utroque in latere, tantum pleuræ detexi; quantum satis esset, ut per eam membranam, quæ sic satis pellucida est, quod spatium pulmones intra thoracem omnino clausum occuparent, cognosci posset. Itaque & ipse vidi, & Amicis ostendi, in inspiratione, & multò magis in expiratione satis spatii inter thoracis parietes, & pulmones relinqui. Verùm ne fortè credas, me libentius Willisii Scripta impugnare, quàm confirmare, vis eadem veri cujus studio unice agor, me cogit, ut quid super iis quæ de Pulmonum Interstitiis postremo addit, cum iisdem Amicis observaverim, non reticeam. „ Experimento, inquit, sæpius factò evidentè constat, aërem Trachæ fistulæ (quæ unicus ejus in „ Pulmonem aditus est) insufflatum, hæc lobulorum interstitia minime subire, aut inflare: attamen si foramini in quolibet ex his interstitiis factò insufflaveris, illicò spatia hæc omnia in totò Pulmonis lobò inflata intumescunt. „ Hæc nos experimenta in bovini pulmonis lobo ediligentiùs iteravimus, quò pluris faciebamus, & facimus Magnum alterum Anatomicum, qui hæc sibi negat successisse. Igitur etsi diu, multumque aerem in bronchium immisimus, observare tamen nunquam potuimus, interstitia dilatari; quinimò vidimus manifestè, à distentis lobulis interstitia comprimi, & plurimùm minui. Cùm autem in unum interstitium, factò foramine, aer im-

257.
Nam à
Fistula
Pulmonis
in hujus interstitia
aditus fit.

mit-

mitteretur, & illud, & multa alia vicina interstitia distendebantur. Illud addidimus, ut cultro per medium interstitiorum adacto sic ut lobuli à lobulis dividerentur, ac deinde parvi cerei flammulâ iis scissuris admotâ, aer per bronchium pluries, vehementerque impelleretur, si fortè illa agitatione suâ aliquod aeris in caveas interstitiorum transeuntis indicium daret; verùm lobulos quidem dilatarî semper vidimus; flammulam autem vel leviter nutare, aut concuti, nunquam vidimus.

ANIMADVERSI O XXXIV.

Cæterùm tum quod postremis verbis docet Willisius: vasa lymphatica pulmonum, dum „ versùs ductus Thoracicos tendunt, „ in itinere Oesophagum, necnon Trachæ & Aortæ truncos super- „ scandere, „ in iisque variâ insertione propagines multas amittere; „ proinde ut videatur aliquantum humoris Lymphici pro vasorum „ istorum parietibus lubricandis impendi: „ tum quod ex Verheyen- „ io addis: „ per Bronchiales glandulas separari humorem lymphaticum, eumque per propria vasa inde transire ad ductum thoracicum, ipsi haud quaquam videri probabile: „ tu, Vir Cl. dijudicabis. Mihi certè, Naturæ consuetudinem attendenti, magis probabile videtur, illa de quibus Willisius loquitur, vasa lymphatica ab oesophagi, earumque arteriarum parietibus propagines multas in itinere asumere, quàm in easdem partes immittere. Istud autem Bronchialium Glandularum munus non ita ego, ut Verheyenius, improbandum esse, censeo, primùm quia Malpighius, optimus, siquis alius, istarum rerum existimator id ipsum probavit, cùm in Epistola de Structura Glandularum *quasdam grandiores glandulas, trachea harentes*, inter Conglobatas recensuit, hoc est inter eas quibus excretoriorum vasorum loco lymphæ ductus esse, conjiciebat; deinde quia ipsarum substantia aliquando *dura ac quasi tartarea*, aliàs *mollis & succulenta, -color subniger*, & pleraque alia à Vorheyenio recensita, apprimè, ut ex eadem liquet Epistola, Conglobatis Malpighii glandulis conveniunt; novissimè quia quæcunque Verheyenium in eam sententiam perduxere, hæud ita difficilè solvi possunt. Nam quòd primùm se videre, negabat, „ in quem finem tunc Glandulæ istæ forent longè „ majores & plures circa majores asperæ arteriæ ramos, „ & quòd subjiebat: „ an quia ibidem etiam vasa sanguifera majora sunt, „ adeoque plus lymphæ suppeditare possunt? Sed lymphæ non potest immediatè sequestrari ex vasis magnis, sed ex parvis & quodammodo minimis; „ nimirum ut illud omittam, quod supra ipse

258

259

De usu
Glandular.
Bronchialium.

Theatr.
Tom. I.
255.

258.

con-

constitetur: „ inveniri aliquando nonnullas, quæ minoribus asperæ
 „ arteriæ ramulis adjacentes, superioribus magnitudine antecellant; „
 „ etsi verum est, non ex magnis, sed ex minimis arteriis lympham se-
 „ parari; attamen verum quoque est, ex majoribus arteriis plures mi-
 „ nimos furculos, quàm ex minoribus emitti posse. Accedit, eos qui
 „ Malpighium sequentes, hic quoque censeant, per minimas glandulas
 „ bronchiales lympham secerni, per majores autem & secretam à mi-
 „ noribus excipi, & novam addi, non difficilè intelligere, cur ad in-
 „ feriores, easque adedò plurimas arteriæ asperæ divisiones minimæ glan-
 „ dulae, ad alias verò, atque alias, ut hæ superiores, atque adedò sem-
 „ per pauciores sunt, ita majores glandulae apponantur. Quod verò
 „ addebat Verheyenius: „ lympham illam debere separari à sanguine
 „ quàm citò hic expulsus est ex dextrò cordis ventriculò, & iterum
 „ statim per ductum thoracicum & partem venæ cavæ transire ad
 „ eundem ventriculum: cujus separationis & transitus rationem rur-
 „ „ sus assignabit nemo; „ primum novi ego qui ejusmodi causas affe-
 „ rat & secretionis lymphæ, & hujus in sanguinem reditus; ut istam
 „ quoque rationem faciliè possit assignare; deinde illud negare Verhe-
 „ yenius non poterat: quidquid lymphæ in pulmonibus separatur, aut
 „ à bronchiali dumtaxat arteria afferri, aut etiam à pulmonari. Si ab
 „ hac etiam, in eandem ex parte quæstionem, vellet, nollet, recide-
 „ bat; sin autem à bronchiali solum arteria, nullus omnino relinque-
 „ batur isti dubitationi locus; nam & in bronchialem arteriam ex fini-
 „ stro cordis ventriculo cruor impellitur, & nihil præterea erat cau-
 „ sæ, cur ex eadem arteria, ex qua ramos in bronchiales glandulas
 „ immitti ad proprium harum usum, agnovit, lympham secerni intra
 „ ipsas posse, non putaret. Verùm hæc, ut dixi, tu videris; nunc
 „ ad Tabulas quas huc adjecisti, transeamus.

ANIMADVERSIO XXXV.

ET primum in Tabula LXXXVIII. haud satis intelligo, quo cõ-
 „ silio tot Verheyenii Figuras attuleris, quibus constat, non fa-
 „ cilè alias ipsi excidisse negligentius delineatas. In Figura enim K, ut
 „ errores omittam ad litteras EE. FF, in primis, alterisque Adversa-
 „ riis notatos; certè in iisdem primis Adversariis insignem alium erro-
 „ rem indicavi, cum falli eos omnes ostendi, qui pro una Thyroidæa
 „ Glandula „ binas eradunt, & hinc atque hinc unam à lateribus sum-
 „ „ mæ asperæ arteriæ, inque medio penitus disiunctas depingunt; „
 „ & sanè ex tot quæ secui, cadaveribus vix unum vidi, in quo isthmus,
 „ sive ea pars intermedia Glandulae, quæ utrumque lobum continuat,
 „ defi-

n. 6.
 Anim. 13.
 n. 16.

De Glandula Thyroidæa.

desideraretur. Verheyenius autem cum ea legisset, illudque prætere-
 rea, quod isthmus „lobi utriusque non supremam, ut aliquis pin-
 „xit, sed infimam solet partem connectere;„ descriptionem quidem
 suam, in qua duas esse, tradiderat, sic emendavit, ut tamen adderet:
 „quia ab utraque parte asperæ arteriæ dependet, ab aliquibus non
 „ineptè dicuntur esse glandulæ duæ;„ at omiſſis iis, quæ de ejus-
 dem glandulæ structura, succo, positu addidimus; quæ neque in
 Theatro tuo inveniuntur; delineationem quam in ista Figura ad litt.
 H. H. exhibuerat, & quam mea illa postrema verba designaverant,
 non mutavit; ut novam hanc Cl. Heisteri censuram meruerit: „Glan-
 „dulam thyroideam ab utraque asperæ arteriæ parte dependere, &
 „haud ineptè duas dici, ait Verheyen, & sic etiam eas depingit.
 „Verum recte demonstrat Morgagnus eam male pro duabus a mul-
 „tis haberi, cum unica sit, & crescentis lunæ figuram obtineat,
 „cujus cornua sursum spectent, non deorsum, uti a Verheyeno de-
 „lineatur.„ De Epiglottide etiam multa in iisdem Adversariis
 monueram, & in iis „inferiorem illius partem multò apice contra-
 „ctiorem esse;„ quod num Verheyenius attenderit, istæ ipsius Fi-
 guræ satis ostendunt; deinde quid olim traditum, & quid habendum
 esset sive in nobis, sive in bobus, ovibusque de Musculis Levatori-
 bus, & Depressoribus Epiglottidis: quæ quidem cum his quæ scri-
 pta reliquit Verheyenius, conferri velim; nam quod ad *vomentes*
 attinet; ne rejecta, in epiglottidem multum incurrant, fortasse tum
 lingua efficit tunc exerta, ideòque per annexa ligamenta Epiglotti-
 dem antroorsum reclinans, tum verò uvula, quæ per suos mucus
 retrorsum ad pharyngis superius orificium opportunè defendendum
 elevata, viam amplificat, tum denique laxa illa, & valde mobilis,
 de qua Verheyenius loquitur, membrana exteriorem possicamque
 Laryngis partem obducens, quam ego membranam, non *per motum*
peristalticum inversum, sed per ipsum rejectorum impulsus tunc sur-
 sum trudi in iis præsertim, in quibus laxior, ampliorque est, facile
 credo, quantum satis sit, non ut ipsi laryngis rimæ superponatur
 (neque enim vel in iis ipsis solet usque adeò extendi posse) sed ut
 materiam ultra laryngis caveam, & epiglottidem ipsam dirigat. Ve-
 rum ut ad ea quæ ad Figuras quoque pertinent, revertar; multa
 etiam de structurâ, & glandulâ Epiglottidis, à me primùm observa-
 ta, adversus Verheyenii descriptionem, Figuræque monueram. Iis
 ipse; quamvis meo nomine omisso; ad suam descriptionem ex parte
 emendandam usus est; Figuras autem non modò non illustravit; sed
 quas primùm proposuerat ad plures illas glandulas minores ostenden-
 das, quibus videlicet existimaverat, totam Epiglottidis concavam fa-
 ciem

Præf.
Compea
Anat.

n. 13.

n. 18.

loc. cit. &
tr. 4. c. 10.
in huc.

Quæ fiat,
ne vomitu
rejecta, in
epiglottide,
& pulmo-
nis sistu-
a
incidunt.

n. 3.

l. 1. tr. 3.
c. 11.

ciem obsideri, easdem prorsus ad ostendenda officia ductuum Glandulæ epiglottidis reposuit; æ sunt apud te, Vir Cl. 3. & 9.

ANIMADVERSIO XXXVI.

Sunt tamen, ut verum loquar, in istis quas exhibes, Verheyenii Figuris quædam errata Scalptori tuo tribuenda, ut in 2. *Fissura* illa c, quam Explicatio in cartilagine Thyroide indicat, ferè prorsus omissa; ut fortasse in 3. ad litteram E (cujus explicationem frustra quæro) annuli arteriæ asperæ absoluti; nam ut hunc errorem in Colonienſi editione vel evidentiore inveniā, in Lipsienſi certè non video; ut in 4. eam Epiglottidis delineationem, quæ subest litteræ B; in cujus explicatione quoniam quid sibi Auctor velit per eam *partem globosam*, Lectores nunquam satis intelligent, te Auctoris descriptionem omittente; dicam ego, idem esse quod olim Riolanus epiglottidis *pediculum* vocavit, eam quoque memorans Fissuram Thyroidis, de qua modò dictum est; Laryngis, inquit, introitum „con-“ regit, claudique altera cartilago oblonga, cum pediculo, ex fissura antica Thyroidis educta. „ Sed illud vicissim Auctoris potius, quàm tui Scalptoris, erroribus est accensendum, quòd in Fig. 5. & 6. Arytænoides ita pingantur, ut ipsarum non modò vera forma cum descriptis à me cavitatibus agnosci non possit, verùm etiam ipsa amplitudo nullam ad proximas Figuras proportionem servet. Huc pertinent restituta à nobis capitula duo per quæ Cricoides cartilago cum utraque Arytænoide articulatur; hæc enim ut descriptioni suæ, nostro omisso nomine, Verheyenius addiderit; Figuris tamen 7. & 8. minimè addidit. Huc Musculi pertinent A A. multòque etiam magis B. in Fig. 9. ut omnes intelligent, qui eosdem aut in cadavere, aut in nostra proxima Figura 16. inspiciant ad litt. ii. & K, quanquam ad hanc litteram tuus quidem Scalptor nonnihil erravit; quemadmodum in Figura quoque 10. ubi in ipso asperæ arteriæ latere annulos ferè deficientes exhibuit. Cæterum in eadem Figura 10. explicanda error excidit Verheyenio, quem miror in posterioribus editionibus non esse sublatum; quis enim „ *Musculus* est *Cricotyroideus lateralis*, „ qui per E litteram monstrari dicitur? Itaque ne Tirones istic hæreant, monendi sunt, scribendum fuisse: *Cricotyroideus lateralis*. Idem pariter monendi sunt, siqua in Figura K K. ejusque Explicatione non satis intelligant, ut Figuram nostram 17. & partem quoque 16. unà cum ipsarum Explicationibus inspiciant. Ex iis namque nec obscuris, neque ita, præsertim si archetypos nostros spectes, inelegantibus suam istam Figuram ferme

con-

De Cartilagine
Epiglottidis, &
Thyroide.

Anthrop.
l. 4. c. 11.

260.

confecit Verheyenius, quam propterea cur ante nostras proposueris, nequaquam video. Ego certè neque ea figura Epiglottidem, neque; ut alia omittam; ea ratione Thyroidem, Arytænoides, harumque cartilaginum glandulas delineaveram, ut neque *Caput Laryngis*, sed Laryngem ipsum, secundum ejus longitudinem posterius sectum, atque expansum, ostendere me, dixeram. Porro, ut ad proximas Figuras transeam; illud quoque in I. Adversariis monueram: „esse Figuram in libris anatomicis, qua arteriæ asperæ cartilagine sic ostenduntur, ut non solum utrinque omnes in acutum definant angulum, sed interstitium quod in posteriore arteriæ parte est, illud quoque explere totum videantur. Addidi: hanc non minus mirari me Cl. Homini excidisse, quàm à studiosissimo alio Professore in suam humani corporis Anatomiam receptam esse; ex bove enim opinari me, eam Figuram, non ex homine expressam esse. „ Nunc autem addo, me multò magis mirari, Verheyenium non intellexisse, Cl. illum Hominem esse Willisium, se verò studiosissimum illum Professore; si enim id intellexisset, abjecisset sanè illam Figuram, aut non pertinere ad hominis anatomem, monuisset. Illa autem Figura ista ipsa est quam tu num. 14. exhibes. At me, Willisium dumtaxat innuentem, non intellexerit. Num Malpighium quoque non intellexisse, credemus, qui Willisium nominatim reprehendit, quasdam hujus Figuras „mente, & „arbitrio artificis delineatas, - & fictas, obscurasque, „esse, pronuncians. Iis certè Figuris Verheyenius sine ulla dubitatione usus est. Istæ autem ipsæ sunt, quas tu num. 15. tanquam „elegantissimæ, simulque accuratissimè descriptas, „ipsius Willisii verbis, proposuisti; tuus autem Scalptor ita insuper depravavit, ut cum neutra quidquam ostendat eorum quæ Willisius pinxerat, tum in prima, cui videlicet littera A. apposita est, illud ipsum *manifestum vasorum rete*, quod unum in ipsis Malpighius probaverat, vix ac ne vix quidem agnoscatur.

n. 14.

Op. Posth.

261

ANIMADVERSI O XXXVII.

Q UOD facilius mihi ferendum est, quodd meæ proximæ Figuræ 16. (mitto nunc Explicationem) certas quasdam partes ad F. b. A. K. minùs istic diligenter descriptas videam, inprimisque eas glandulas ad OOO, quas ego, ut *subrotundas, & ovales, sed compressas* esse, docueram, ita etiam leviùs adumbrandas à meo Scalptore curaveram; tuus autem tantum singulis umbrarum addidit, ut si de industria inservire subjectæ Animadversioni voluisset,

Adv. I.
n. 25.

fer, non magis extantes effingere potuisset. Quò enim aliò tandem redit tota ista Animadversio? Certè *Musculos, cartilagine, os hyoides, aliaque annexa*, hoc est totam reliquam Figuram Cl. Auctor commendat. Nam quòd „ expositam summam alterius ventriculi „ Laryngis g videtur excipere, ut non nimis claritati conformem; „ sanè id ipsùm *mutare se*, dicit; & meritò quidem; neque enim ibi id, quod satis alia Figura præstat, quomodo ea *summitas* sit facta, ostenditur, sed tantummodo locus indicatur, quò usque in eo cadavere pertingebat; id autem vel clarissimè sic intelligitur. Itaque Animadversio tota contrahitur „ solùm ad glandulas illas notabiles per „ magnum tracheæ & primorum bronchiorum interstitium membræ naceo-musculare O. O. O. aggerinè depictas. „ Eas enim non modò non ita solere esse extantes, sed apertè contenditur, „ nunquam-, nisi morbosè sic condita magna hæc tubercula, aut visibilia occurrere: - nec, - quæcunque sit diligentia, animadverti unquam posse in statu naturali corpora huiusmodi glandulosa notabilia numerosissimè delineata. „ Denique vix conceditur: „ granula dispersè minutissima eaque sat rara conspici, nec partem vigesimam molis glandularum descriptarum æquantia. „ Ego verò non modò *nunquam* memini, has glandulas non *visibiles* fuisse, sed cùm observationes scriptas habeam cadaverum, minimum, viginti quæ harum glandularum causa continenter inspexi; non me tamen prænitet tradidisse, esse ipsas *crebras*, esse *varia magnitudine*, at *miliari-bus pleræque majores*, præsertim ad *inferiorem truncum* asperæ arteriæ. Neque enim ullo modo verisimile est, in illis omnibus viginti cadaveribus fuisse *morbosas*; quinimo Auditores mei optimè norunt, quoties in subjectis, quod ad thoracem præsertim attinet, longè sanissimis, ut in robusto Juvene ex inslictis vulneribus illico mortuo, ut in Senè à fortissima, ut vocant, Apoplexia brevissimo spatio temporis interempto, ut in Viro femoris vulnere intra dies quidem duodecim, sed tamen sine ullo pulmonis affectu, consumpro, istas glandulas ea magnitudine ostenderim, ut cùm pleræque ipsarum plerisque ex illis quas ego delineavi, minimè cederent, tum nonnullæ vel maximas illarum evidentissimè superarent. Quod verò ad ipsarum numerum attinet, iidem norunt, in iisdem cadaveribus multò etiam plures fuisse, quàm in mea Figura conspiciantur; imò præter ipsos aderat superiore anno Cel. Professor Polenus, cùm in quadam Muliere ita confertas ostendi, ut se se pleræque contingerent in summa etiam parte interstitii asperæ arteriæ, in qua alioqui solent esse rariores. Sed ut plures alias ostensiones tum in Nosocomio, tum in Theatro habitas omittam, in quibus hæ glandulæ eo numero, ea magni-

De Glandulis Asperæ Arteriæ.

261.

gnitudine fuerunt, ut vel exteriore ejusdem arteriæ tunica non detracta, satis superque essent conspicuæ: quod & nuperrimè, atque adeo cum hæc typis describerentur, in Viro quodam inflicto capiti vulneribus intersecto viderunt Primarii ac Cel. Professores Antonius Valisnerius, & Joannes Gratianus; quis demum hoc ipso anno cum de aspera arteria in publico verba facerem, atque hinc in exili cujusdam Mulierculæ fistula pulmonari, quam, ut superiorem quoque, nullo thoracis morbo laborasse, constabat, has glandulas satis & conspicuas, & crebras ostenderem, hinc verò narrarem, fuisse tamen qui scriberet, easdem, *nisi morbosè*, aut *visibiles* non esse, aut *sat raras conspici, nec partem vigesimam molis glandularum* (à me) *descriptarum aquantes*; quis, inquam, fuit qui non plurimum miraretur, eorum præsertim, qui cum cæteras Animadversiones eodem modo, ac præsentî ostensione aliàs confutarem, non adfuisse? Quid, si addidissem, sic quoque Venetiis, sic Bononiæ, sic Lugduni Batavorum, sic Londini, sic Altorfii, sic Lovanii esse observatum? nam ipsum, ut Animadversionis Auctor infra vocat, *fidelissimum, ac solertissimum* Verheyenium, si ejus superioris Figuræ K K partem I I cum respondente in nostra, asperæ arteriæ summa parte, habita magnitudinis utriusque ratione, contendamus, non aliter observasse, invenimus. Quid? quòd ne id quidem fieri ullo pacto potest, ut usquam gentium aliquis usque adeo facilis existat, ut quod per jocos Reditus de gallicis, hetruscisque viperis dixit, id seriò de structura humanorum corporum credat, putetque, aliter fortasse Augustæ Taurinorum, quam in universo terrarum Orbe, istas glandulas se se habere. Quò enim gentium Acta Eruditorum non importantur? In his autem, ubi Publici Taurinensis Anatomici Joannis Fantoni Anatomia memoratur, hæc disertè habentur: „ in postica tracheæ parte tales numerosissimæ glandulæ, quales Morgagni expressit, aut topfia Autoris confirmantur. „

Suppl.
Tom. V.
Sect. II.

ANIMADVERSI O XXXVIII.

Hic ita positis, Animadversionis argumenta expendamus. „ Si „ Author Celeberrimus hæsitabat ordinariam glandularum „ tam grandium in subjectis humanis assidentiam stabilire, ut hæsitat „ de factò, quoties in explicatione hujus figuræ circa hæc glandulas dicit: *Quales fuerunt in hoc homine*; & hæsitare reverà debet, „ prout nunquam in hoc stratò membranaceò, segmentis tracheæ „ & bronchiorum annularibus intermediò, nisi morbosè sic condita „ magna hæc tubercula aut visibilia occurrunt; cur igitur fig. 3. Tabulæ

De iisdem,
earumque
officiis ex
cretorius.

„bulæ 109. sub lit. F. oscula earundem excretoria in tracheam &
 „bronchia aperta ad solum hoc subiectum non limitare tantum, sed
 „potius ad omnes quasi homines extendere videtur? „Si mea cum
 Figura meam istarum glandularum descriptionem edidisses; Lectores
 omnes intellexissent, cum in Explicatione dixi: *quales fuerunt in hoc*
homine, me de ipsarum in omnibus existentia non dubitasse. Quid
 igitur mihi volui, cum id dixi? Illud certè primùm, in parte inter-
 stitii superiore in multis rariores, in quibusdam nullas apparere. De-
 inde, etiam esse in quibus vel in reliqua interstitii parte aut ea ma-
 gnitudine, aut eo numero non appareant. Illud verò, ut ex dictis
 constet, venire in mentem nunquam potuit, secundùm naturam non
 esse *visibiles*, ut propterea ipsarum oscula excretoria, quæ vix, ac
 ne vix quidem in uno cadavere non vidisse, memineram, „ad omnes
 „quasi homines extendere „non deberem. Atenim (pergit Cl.
 Animadversionis Auctor dicere) „nec per microscopii subsidium
 „oscula hæc excretoria animadverti possunt. „Quisnam, obsecro,
 437 id docet? Ipse Animadversionis Auctor alio in loco: „ego, inquit,
 „nec per microscopium attingi posse, animadverto; licet reverà
 „probabiliter adesse plerique ex Anatomicis judicaverint. „Ego
 verò, ut ista ipsa oscula sive ipse viderem, sive aliis ostenderem, mi-
 croscopio nunquam sum usus, ut optime sciunt & Amici Veneti, &
 nostri assidui tum cives, tum exteri Auditores, quibus præsentibus,
 nullam unquam pulmonarem fistulam aperui (aperui autem pluri-
 mas) quin ea ratione qua in I. Adversariis docui, eadem oscula evi-
 dentissimè monstrarem. Itaque dici non potest, quàm mirer, ali-
 quem extitisse, qui non modò ut ea videret, microscopio uteretur,
 verùm etiam cum hoc uteretur, ea tamen non videret. Neque mi-
 nus mirum est, eundem scripsisse: ea *probabiliter adesse plerosque ex*
Anatomicis judicasse. Haud enim *probabiliter* dumtaxat loquitur Cl.
 Casparus Bartholinus, qui „Tracheæ, inquit miliares glandulæ in-
 trā membranā ejus internā sitæ, cuius obvix sunt. - Nuper
 „Schraderus Dec. 1. Obs. 9. asperæ arteriæ internam superficiem
 „infinitis minimarum glandularum porulis præditam monet. - glan-
 „dulæ miliares præfæ guttulas manifestè erumpentes produunt. „
 Neque *probabiliter* tantùm Solertissimus Ruyschius loquitur, qui vel
 in puerilis, itque ideo exiguæ asperæ arteriæ portione secundùm
 longitudinem aperta, tunicam hujus intimam ostendit „innumeris
 „(ita dictis) glandulis *foveolas* repræsentantibus, refertam: „ad-
 ditque continuò hæc verba ab eo qui in posteriore ejusdem arteriæ
 parte crebras, & visibiles glandulas negat, attendenda: „A parte
 „posteriore Glandula conglobata dependet, quæ numerosæ & di-
 „ver-

Diaphr.
 Scrut.

Thef.
 Anat. I.

„versæ magnitudinis istic loci reperiuntur in corpore nostro. „Denique non se *probabiliter* tantum loqui arbitrabatur is, quem supra etiam laudavimus, Fantonus, cum suis nostras observationes confirmabat: „Ego, inquit, nuper in posticâ parte asperæ arteriæ glandulas deprehendi numerosissimas, quales expressit Morgagnius, *se-* Anatom.
Diff. 13.
„ctoque per longum canali, poris etiam innumeris internam superficiem perviam vidi; hi, digitis canalem premendo, viscidulum humorem eruſtabant. „

ANIMADVERSI O XXXIX.

QUæ cum ita essent, intelligis profectò, Vir Cl., siquis in hac parte esse videretur reprehendendi me locus, non in eo certè *De iisdem.*
videri debuisse, quòd istas glandulas plene, atque accuratè, vel quòd ista excretoria foramina primus pinxissem; utraque enim conspicua sunt; sed in eo fortasse, quòd ista foramina ad istas glandulas pertinere, primus, ut opinor, omnium affirmassem. Quod tamen siquis fortè miraretur, ac quæreret, cur non potius cum Viris Cl. Bartholino, & Ruyſchio ea foramina ad minimas quasdam interioris tunicæ glandulas spectare, censuissem; has mei iudicii rationes afferrem. Primum non semel esse à me observatum, & in eo inprimis juvene quem supra ex inflictis vulneribus illico mortuum esse, dixi, etiam ostensum, digito pictis à me glandulis subtus appresso, per foramina à me picta tot guttulas erupisse, ut tota proxima arteriæ asperæ superficies maderet, mox autem eo humore absterſo, & digito rursus appresso, novas guttulas erupisse, idque porò tories, ut omni illi humori qui de uno foramine prodierat, continendo minima una glandula par esse non posset. Deinde cum totam istam intimam tunicam, in qua minimas eas glandulas statuunt, à picti interstitii magna parte quondam detraxissem, pressis postea, ut soleo, subiectis glandulis, memini, easdem quas antea, humoris guttulas adhuc expressisse. Accedit, me olim Bononiæ in magno quodam cane id quod subijciam, observasse, cujus quidem descriptionem, & ex parte etiam delineationem aſervo. Inter cæteras quæ asperæ arteriæ interstitio accumbebant, glandulas, una erat valde crassior, quæ ad dextrum interstitii latus prope annulorum extrema adhærebat. Cum arteriam è regione aperuissem, tria conspexi oscula in eadem linea recta eo ordine disposita, ut singula singulis trium annulorum extremis adiacerent. Eorum medium erat maximum; sed duo etiam reliqua ejusmodi erant, ut non modò setam, sed & seta crassius specillum, ut mox dicetur, transmitterent. Glandulâ com-

compressâ, subalbus & crassus humor per illa oscula egrediebatur. Tum seta, & specillum etiam, his inditum, nullo negotio intra glandulam transit, in qua duas, vel tres exiguas caveas, dissecando, inveni. Porro nullum sive in glandula, sive in iis osculis agnoscere indicium porui, quod prægressam inflammationem, erosionemve significaret. Denique anno 1706. vii. Kal. Novembres in eadem Urbe in anili quodam cadavere eandem prorsus quam in cane, observationem habui, nisi quod loco unius glandulæ tres erant, singulæ singulis excretoriis osculis in arteria aspera hiantes.

ANIMADVERSIO XL.

JAm verò ad Animadversionem redeamus, in qua de eo etiam dubitari, video, an picta à me *granula* sint *glandulosa*. Quod ut faciliè ferendum, sic minimè confutandum in eo est, quem ex iis quæ dicta sunt, constat, nunquam ea satis videre portuicæ, præsertim cum quotquot viderunt, omnes glandulosa esse cognoverint, & in his laudati aliàs Bidlous, Ruyfchius, atque Fantonus, quibus accensendus est Cl. Heisterus, *multas glandulas* (in Figura hac nostra delineatas) agnoscens; sed nullo pacto omittendus est is qui in ista, ut diximus, Animadversione, ut *fidelissimus*, ac *solertissimus* commendatur, Verheyenius; hic enim, ubi ipsas delineat, „ *Glandulas* parti membra-
 „ *nacæ*, trunci (*Asperæ Arteriæ*) inhærentes „ pariter vocat. Cæ-
 „ terùm Cl. Animadversionis Auctor, qui de ea re dubitat, de qua
 „ nemo, quænam contra, *ultra dubium esse*, & *intissima*, pronunciet,
 „ mox videbimus. Nam perinde ac si quæ anatomicis observationi-
 „ bus sunt comprobata, ea rationibus, & istiusmodi quidem rationi-
 „ bus, convelli possent; „ quid, inquit, inest dubii quod vastissimæ
 „ illæ bronchiales Liveſcentes glandulæ singulis bronchiorum dira-
 „ mationibus exterius affidentes, suæcum sequestrent à sanguine inti-
 „ mæ bronchiorum cavitati obliniendæ designatum? Quodque ideo
 „ liquida sua per peculiare ductus usque ad dictam cavitatem deri-
 „ vent? „ Ego quidem supra ostendi, non improbabile eorum sen-
 „ tentiam esse, qui per glandulas bronchiales lympham secerni, conji-
 „ cientes, istud alterum earum officium cum Malpighio adhuc non
 „ agnoscerent. Heisterus, credo ne in re incerta quidquam statueret,
 „ ipsarum ulum prætermittit. Fantonus istud quod negari posse, di-
 „ ximus, earum munus *verisimile* tantùm esse, dicit. Verheyenius ipse,
 „ etsi de eo, scribit, se vix dubitare; tamen „ qualis sit liquor ille,
 „ quem separant, quorsumque tendat, non ita clarum esse, „ non
 „ dissimulat. Unus est, quod sciam, Animadversionis Auctor, qui hoc
 „ *ultra*

Comp.
Anatom.
n. 104.

260.

Anim. 34.

loc. cit.
Anatom.
Diff. 13.

258.

ultra dubium esse, & intissimum, alseveret. Nec minori securitate,
 „ Quis, inquit, dubitat, ad summitatem, progressum, & totum
 „ integrè tractum trachealis trunci, cujus certè subsidio pares esse
 „ non possent inferiores hujusmodi bronchiales glandulæ, appositam
 „ fuisse ingentem, supra quamcunque cum hisce suppositis glandulis
 „ paritatem, tyroideam glandulam; ex qua inde latices unctuiosi &
 „ continui per ductus peculiare in eandem tracheam confluant? „
 Imò enimvero quis dubitat, Thyroidæam Glandulam appositam non
 fuisse „ ad progressum, & totum integrè tractum trachealis trunci; „
 cum videlicet ex inspectione constet, ad ejus tantummodo *summita-*
tem fuisse appositam? Quod autem ad illius usum attinet; ut mitta-
 mus, nos illud in medio reliquisse, an peculiari ductu instruat, & Advers. I.
n. 26.
 quando hoc etiam instrueretur, an ipsum in pharyngem, atque œso-
 phagum, an verò in summam arteriam asperam immittat; neque
 enim hanc tantum, sed & illa attingere, & sub musculis esse posi-
 tam, qui non modò in vociferando, sed & in edendo ipsam compri-
 mant, animadvertimus; certè Cl. Vercellono placet, ejus canales ad 183.
 œsophagum pertinere; Viri autem Doctissimi Fantonus, & Heiste-
 rus ita suam sententiam proponunt, ut is alterum illum usum non locis cit.
 indubium, sed *verissimilem* dumtaxat esse, dicat, hic verò glandulæ
 ejusdem usum *incertum*, aut *adhuc dubium* esse, testetur; atque;
 adeò Verheyenius ipse, qui in prima Anatomiz suæ editione,
 ex eadem „ humorem quendam viscosum *in fistulam pulmonalem* pro tr. 3. c. 8.
 „ ejus humectatione jugiter depluere, „ quasi id constaret, affirma-
 verat; postquam nostram perlegit censuram, cautius eum locum ita
 rescripsit: „ hæc glandula proculdubio etiam inservit ad humectan- l. 1. tr. 3.
 „ das vicinas partes: „ quibus tamen ambiguis verbis uti, imò se c. 11.
 usum hic esse, in uno ex proximis Capitibus oblitus est. c. 13.

ANIMADVERSIO XLI.

SEd nihilominus concedamus id quod nondum est concedendum,
 Glandularum Thyroidæ, & Bronchialium illum usum esse cer-
 tissimum, & in fistulam pulmonis suos quasque ductus promittere.
 Quid tum postea? „ Fuit, inquit, Linceus hucusque aliquis, qui
 „ Thyroidæ ductus detexerit? „ De Bronchialium autem ductibus
 „ nemo, inquit, adhuc, nec ipse fidelissimus, ac solertissimus Ve-
 „ reyhenius primus harumce Promulgator, & Indagator, vias hu-
 „ jusmodi earum excretorias detegere, & demonstrare valuit; nec
 „ nos in hac re, quâcunque etiam minori inquisitione, meliorem
 „ fortiebamur fortunam. „ Hic verò plura sunt, quæ fateri cogor,
 H mihi

Hist. He-
pat. Præf.

258

Ibidem.

Anatom.
Diff. 13.
Comp.
Anatom.
Præf.

244

mihî nova prorsus accidere. Quomodo enim in hac re meliorem ipse non est sortitus fortunam, qui ante non multos annos pollicitus est, *Cursum Anatomico - Pathologicum* suum præter alia „imperipecta hu-
„cusque varia, - Ministeria glandulæ Thyroideæ, & aliarum bron-
„chialium, earumque vasa excretoria „speciatim, esse daturum? Vel quomodo Verheyenium *primum Promulgatorem, & Indagatorem* pronunciat glandularum bronchialium, de quibus Verheyenius ipse pro certo negare noluit, *aliquem quidquam edidisse*; tu autem, Vir Eruditissime, ita scripsisti: „nobis exhibere Præcl. Verheyen Glan-
„dulas Bronchiales, à se „ut opinatur, primum detectas; „quas Viri Cl. Fantonus, & Heisterus, ille quidem à Severino, & Drelin-
„curtio, hic verò ab Hornio, Borrichio, & Bartholino demonstratas, descriptasque esse, docuerunt; & quas nos denique Malpighio non prorsus fuisse ignotas, cum ex Epistola de Structura Glandularum, supra indicavimus, tum ex prima de Pulmonibus Epistola hic confir-
„mare possemus, ubi „denigrationem, ait, deprehendi in glandulis
„lateribus asperæ arteriæ continuatis. „Novissimè quomodo idem Verheyenius, Anatomicus alioqui, ut sæpe libenter sum passus, dili-
gens, atque industrius, in iis ipsis Animadversionibus in quibus ob perpaucas quædam, idque immeritò, ea ex nostris Tabula reprehenditur, à cujus accurata delineatione respondentes ejus Figuras, descriptionesque tot in locis distare, supra ostensum est, quomodo, in-
quam, in istis ipsis Animadversionibus *fidelissimus, ac solertissimus* appellatur? Attamen his missis, illud unicè attendamus, quò tandem ista omnia spectent, quæ hæcenus præmissa sunt: pictas à nobis glandulas vix esse *visibiles*, & fortasse non esse corpora *glandulosa*: esse *ultra dubium, & tutissimum*, Bronchiales Glandulas, & Thyroidæam tuos in arteriam asperam canales immittere; hos tamen nondum esse detectos; videamus, inquam, atque attendamus, quò hæc tandem omnia spectent; & quamvis pleraque eorum à vero alienissima esse, ostenderimus; hic tamen omnia pariter certissima esse, fingamus.
„Glandulis, inquit, Glandulis ideo tam magnis, usû secretoriò, &
„distributivò tam certè, tam amplè productis, Natura lusû quoddam
„inauditò emissaria sua celaverit; hisque interea in quæstione de
„Glandulis, & earundem usû, substantiâ, præsentia tam incertis,
„patentia tamen excretoria concesserit, dum per legem & ratio-
„nem quamcunque naturalem, illa istis tot vicibus majora, sicque
„& tot vicibus patentiora esse debebant. „Quàm vera est, Man-
gete Ornatissime, illa Theognidis sententia: *Opinio quidem homini-
bus malum magnum est; experientia autem optimum*. Iste enim, dum rationibus nimis indulget, ea profert, quæ quilibet ab anatomica ex-
perien-

perientia non destitutus, à vero profus aberrare, cognoscit. Quid enim? Mucosæ Cowperi glandulæ, imò glandulæ palatinæ, aut intestinorum lenticulares, aut etiam faciei, aliarumque Partium sebaceæ glandulæ num fortè superioribus Bronchialibus, aut Thyroidæ sunt majores? Aut cum usque aded minores sint; num fortè illarum ductus, & excretoria oscula nostros adhuc effugiunt oculos? Jure igitur, omnia hæcenus dicta in quàm paucissima contrahentes; quibus ille verbis suam istam Animadversionem conclusit, prope iisdem admonere ipsum possumus: „ quid ratiociniis improbare niteris, „ quod inspectione & autopsiâ evidentissimum venit? „

ANIMADVERSIO XLII.

Nunc ad quinque illas Animadversiones transeamus, quas nostris totidem Figuris proximis apponis. Prima in Figurâ 17. „ elegantiam, & uniformitatem cum Archetypo. etiam atque etiam „ veneratur, & commendat. „ Addit tamen: *In duobus solum oculis haudquaquam oblectatur*. Hæc igitur quænam sint, videamus. Primùm haudquaquam oblectari dicitur „ in foraminibus illis per tunicam cartilagineas tum laryngis tum tracheæ internè obvelantem „ copiosè disseminatis; quæ, ut alibi advertimus, reverà non occurrunt. „ Quid, si ita crebra pinxisset, ut in Figura sua K K Verheyenius, quem tamen „ fidelissimum, ac solertissimum „ nuper Animadversionis Auctor vocabat? Equidem fateor, de novem Larynibus in quibus ea potissimum perquisivi, in tribus non apparuisse; in sex tamen reliquis occurrerunt. Deinde in ea distractione, quam ad eum rerum aspectum delineandum larynx patiatur necesse est, ut glandulæ comprimuntur, sic guttulæ ex ipsis prodire solent, & foramina, etiam à primo non apparentia, indicare. Itaque si id quod sæpius occurrit, siue partium in mea Figura pictarum distractionem attendisset, iis foraminibus esset oblectatus. Quòd autem secundo loco oblectari se, negat „ in cellulis illis ad cricoidis sectiones B B. „ exhibitis, propterea quia veniunt hæc quidem ad conspectum in „ subjectis omnibus, sed decies ad minus pauciores sunt, quàm hic „ exponantur; „ si meam illarum litterarum explicationem attentius legisset, me istas cellulas ostendere, *sicut in eo homine occurrerunt*, intellexisset. Nec sanè ita ostendere potui, ut in omnibus occurrunt, propter insignem hac in re vel ob varium tantùm annorum numerum varietatem; nam ut in senibus totam solent, quemadmodum pinxi, partem illam cartilaginis annularis tenere; ita in minis, minisque inclinata ætate magis, magisque paucæ sunt, atque aded in

262.

De excretoriis Foraminibus interioris Laryngis.

De Cellulis Annularis Cartilaginis.

junioribus, & præsertim in puellis ferè nullas memini, imò nullas vidisse; ut prorsus à vero alienum sit quod ipse dicit, *in subiectis omnibus* in conspectum venire. Quod quidem nisi mihi credat, Verheyenio suo credere poterit, qui certè aut „ fidelissimus, ac solertissimus „ non fuisset, aut si in eo subiecto invenisset, quo ad memoratam Figuram K K absolvendam usus est, in Cricoidis illius sectionibus delineasset. Nunc quando vidimus, quænam in nostro archetypo duo illa sint, quibus Cl. Auctoris oculus haudquaquam oblectatur; tu vicissim in isto Iconismo quem tuus Scalptor ex eo descripsit, duo inspicere, Vir Doctissime, quibus, & potiori quidem jure, mei sanè oculi non oblectantur. Nam primam arteriæ asperæ cartilagine, quam ad litteras LL „ ea figura, & magnitudine, quæ mihi sæpius inventa est, delineavi, „ istic neque ita in medio amplam, neque ab altero saltem latere à proxima sejunctam esse, video. Longius autem Arytænoidææ Glandulæ Crus E. in dextro Figuræ latere, imaque ejus parte abnormi extenuatione deformatum aspicio. Quod & in subiecta Figura conspicitur 18. cui sua pariter apposita est Animadversio.

ANIMADVERSIO XLIII.

DE qua antequam dico; quod multis aliis in locis memorare potuissem, hic certè est nullo modo prætermittendum. De iis Partibus nostri corporis, quas in I. Adversariis, aut novis, aut accuratioribus tum descriptionibus, tum Figuris illustravi, quæ, & quot passim sive omitterentur, sive perperam traderentur, intelligere quisque poterit, qui Anatomicorum libros eo tempore omnium manibus tritissimos cum iis Adversariis contendet. Id in Larynge potissimum observetur, velim, ut in qua non ii modò, qui universi corporis anatomen tradebant, verùm ii pariter, qui de voce, ejusque organis singulari studio scribebant, haud obscurè ostenderent, se haud satis scire, quid Glottis ipsa esset, cujus potissimum causa ut vox efficitur; ita larynx tota constructa est, & præterea tum rem sine qua dilatationis, & constrictionis glottidis verus ignoratur modus, Articulationem videlicet Arytænoidum cum Annulari Cartilagine se ignorare, tum insignes & maximè attendendas ad ipsius glottidis latera Caveas duas tanto artificio constitutas, ut ea dilatata dilatentur, constricta constringantur, nescire. Cùm igitur ego hæc omnia, quod & in aliis Partibus feci, meis additamentis aucta, atque illustrata non sine multo labore non modò in lucem revocassem, sed tam in aperto, quàm nunquam antea fuerant, posuissem; multi quidem intelligentes,

tes, & æqui Viri plus etiam, quàm mihi sumo, meæ diligentiae grato, & liberali animo tribuerunt; alii autem ita mecum egerunt, ut me ferè interdum exantlati laboris pœnituerit. Nam

„ Ut ad pauca redeam, & mittam illius ineptias „
 qui dum in quodam Adversariorum nostrorum Excerpto, non quid verè in ipsis tradatur, sed quàm parum ipse judicare possit in anatomicis rebus, ostendit, ad eos ipsos qui ista omnia quæ nos restitutumus, ignorabant, Lectores remisit; quid tandem de Verheyenio, quid de Cl. Animadversionis Auctore, quid de te ipso, Vir Ornatissime, dicemus? Tu enim nostras omnes quæ ad Laryngem, atque Asperam Arteriam spectant, descriptiones prorsus omittis vel ad nostras quas profers, Figuras intelligendas, vel ad Organa, à Galeo ipso, & multis aliis Summis inter Veteres Prosectoribus non omitta, cognoscenda, vel denique ad unam ex nobilioribus Anatomiae Partibus absolvendam eò magis necessarias, quòd in toto tuo isto Theatro earum rerum, imprimique Glottidis, Articulorum Arytænoidum, & Ventriculorum Laryngis aliam nullam descriptionem invenio. Verheyenius autem ut in iis Articulis se gesserit, supra dictum est. In glottide verò describenda cum in prima Anatomiae suæ editione nihil aliud dixisset, nisi quòd illa ab Arytænoidibus *junctis* tr. 3. c. 8.
constituitur, mox lectis Adversariis nostris, descriptionem quidem suam perficere conatus est, sed rem ita obscurè, & perperam gessit, l. 1. tr. 3. c. 11.
 ut cum illa quæ ex me innominato sumpsit, vix ipse intelligam; contra intelligere omnes possint, nonnulla quæ de suo addidit, & nominatim ligamentum illud laterale in Figura K K, à quo ait, *continuum solidumque effici rima limbum b b*, & quod unum, isto in loco, à me *primum descriptum vidisse se*, dicit, intelligere, inquam, omnes possint, illud ligamentum neque ad *rimam*, hoc est glottidem, neque ad meas descriptiones pertinere; & propterea non in me, sed in ipsum recidere, quod de eo addit, judicium. Denique mecum egit ad eundem prorsus modum in Ventriculis Laryngis. De quibus cum in eadem illa prima editione Anatomiae ne unum loc. cit. De Ventriculis Laryngis.
 quidem verbum fecisset, postquam eos demum ex Adversariis nostris cognovit, in observatione quidem, quæ præcipua in re anatomica pars est, per quem profecisset, reticuit; ubi verò ad nomen venit, tum scripsit: „ Galenus *has cavitates*, inquit D. Morgagnus, *princeps invenit*, & *Ventriculos appellavit*: at quia orificium habent „ reliquis partibus latius, *Sinus* eos rectius vocari judico. „ Scilicet ego, qui istas caveas ut in lucem revocaveram, ita eo quod mihi magis placuisset, nomine, potiori jure nuncupare potuissem, æquum tamen magis, piumque censuerim impositum à primo In-

ven-

Comp.
Anatom.
Præf.

ventore vocabulum retinere; Verheyenius autem, qui hæc omnia non obfcurè à me didicit, de eodem mutando agitet, ac tantum, si Diis placet, sibi sumat, ut se aliquid *rectius*, quàm eloquentissimus Galenus, vocare posse, existimet. Non ita Stephanus, non Fabricius, non Caserius Anatomici Doctissimi, quorum exemplo minùs miror ipsum non esse permotum, quòd „ cum haud magna librorum „ suppellectile fuisse instructum, „ Cl. Heisterus confirmat. Atenim *orificium habent reliquis partibus latius*, ut satis rectè Ventriculi appellari non possint; quasi verò Græcis Medicis Anatomix Parentibus in consuetudine non fuisset ventris vocabulo quamcunque corporis cavitatem significare, aut Cerebri Caveas Verheyenius ipse cum cæteris Anatomicis Ventriculos non vocaret. Quo in loco quæro abs te, Vir Cl. si Verheyenio pariter in mentem venisset, istas ipsas Cerebri Caveas ejus Ventriculi in quem cibi, potusque descendunt, nullo modo similes esse, atque idèd non Ventriculos, sed Sinus rectius esse appellandos; quæro, inquam, num propter rationem, ac dubitationem istiusmodi, posthabita Galeni ipsius, & eorum qui ipsum secuti sunt, Hominum Eruditissimorum consuetudine, easdem Cerebri Caveas tibi esse censes quidvis aliud potius, quàm Ventriculos nuncupandas? Et tamen non absimili Verheyenii rationi tantum videris tribuisse, ut quos Galenus idem, aliique Summi Anatomici Ventriculos nominarunt, tu & in Indice, & in huic Tabulæ præfixo argumento Laryngis *Sacculos* appelles, quinimò (quod gravius est, & cujus rei causa ego ipse, qui de nominibus invitus alioqui disputo, in hunc sermonem ingressus sum) eam me retinere consuetudinem, non patiaris, sed quasi barbaro, aut nunquam apud Anatomicos audito nomine usum, alio continuò addito corrigendum existimes. Cùm enim in Figuræ 17. Explicatione per litteras *h h* indicari scripsissem *Ventriculorum laryngis orificia*; tu me ad easdem litteras sic inducis scribentem: *Ventriculorum, sive Cavitatum Laryngis orificia*; & ne quispiam id sortuitò factum credat; etiam in Figurâ 16. explicanda cùm ad litt. *g* hæc verba addidissem: „ sunt enim *Ventriculorum Appendices* aliàs majores, aliàs minores; ut hinc quoque fieri videatur, ut naturâ alii graviore, alii acutiore voce sint, juxta „ ea quæ n. 16. sunt proposita; „ tu sic edidisti: „ sunt enim *Ventriculorum, seu Cavitatum Laryngis appendices*, aliàs majores, aliàs minores; ut hinc quoque fieri videatur quòd naturâ, alii graviore, alii acutiore voce sint: Si modò hæc cavitates, huic usui in „ serviant. „

ANIMADVERSI O XLIV.

A Ccedit, te ista postrema verba meis adjunxisse, atque adeo admiscuisse, facile ut vel Verheyenio, vel Animadversionum Auctori, vel utrique faveres. Nam Verheyenius post injectam illam de Ventriculorum nomine dubitationem, alteram de usu quoque eorum voluit injicere. Destinatos esse, inquit, „ ut vocem reddant „ magis sonoram, judicasse, nisi eos in equis mihi monstrassent „ Authores, in bobus abesse ostendisset autopsia; ubi tamen hi edunt „ voces magis sonoras quam isti. „ Miror tamen, quod ejusmodi dubitationem ita proposuerit. Ego enim ipse, postquam de Ventriculorum usu meam suspicionem, hujusque rationes, quas nemo adhuc convulsit, indicaveram, hæc continuo subjeci: „ Cæterum sive „ hanc, seu conjecturam aliam aliquam circa usum ventriculorum „ rectè, ut soletis, & diligenter judicare velitis, ante illud facile „ requireris: quibus porro in brutis, & qua ratione, quemque ad „ modum conformati hi ventriculi reperiantur. „ Ac protinus cum quomodo in canibus essent facti, & à quonam in equo, itemque in sue essent descripti, ostendissem, hæc addidi: „ In ovibus verò, atque „ que in bobus neque ulla pars glottidis duplex est, neque ulli uspiam ventriculi, aut aliqua saltem ventriculorum similitudo reperitur. „ Quæ omnia cum apud me Verheyenius legisset, facile profectò intelligere poterat, si multum ista dubitatio valeret, mihi ignotam esse non posse; sin verò ob alia fortasse, quibus suppleri in bobus, atque adeo longè superari ventriculorum usus queat, ut insignem ex. gr. arteriæ asperæ, laryngis, ac glottidis latitudinem, parum ea valeret dubitatio, ob id ipsum fuisse omittendam. Porro Auctorem quoque Animadversionum decuisset aliquantò diligentius attendere, quæ mihi de usu ventriculorum sententia fuisset, priusquam ad ipsam impugnandam descenderet. Huc enim tota pertinet Animadversio quam in Figuram 18. conscripsit. Nam quod principio quidem ait, „ duplicaturam illam membranosam unde ini- „ tia appendicum ventriculorum designantur, nimis supra verum excedere; „ id nempe istiusmodi est, ut satis superque sit respondere, neque ullam me *duplicaturam membranosam* hic memorasse, & quidquid id est, quod ille sic vocat, si fortè „ supra verum excederet, „ non mihi, sed ei distractioni quam partes in ejusmodi Figura delineatæ necessariò patiuntur, esse imputandum. Igitur reliqua attendamus: „ Cæterum ipse, inquit, non confluo in opinionem meriti- „ tissimi Authoris circa usum ventriculorum hujusmodi: siquidem „ dum

De Usa
Ventriculo-
rum La-
ryngis.

loc. cit.

Adv. 1.
n. 16.

„dum eisdem Locatos animadverto extra iter aëris ad vocem modulandam per expirationem conducti, seu omnimodè exterius ad glottidis latera apertos; cum eodem non concorro in consequens; inservire hosce ventriculos ad varios vocum tonos edendos. „At tu, Cl. Vir, vide, quæ ipsum decuisset animadvertere. Primum illud disertè à me fuisse præmonitum: *nihil me de ventriculorum usibus, ut de re perdifficili, mecum adhuc constituisse*. Tum verò hæc omnino verba addidisse: *Illud tamen aliquando in mentem venit: Faciantne aliquid ventriculi ad tonorum vocis diversitatem*. Denique dum istam meam, ut bis vocavi, *suspicionem* exponerem, & duas cavitates commemorarem Ventriculis proportionè respondentes in iis ranis quæ graviore vocem edunt, hac ratione esse locutum: *sic ut opportuno ejusmodi cavitatum additamento ea vocum gravitas, vel potius, ut ingeniosissimus Dodartius loquitur, earum saltem gravis resonitus debeat*. Hæc omnia si aut ille attendisset, aut tu unà cum Animadversione Lectorum oculis subjecisses; quid proclivius fuisset, quàm intelligere, siquis Censor adversus me insurgere, & summo jure agere velit, à me demum sic posse responderi: neque ullam me *opinionem* constituisse, neque in ea suspitione, quam quasi exercitationis causa, more institutoque meo, Sodalium Doctissimorum judicio subjeci, posuisse: *inservire hosce ventriculos ad varios vocum tonos edendos; sed illud tantum quæsisisse: facerentne aliquid ad tonorum vocis diversitatem*; atque hoc ipsum ea potius ratione quam Dodartius præmonstraverat, ut iisdem non ipse gravis vocis tonus, sed ejus *saltem gravis resonitus deberetur*. Cujus quidem quæstionis nondum video, cur me debeat poenitere. Nam ut dispicere omitam, num revera sint *omnimodè* extra iter aeris ex cavitates quæ in ipsis glottidis lateribus aperiuntur, atque adeò an ad ipsos vocum tonos conformandos unà cum glottide convenient; illud saltem planum est, si ad gravium vocum resonitum buccarum dilatationem inservire, cum Dodartio censendum est, multò magis eidem rei videri posse utilem duarum dilatationem cavitatum quæ ad glottidis ipsius latera sunt constitutæ, & sic constitutæ, ut dum graves voces eduntur, necessariò dilatentur. Atque ita quidem suspicionis meæ ratio se habet. Nunc an meliora aut iste, aut Verheyenius attulerit, videamus.

ANIMADVERSI O XLV.

ET Verheyenius quidem, Hi Sinus, inquit, „forè serviunt ut eo-
 „dem halitu soni edantur longiori tractu, aère ex dictis fini-^{loc. cit.}
 „bus alterius defectui subveniente. „ At tu vide, obsecro, ut hic
 vicissim oblitus sit dispicere, num soni à bobus, cæterisque brutis
 quæ ventriculis destituuntur, longiori tractu non edantur. Vide in-
 super, ut minimè animadverterit, aerem, dum voces eduntur, ex
 iis ventriculis opportunè extrudi non posse; nam aut illæ graves sunt,
 & eo tempore, quemadmodum in I. Adversariis ostendi, qui muscu-
 li comprimere ventriculos possent, ii remittuntur; aut sunt acutæ,
 & tunc iisdem musculis statim contractis, nihil, aut certè parum aeris
 continere ventriculi possunt, qui mox *alterius defectui subvenias*.
 Porro Auctor Animadversionis, se „ potiùs existimare, inquit, quòd
 „Ventriculi tanquam scaturigines, & meliùs promptuaria mucì ne-
 „cessarii trachealis, cumulent eundem in se se, & reservent ad tem-
 „pus; effundant consequenter per tractum Laryngis, & tracheæ in
 „actibus Locutionis quò casu à circumjacentibus Musculis, actis in
 „motus varios contractiles, pressi, & contracti, hi ventriculi, li-
 „quidò elutriatò suò debent necessariò exonerari; „ quasi verò nul-
 lis præter hominem animantibus hi essent ventriculi tributi; quid
 enim cani, equo, sui cum *actibus Locutionis*? His tamen brutis ma-
 jores certè quàm homini, laryngis ventriculi obtigere. Atque ut in-
 telligere planè possis, an illud Verheyenii argumentum potiori nos
 jure, præsertim adversus, non *suspiciantem*, aut quærentem, sed *exi-*
stimantem, urgeamus; age, ut libet, pro *actibus locutionis* quæ cer-
 tè, si propriè loquendum est, brutis haud convenit; actus vocifera-
 tionis repone; nonne illud semper relinquitur, verisimile non videri,
 bruta, & quædam potissimùm, quæ multò rariùs, quàm nos, vo-
 cem edunt, majora multò, & profundiora, quàm nos, *promptuaria*
mucì necessarij trachealis obtinuisse; inter ipsa autem bruta nulla bo-
 bus fuisse concessa, quibus tamen amplissimi *laryngis, & trachea*
 parietes in sua illa gravissima vociferatione erant humectandi; imò
 nulla quoque avibus, iisque inprimis, quæ longo, & assiduo cantu
 eadem organa maximopere fatigant. Huc adde observatas à nobis
 Ventriculorum Appendices, quæ certè, non summæ, sed imæ eo-
 rundem parti appositæ essent, si id eorum esset officium, *ut cumu-*
larent mucum in se se, & reservarent ad tempus. Atenim „ in
 „hunc, inquit, sensum ducor, eò quòd perspiciam parietes horum
 „ventriculorum investitos iri carne quâdam glandulosâ à musculari

„fat diversâ, & quoad colorem, consistentiam, & structuram substantiæ glandularum arytænoidearum analogâ. „Ego verò quibus substantiis investiti sint ventriculorum parietes, me satis credo & vidisse, & in illorum descriptione indicavisse. Quæ quidem ita se habent, ut non appareat, quâ plus humoris in ventriculorum, quàm in laryngis parietibus secerni debeat: at si plus etiam secerneretur, per illorum tamen jugiter patentia orificia sensim in laryngem redundaret; neque enim quod in veris humorum promptuariis soleme est artificium, ut horum videlicet orificia angusta sint, & coarctata, id in ventriculis non modò servatum esse, video; imò è contrario video, ipsorum orificia tum amplissima esse, tum valde, & continenter patentia; neque ferret facile natura laryngis cumulari mucii affatim factam effusionem, quando constat, unam vel alteram fortè irrupentem aquæ, aut lenissimi cuiusque humoris guttam non ferre; quamobrem cenſeo, institutum esse, ut is ipse succus quo assidue, & præsertim dum voces edimus, larynx oblnitur, ex epiglottidis glandula, nostrisque arytænoideis, & annexis aliis laryngis tunicæ glandulis (tot enim certas illius scaturigines habemus, ut excogitatis istis promptuariis non egeamus) ex iis igitur omnibus glandulis expressus, non per canales paucos, sed per innumera, ac propterea minima, & tenuissimas guttulas sensim emittentia, foramina intra laryngem inferatur. Eandemque ob causam fieri, suspicor, ut si humor à Thyroidæa glandula secretus ad laryngem spectet, per tot fortasse influat, atque ideò ita exiles canaliculos, ut mirari non oporteat, quòd tot diligentium Professorum oculos adhuc effugiant.

De Glandula Thyroidæa
Duffins.

ANIMADVERSIO XLVI.

HAstenus tum sententiam nostram exponendo, tum proposita ab aliis vel adversus hanc argumenta, vel diversa Munera Ventriculorum refutando, indicatum à nobis ipsorum Usum defendimus. Quòd si nihil horum facere placuisset, satis superque erat istorum dissensui opponere assensum, auctoritatemque Viri Summi Jo. M. Lancisii, qui in Notis ad Eustachii Tabulam XLII; tibi autem XVIII. „quod spectat ad usum ventriculorum laryngis nostræ sanè opinio- „ni suam quoque libenter adscribere se, „fatetur, causis cur id faciat, copiosè, ingeniosèque productis. Ejusdem quoque laudatissimi Viri perbenignas laudes satis esset objicere proximæ Animadversioni in Figuram 19. Nam, ne una quidem vel minima ex nostris Figura esset, quam Censor Cl. non argueret; „Volo (hic inquit) „quod Figura 19. peculiarem explicet magnitudinem & figuram ven-

„tri-

tricoli finiftri Laryngis in quòdam folùm cadavere occurrentes; interim deviam nimis ideam relinquit ventriculorum hujusmodi, tanquam fcilicet à causâ nimis violentâ aded elongatorum, ut in hóc casû multum ultra naturalem adepti longitudinem fuerint, multumque amiferint latitudinis suæ confuetæ. „ Graviffimus autem Vir Lancifius, *Horum quoque, inquit, orificiorum figuram elegantem planè* Ibidem. *fuis in Adversariis edidit clariffimus Morgagnus Tabula II. Figura 2. & 3. (hæ tibi funt Figuræ duæ superiores 17. & 18.) in 4. vero (hæc ifta ipfa eft 19.) finiftrum ventriculum à complectentibus illum particulis diligenter vindicatum exhibet. Noverat quippe Vir Expectantiffimus, & in ventriculorum fectione, unâ cum Cl. Pacchiono, sæpe verfatus, quæ nos in Figuræ 16. Explicatione attigeramus, efse veriffima: „ efse videlicet Ventriculorum Appendices aliàs majores, „ aliàs minores; ut hinc quoque fieri videatur, ut naturâ alii gra- De Ventri- culorum Laryngis, eorumque Appendicû varietatibus. 39. „ viore, alii acutiore voce fint; „ atque aded illa fubjecit: „ Porro „ ex horum ventriculorum, atque orificiorum majori, vel minori „ amplitudine magnam partem oriri fufpicamur naturalem diverfitatem tonorum vocis in hominibus. Etenim qui prominentiori majorique thyroide funt præditi, quoniam amplioribus ventriculis donantur, plûs minûs gravi, immò etiam graviffimâ voce loquuntur. „ Qui è contrario thyroidem nihil omnino prominulam habent, ut „ foeminæ, & fpadones, acutiffimam vocem emittunt; nimirum quia „ in iis contenta cavitas minima eft. „ Et fanè orificiorum majorem diametrum in aliis pollicis, in aliis digiti indicis apicem æquafse, meminimus; Appendicum autem longitudinem, latitudinemque non modò in aliis aliam, fed interdum in ejufdem laryngis dextro, finiftroque latere non eandem invenimus. Has igitur tot varietates, propter quas in Figuræ Explicatione illud interjicere debuimus: *sicut in cadavere ifto occurrit: cùm Vir Sapientiffimus non ignoraret, tantû n abfuit, ut illam recedere cenfuerit ab naturali longitudine, aut ab latitudine fua confuetâ, & fic deviam nimis ideam relinquare; diligentiam in eadem noftram laudavit. Quam utinam ego pariter in tuo, Vir Cl. Scalptore laudare poffem: at is, quafi Animadverfionis Auctori (quod sæpius videtur facere) fufserviret, Appendicis latitudinem multò quàm ego, minorem exhibuit. Cæterùm alia ad Figuræ hujus noftræ delineationem pertinentia, aliàs fortafse, cûn opportunius videbitur, proferemus.**

ANIMADVERSIO XLVII.

De Epi-
glottidis
structura,
in Glan-
dula.

263

Nunc enim præstat ad 20. Figuræ defensionem transire. In ea primum „hiatus illos præcipuè majores, in epiglottide per „medium, secundum longitudinem dissecit; „quos ego certè vidi, meusque Pictor ope circini fideliter descripsit; illos, inquam, quasi in rerum natura extitissent nunquam, tam securè, tam apertè, atque adeò *omnimodè repudiari*, plurimum miror. Neque enim satis est scribere: „En breviter quæ sit epiglottidis structura à nobis mi- „nutissimè examinata; „imò ut hoc ipsum scribi jure adversus me possit, necesse est tot Epiglottides, quot ego, *minutissimè examinasse*. Tot qui secuerit; imò etiam qui multo pauciores secuerit, eum non posse scribere, certum est: „hanc cartilaginem ejusdem esse „ubique crassitie. „Quid enim? An non ex. gr. in summo fieri tenuior solet? An non eas ob foveas quas nos primi pinximus, atque descripsimus, multis in locis extenuatur? Hoc sanè ita conspicuum est, ut qui tradit: „hanc cartilaginem ejusdem esse ubique „crassitie; „mox idem „ad sulcorum regionem gracilescere cartilaginem, „fateatur. Sed ut ad hiatus illos redeam; neque ita multas Epiglottides opus est secuisse, ut apertissimè cognoscatur, num foramina quibus ea cartilago pervia est, ita sint exigua, ut „vix „parvæ acus apicem admittant; cunctaque eandem circiter diametrum servant. „Sanè ego nullam memini humanam epiglottidem aliquantò diligentius incidisse, in qua plura foramina multò istis, quæ ipse definit, majora non invenerim, & iis qui aderant, Auditoribus, Amicisque satis superque non ostenderim. Ex quibus eum potissimum nominare interest, quem sapius magno suo merito laudo, Joannem Polenum Philosophiæ Professore Experientissimum. Huic enim in Nosocomio Patavino non modò epiglottidis hiatus ostendi, quales in superiore Figuræ meæ parte meus quidem luculenter (nam tuus non satis) Scalptor exhibuit, non modò alios istis ipsis ita majores, ut per eos mediocris acus (non dico *apex*) capitulum ipsum transmitti posset; nam tales quoque hiatus cum nuper Viri Præstantissimi, atque ut præclaris Scriptis de omnibus, ita singulari benevolentia de me egregiè meriti Joannis Gratiani Primarii Philosophiæ Professoris, tum pluries meorum ferè omnium Auditorum oculis subjeci; sed unum præterea monstravi illo ipso maximo qui in mea Figura conspicitur, vix minorem, qualem etiam aliis nonnullis ex meis Auditoribus ostendi, hos autem, ut semper cæteros omnes, eadem glandulosâ substantiâ quâ epiglottidis utraque facies obducitur,

tur, plenos penitus, atque refertos: quod ut ego primus observavi, sic non plures, sed unam eandemque evidenter esse hujus cartilagini Glandulam, constitui, quæ videlicet ab una ipsius facie ad alteram operiendam per eos hiatus continuetur. Et huic quidem structuræ modo, cartilaginéæ videlicet substantiæ hic illic tum per insculptas foveas extenuatæ, tum per interjectam glandulam interruptæ, id deberi, minimè dubito quod ad epiglottidis officium requiritur, ut hæc multò cæteris laryngis cartilaginibus flexilior sit. Cæterum, ne ab iis quæ toties à nobis & observata, & ostensa esse, diximus, hic longius abeamus; ea igitur cum revera ita esse, & nobis, & tot aliis constet, faciliè intelliges, Vir Ornatissime, quàm parum nobis laborandum existimemus, quòd Cl. Animadversionis Auctor scribat, se de antica, posticaque portione epiglottidis glandulosa non idem quod nos censere; „ sed ut duas distinctas omnimodè „ glandularum aggeries considerare: multò minùs stabilire in hominibus epiglottide animadverti posse amplas illas scissuras, quas (inquit) ut dictæ continuationis, seu identitatis glandulosæ interpretetur exhibet Anatomicus noster præclarissimus. „ Nec sanè etiam pius laboro, quòd „ excedentem nimis esse, dicat, molem delineatam utriusque ad epiglottidis faciem strati glandulosi, respectu ad „ molem naturalem; „ non modò quia animadverti, in ea quoque re Naturam haud rarò varietates admittere sic ut sæpe id stratum glandulosum quo cava epiglottidis facies tegitur, supra hujus medium opposito crassius esse, viderim; verum etiam quia in rebus alioqui parvis primò per Figuras exhibendis & Summorum Anatomicorum exemplum, ut sæpiùs dixi, & discentium utilitas me permoveat, ut iis potissimum subjectis uterer, in quibus omnia pro rata portione essent majora.

ANIMADVERSI O XLVIII.

ITaque de eo potius laboro quòd postquam ego illam mihi cogitationem susceperam, ut perspicuis tum Iconismis, tum descriptionibus discentium commodo intervirem, toties & Sculptor tuus ab nostris archetypis discesserit, & tu verba nostra prætermiseris. In hac enim ipsa Figura ille quidem præter id quod de superioribus epiglottidis meatibus supra admonui, alia etiam perperam descripsit, & præsertim illas quibus cartilago excavatur, foveas, quarum vix unam expressit. Cum autem ego in Explicationis ejus Figuræ argumento me demonstrare epiglottidem, dixerim, „ ea ratione, uti „ omnia quæ n. 3. de cartilagine eadem traduntur, hac inspecta „ se-

- „ sectione conspici queant; „ tu me sic loquentem induxisti: „ eâ
 „ ratione ut omnia quæ de eadem cartilagine tradita sunt, conspici
 „ queant. „ Num etiam singulares illæ minores glandulæ, quibus
 concavam ejus faciem obsideri, Verheyenius tradiderat? Num etiam
 ipsius cartilaginis *eadem ubique crassities*, quæ ab Animadversionum
 Auctore tradita est? Ego quoque explicationem litteræ *b.* sic
 concluderam: *qua præd. n. 3. memorantur*; tu verò his ibi verbis
 omisissis, ea paulò supra interjicis: *præius memoratis*. At quandonam?
 aut ubinam? inquit Lectores. Num fortè Animadversionibus longior
 erat nostra descriptio, ut cum illas edere posses; hanc non posses?
 Sed & in proximæ Figuræ 21. Explicatione (ut alia modò hujusce
 generis loca præteream) ad litteram *d.* ita scribis: „ Ea verò
 „ tenuis lacinia quâ capitulum hoc (Cricoidis) anteriùs ambitur, illa
 „ nempe est quæ ex mucilaginosi constare glandulis reputatur. „
 Quinam, quæso, reputatur? nam ut mucilaginem ego primus in eo
 quoque minimo articulo, sic etiam eam laciniam observavi, hujusque
 naturam istiusmodi esse, censui. Itaque sic ego quidem scripsi: „ Ea
 „ verò tenuis lacinia, quâ capitulum hoc interiùs ambitur, illa
 „ nempe est, quæ mihi ex mucilaginosi constare glandulis reputa-
 161. tur. „ Huc accedit Typographi error ita explicationem litteræ *g.*
 ab explicatione litteræ *b.* sejungentis, ut nemo, mea præsertim omis-
 sa descriptione, & proximis verbis mutatis, intelligere prorsus queat,
 quid illud sit, quod iis cavitatibus Arytænoidis *alstè excipitur*. Ve-
 rum, ut ad Scalptoris negligentiam redeam, certè ego Glandulæ
 Arytænoidæ nec Crus longius *K.* ita crassum, neque Columellam *l.*
 ita latam, aut per alterum Crus brevius *i.* productam delineavi, ut
 ipse in eadem 21. Figura ostendit. Qui cum Scalptoris errores cer-
 163. tissimi sint; tu mihi adversus eandem Figuram *dubietates* affers Au-
 ctoris Animadversionum, & *dubietates* quidem ejusmodi, ut ad unam
 omnes ex eo argumentorum loco, & quasi fonte haustæ sint, quo
 obstructo, perpauca sanè Scriptor ille habuisset, quæ contra omnes
 Figuras nostras congereret. „ Crederem, inquit, reverà, quòd pos-
 „ set aliquis obiter alserere, non minùs sinum arytænoidis, capitu-
 „ lum cricoidis ad articulationem excipientem, quàm & ipsummet
 „ capitulum exceptum, illum scilicet in cavitare, istud in protube-
 „ rantia, ultra naturalem statum aliquantulum efferrì. Item & for-
 „ san imputari posset, tum cavitatibus ad anteriorem Arytænoidis
 „ faciem, pro glandulæ ejusdem nominis positione, locatis; tum
 „ glandulæ ejusdem Arytænoidæ expansioni; tum Columellæ, per
 „ totum ejus cruris longioris tractum conductæ. Hæc cæterùm
 „ omnia licèt ultra veri parvitatem nonnihil deducta, exactissima ra-
 „ men

„men sunt, totâque claritate & nitore insignita. „ Ego verò non solum *crederem*, sed certè scio, illa omnia non futura fuisse *ista* *claritate insignita*; nisi ad ipsa delineanda, ea (quod pluries dixi) subiecta potissimum selegissem, in quibus illæ particulæ majores occurrerent. Interea tamen pro isto consilio, atque industria hæc mihi refertur gratia. Sed hæc leviora sunt præ iis quæ interdum cogor devorare.

ANIMADVERSIO XLIX.

QUis enim credere unquam posset, cùm ego anno 1706. ista edita Figura, & non minùs perspicua descriptione, cartilaginis Cricoidis cum Arytænoide Articulationem, à Galeno olim, aliisque Anatomis celebratam, postremorum verò Scriptorum communi fermè negligentia obsoletam, in antiquum notitiæ, publicique usus locum restituissem, cùmque ipsam Nobiles Anatomi Verheyenius, atque Fantonus, ille anno 1710. hic verò anno 1711. l. i. tr. 3.
c. 11. in suam quique Anatomiam Corporis humani transtulissent, atque adedò alter hæc etiam disertè, humanèque addidisset: *Singula hæc dilucidè exponit in suis Adversariis Eruditus Morgagnius*; cùm, inquam, hæc ita essent; quis unquam posset credere, anno demum 1715. extitisse aliquem apud Litteratissimam Nationem Doctorem Anatomix, qui ita scriberet: Galenus „ in cartilagine cricoide capitula ostendit, „ in aritenoeide autem sinus, & per hæc utramque cartilaginem mobili admodum committi articulatione demonstravit; *De his tamen recentiores anatomici multum silent*; quanquam sine eorum notitia actiones & utilitates earum cartilaginum explicari non possunt. „ Quid, inquiet aliquis, si is Scriptor tua, Verheyenii, Fantoni Scripta non vidit? Quid verò, si mea non vidit modò, sed ita vidit, ut ista ipsa quæ modò protulimus, verba, istud ipsum: *multum silent*: ex meis Adversariis descripserit? Ego enim ita scripseram: *Galenus igitur in cartilagine cricoide capitula ostendit, in arytænoide autem sinus; per hæc verò utramque cartilaginem mobili admodum committi articulatione, demonstravit: tum paucis interjectis: Neque - arytænoideum actiones, & utilitates explicari satis possent, nisi ea capitula, is sinus, ea cartilaginum junctura haberentur: denique post non ita multos versus hæc subjeceram: Sed qui à Caspary Bauhini temporibus in hanc usque diem Anatomi floruerunt, - ita de iis rebus multum silent, ut &c.* Nimirum igitur si istam Articulationem non restituissem, si hæc non scripsissem; ille *recentiores anatomicos*, atque idedò me quoque ipsum, si Diis placet, *de his rebus multum silere*, non scri-

Advers. l. i.
c. 11.

Diff. 13.

scripsisset. Ac fuit quidem cum egomet crederem, in ejusdem Scriptoris manus mea Adversaria non venisse, propterea quia neque in Auctorum Catalogo, quibus se esse usum, confitetur, meum nomen invenirem, neque multa, à Veteribus Anatomicis, ut ego ostenderam, reperia, suis quæque Auctonibus, quemadmodum lex ejus Operis poscebat, tributa viderem, imò aliquod iis adscriptum comperirem, quibus non esse adscribendum, monstraveram, ut cum de Paulo Sarpio, *Senatore*, ut ipse inquit, *Veneto* hæc sine refutatione scribuntur: „ In homine etiam, magno rei medicæ incremento, pu-
 „ pillæ motum, i. e. constrictionem & dilationem primus omnium
 „ notasse perhibetur: „ quem ego motum saltem ab Alexandro
 Ibid.n.16. Achillino, qui labente anno 1520. in vivis amplius non erat, perspi-
 cuis fuisse verbis propositum, demonstraveram. Verum postquam
 animadverti, non modò ubi de illa Articulatione, sed & ubi de Li-
 gamento penis Suspensorio à Vesalio indicato, ac de minima testicu-
 Ibid.n.18. lorum structura ab Arantio observata loquitur, meis ipsis verbis uti;
 & 19. miratus sum, hominem in eo præsertim Opere quod nisi summa
 fide conscriptum esse, constet, parvi ab omnibus pendatur, adeò
 manifestam, ac facile deprehendendam dissimulationem haudquaquam
 vitavisse. Quoniam tamen incuriam, oblivionem, Operarum negli-
 gentiam, & quidvis potius, quàm id parvi animi vitium in Cl. &
 erudito aliqui Viro malumus suspicari; idcirco (dum hunc iterum
 errorem non erret) ipsius nomini libenter parcemus.

ANIMADVERSIO L.

Nunc illud relinquitur, ut de tribus proximis Tabulis perpau-
 ca dicamus. Et primùm quinque Malpighii Figuras siquis
 cum earum archetypis diligenter conferat, in singulis quædam in-
 veniet non satis fideliter, accuratèque descripta. In Figura autem 6.
 quæ ex Willisio est, quis eo, in quo Auctor delineaverat, positu
 163. murato, Arteriam B. *subjacentem*, aut Venam C. *superpositam* intelli-
 get? aut quis proximam Verheyenii Figuram cum archetypo con-
 tendens, orificium B. alieno loco, à tuo, Vir Cl. Scalptore exhibi-
 tum non cognoscat? Porro ut in eo laudandus est Verheyenius, quòd
 dum in ista Figura lobulos pulmonis internos e. e. sic ostendit, ipsos
 juxta Willisium se ostendere, quasi videlicet ut in re non satis ex-
 plorata, proficetur; ita dum tu eosdem ex Willisio in Figura 8. quæ
 illa nempe est, ad quam respexit Verheyenius, sine ulla animadver-
 sione exhibes, multis profectò in mentem veniet ejus Cowperi cen-
 suæ, quæ in Actis etiam Eruditorum memoratur: „ lobulus pul-
 „ monum

An. 1699.
 M. Febr.

„monum eâ figurâ separari non posse, quali à Willisio repræsentantur. „Accedit, Willisium in eadem, aliisque Figuris bronchialium ramorum cartilagine non modò annulares pingere, verùm etiam in illius Explicatione ad litt. CC. scribere, se illorum „partem superiorem integram, sive clausam exhibere, ut Cartilagine Annulæ res appareant; „quæ tamen quàm variarum sint formarum, cùm Bidlous infra docet, tum alii ante eum docuere, ut in I. Adversariis deinonstravimus. Denique in postrema hujus LXXXIX. Tabulæ Figura Vasa sanguifera cccccc. lobulos perreptantia, quæ quidem in Willisii archetypo adumbrantur, incassum perquiro. In ea autem quæ consequitur, Tabula XC. vide, quæso, an non præstitisset istiusmodi Figuram 1. omittere, quàm in ejus Explicatione revera, ut tu quoque agnoscis, *non parum obscura* illustranda, divinare. Quod cùm ego facere non ausim, idcirco in Figura 6. (quæ certè, ut 5. etiam, paulò ante propositæ Cowperi censuræ obnoxia est) pro certo dicere non possum, an litteram D. ab Auctore Bidloo omisissam, rectè collocaveris; illud planè video, in ejus Figura pulmonum lobulos à pulmonum vesiculis non satis perspicuè distingui. Bene verò factum, quòd levis admodum momenti sit, quo potius colore tincta cera in hoc, vel illud pulmonare vas injiciatur; nam ego quidem neque illud dicere pro certo possem in Explicatione Figuræ 10., Venam A. *cera rubra*, Arteriam autem B. *cera flava* repletam esse, cùm idem Figuræ Auctor nihil aliud scribat, nisi eas *diversè colorata cera fuisse repletas*. Superest Tabula XCI. de cujus paucissimis Figuris inverso idcirco ordine dicemus, ut ab iis quæ ad eundem Bidloun pertinent, incipiamus, 1. t. videlicet, ac 12. His, & proximâ, quæ ex Verheyenio est, tu quidem in Indice affirmas, *Pharyngem - accuratè explicari*. Nos verò cùm in II. Adversariis ostendimus, quid de 10. Figura Tabulæ tuæ XI. habendum esset, cur hæ quoque omnes sint rejiciendæ, satis indicavimus. Hic unum, vel alterum de 12. speciatim addemus. Hanc tu „sub iisdem quæ in priore habentur Characteribus, eosdem, inquis, qui mox descripti fuere, musculos, à „parte posticâ ostendere. „Et Bidlous quidem, in hac Figura *hos Musculos à parte postica ostendi*, inquit; iisdem autem, qui in priore habentur, characteribus ostendi, nec dicit, nec dicere, sanè potest; alii enim aliis musculis, & nonnulli præterea, qui in priore Figura non erant, appositi sunt; itaque singulos rursus explicat. Ceterùm hic eosdem Musculos à tergo ostendi, non faciliè intelligo, cùm scutiformis cartilaginis anteriorem faciem videre hic videar, cujus lateribus Musculi DD. quos Bidlous Oesophagos esse, dicit, adhuc inhæreant. Ex cæteris autem hujus Tabulæ Figuris me una potissimum

264

265

n. 24.

264.

265

Anim. 14.

266.

265. mūm morata est, 2. videlicet. Hæsi enim primū, cū in ipsius Explicatione per litteras C C. non duos ramos, in quos Bronchialis Arteria dividitur, sed hujus *exortum* monstrari vidi ē tertia Arteria Intercoastali. At faciliē expedierunt me quæ fortē eodem tempore in manibus erant, Aſta Eruditorum. In his enim eidem Figuræ litteram C. appositam vidi in eo quidem loco quem ista ipsa explicatio postulat, duobus autem istis ramis, quibus tuus Scalptor litteras C C. adjecit, duas vidi punctorum series appositas, ita cum *Trunculis* A A. Figuræ tuæ 1. ex parte altera conjunctas, ut ab his eos ramos abscisos esse, indicarent. Cū verō per litteram D. *Portionem* monstrari *Vena Azygos* animadverti, tum venit in mentem quærere, ubinam totam eandem Venam ostenderes, aut ejus saltem admirabilem dispositionem describeres. Sed tuam Venarum Tabulam inspiciens, eam Venam ita sub Cava latentem deprehendi, ut (quod alibi quoque à me notatum esse, memini) vix ac ne vix quidem intelligi possit. Cū autem in eo quidem Capite quod illi Tabulæ respondet, animadvertissem, te „ de aliis ad venarum historiam facientibus - alia „ - polliceri ubi de Sanguinis Circulatione, & ubi de variis in specie Visceribus verba facienda venirent; „ totum de eadem *Circulatione* Caput, imò totum hunc de Thorace Librum diligenter relegi, si fortē id quod quærerem, in his invenirem. Cognovi denique, nisi interea dum tu Theatrum parares tuum, Eustachianæ Tabulæ, in quibus pluries ea Vena proponitur, ab Illustrissimo Viro Lancisio editæ essent, te faciliē in toto tuo Opere nihil, aut formē nihil de eadem Vena traditurum fuisse. Quod quidem cū ex eo porissimū esse, videam, quod de admirabili ista vena ut Veteres Anatomici plura scripsere, ita perpauca ab Recentioribus edita sunt, facturum me operæ pretium, spero, si cum una, aut altera Epistola nostra duas huc adjiciam, quas Amplissimus Lancisius ad eas rescriptis longē doctissimas Dissertationes, quarum primā ejusdem Venæ historiam, & causas copiosè edisserit, alterā quandam prioris Dissertationis locum ingeniosissimè illustrat.

Adv. II.
Anim. 46.

Tom. I.
102

Adversariorum Anatomicorum V. Finis.

Illu.

Illustrissimo, & Reverendissimo Viro

D. D.

JOANNI MARIÆ LANCISIO

Intimo Cubiculario, & Archiatro Pontificio

Joannes Baptista Morgagnus S. P. D.



Perlegenti mihi, Vir Amplissime, quos pro eximia tua liberalitate misisti ad me nuper, de Noxiis Paludum Effluviis Libros, rerum vel copia, vel utilitate præstantissimos, cum alia plura occurrebant, quæ in Tui admirationem pertraherent, tum illud inprimis, quod non istis modò occupationibus, sed ista præterea ætate, ac valetudine tam multa pergeres, & tam difficilia commentari. Equidem aliàs (idque ipse, opinor, meminervis) Te etiam atque etiam oravi, obtestatusque sum pro tua summa erga me benevolentia, pro mea immortalis in Te observantia, ut tandem aliquando Tibi parceres, ut cæteris sepositis studiis omnibus, in eam unicè rationem incumberes qua Te nobis diutius servares. Sed quando intelligo, atque adeò perspicio, à tuis Te commentationibus nullis precibus divelli posse, alia aggrediar via, faciamque iterum quod superiore ætate in illo tuo gravissimo casu; cum Te videlicet ad disputandum advocavi, quonam potissimum veneno Cleopatra videretur occubuisse; ut saltem ab severioribus studiis ad aliquantò amœniora traducam. Quanquam modò disputationem haud proponam, quam (ut eo tempore, meum, credo, consilium intelligens, fecisti quod me in posterum absterres) joci vellicare jure queas, ceu Te minorem, & propemodum juvenilem; imò verò nodos afferam in medium & dignos Te vindice, & à tuis sive præsentibus,

tibus, sive præteritis studiis non ita sejunctos. Nam qui de Aneurysmatibus, atque idè de Motu Cordis nunc scribat, de Eustachii autem Anatomicis Tabulis jam scripserit, eum puro causas illius Venæ quam sine pari vocamus, non illibenter indagaturum, quippe ira peculiari ratione, tantoque, ut sic dicam, artificio constructæ, atque dispositæ, ut quemadmodum hujus admiratione vel olim permotus Eustachius videtur ad ipsam cùm singulari opusculo, tum multiplici iconismo celebrandam, ita in hac Anatomies luce ab iis qui circuitus sanguinis expendunt causas, multò sit diligentius attendenda, omnique cura, & studio excolenda.

Quid igitur, Lancisi Ornatissime, existimabimus esse causæ primæ cur quidquid sanguinis ex arteria magna per intercostales pleurasque effluit, id omne, non per totidem venulas quæ in cavam pari ordine desinant, in hanc refluat? Deinde cur non in cavæ inferiorem truncum redeat, sed in superiorem? Tum verò cur istuc, non per duas venas, singulas videlicet more institutoque naturæ ab singulis lateribus positas, sed per venam sine pari inferatur? Postremò cur hujus ipsius venæ truncus, non à sinistris, sed à dextris prorepit? Hæc enim quatuor mihi quidem videntur potissimum vestiganda.

Num ergo primum idè fieri credemus, quòd longiore, minusculeque commodo, ac tuto itinere singulæ venæ intercostales ad cavæ truncum, præsertim inferiorem, deducerentur, ut qui non ad vertebbras dorsi est, sed medio in thorace collocatur?

Num alterius causam hinc quoque repetemus? an potiùs aliam quandam perquiremus congruentem iis quæ de causis venæ sine pari Viri Clarissimi proposuere Hermannus Boerhaavius, & Guilelmus Cowperus. Censet enim Boerhaavius, „ admirabili hoc apparatu id fieri, ut liberrima hic, nec impedita a copioso sanguine venæ Cavæ fiat sanguinis circumductio: dum partes in eam venam (sine Pari) se exonerantes, nempe intercostalia loca, & „ magna pars membranarum in thorace positarum, hauri ferant impedimenta, sine maximo, & præsentissimo quidem vitæ periculo. „ Quam eandem, inquit, ob causam hic est laxum ex arteriis in „ venas iter: unde intelligitur ratio celeritatis in his viis, ut & „ frequentiar acutissimorum hic toties accidentium morborum. „ Cowperus autem, si rectè memini quæ olim in ejus legi Anatomia, in ea fuit sententia, ut existimaret, ea ratione sanguinis ex inferioribus partibus redeuntis ascensum plurimum adjuvari. Ut enim huic motui ipsum cruoris pondus non mediocriter reluctatur; ita Cowperus cùm venam portæ idcirco factam credebat, ut maxima pars

Institut.
Med. n.
308.

pars sanguinis ex imo ventre ad cor redituri in eam venam recepta, inferiorem cavæ truncum non ante subiret, quàm hic diaphragma trajiciens assiduo hujus motu juvari posset; tum putabat, venam quoque sine pari non absimili de causa constructam esse. Nam ut rami hujus infimi cum lumbalibus, atque interdum cum emulgentibus etiam venis communicant, truncus autem, intercostalium (paucis superioribus exceptis) cruorem admittit, ita planum esse, non dubitabat, partem aliquam sanguinis ex imo ventre, magnam verò ex infimo thorace redeuntis, & propterea in cavam inferiorem corrivandi, ne hæc nimio sursum vehendo onere prægravaretur, in istam singularem venam divertere, à qua ut per arteriæ magnæ latus quasi perrepente, eò facilius sursum vehi, ut verò in cavam superiorem desinente, eò proclivius, utpote deorsum, ad cor ex eo loco posset contendere. Quam quidem sententiam, cum mihi ea primò cognita est, non parum fateor placuisse sive quòd revera habeat, cur placere debeat, sive quòd similes ob causas ipse olim concessissem, thoracicum quoque ductum, non in proximam venam cavam inferiorem, sed in ramum superioris influere.

Nunc verò ut eadem placeret, non tamen inde eam causam assequeretur, quam tertio loco esse proposui perquirendam, cur videlicet simplex, non duplex, ea vena condita sit, maxime cum id adjumenti à duabus facilius, quàm ab una vena afferri sanguini potuisset videatur. Num ergo unam dicemus esse factam, ne si duæ, è regione sibi objectæ, in eundem locum influerent, altera alterius usui adversaretur; satis namque ibidem; vel sine hoc; magna difficultas cruori objicitur, & ab inferiore loco, & contra alterius deorsum labentis cursum influxuro.

An potius unam eandemque esse credemus causam, quare vena azygos & una sit, & ab dextra parte, de quo novissimè quærendum posui, constituta, quòd videlicet impedimentum in sinistro thoracis latere aliquod obstitit, ne ejus venæ truncus satis commodè ibi potuerit collocari; nunc enim certè satis commodè locatus est ab ista ipsa parte, quam cava tenet, in quam ille debet influere; quem ad locum si ex adverso latere contenderet, interposita magna arteria fortasse obstaret; Quanquam haud me fugit, priusquam aliquid statuamus, variam eam rationem perpendendam esse, qua in variis animantibus, atque adeò in quibusdam etiam hominibus vena azygos disposita est.

Verùm ego & id, & quæcunque supra attingi, non ideo attingi, ut judicium interponerem meum, sed ut tuum, Vir Doctissime, exquirerem. Quod si mihi pro tua spectatissima humanitate aperueris, cum

78 *EPIST. DE VENA SINE PARI.*

cum gratum erit in posterum, quod in proposita disquisitione habuero, in quo conquiescam, tum erit in præsentia gratissimum, quod Te à tuis istis gravioribus studiis paulisper avocaverim. Da operam, ut valeas.

D. Patavio VI. Kal. Decembres MDCCXVII.



Viro

Viro Clarissimo, Doctissimoque

D. JO. BAPTISTÆ MORGAGNIO

Medicinæ Doctori, & in Patavino Lyceo
Primario Anatomies Professore

JO. MARIA LANCISIUS S. P. D.



Emper quidem in litteris, quas à Te accipio, Vir Clarissime, singularis doctrinæ tuæ, atque humanitatis imaginem intueor. Nunquam enim ad me scribis, quin præclarum, ac nobile aliquod eruditionis simul, ac benevolentiae in me tuæ argumentum suggeras, & proponas. Nam superioribus mensibus, cum post incommoda valetudinis rusticarer, ac proinde à severioribus negotiis me subduxissem, amoenissimam disputationem de veneni genere, quo Cleopatra extincta fuit, quasi per jocos intulisti: nunc verò vacantem me lucubrandis difficillimis Commentariis de Corde, atque Aneurysmatibus, ad Anatomicam de Vena Azyga exercitationem non minus jucundam, quàm abstrusam, acerrimoque ingenio tuo dignam, amicè provocas. Libenter igitur susceptum antea laborem paulisper intermitto, ut pro nostra consuetudine, studiorumque conjunctione tecum agam, eoque libentiùs, quòd materiam alioqui obscuram jam videam luminibus Epistolæ tuæ magnopere illustratam. Patere tamen, mi Morgagni, ut à Methodo tua, cæteroqui accuratissima, paululùm recedam, remque ipsam aliquantò altiùs repetendo, antequam ad problemata à Te sapienter excitata respondeam, vestigare instituiam, quàm potero diligentissimè, tum statum, tum structuram, usumque venæ Azygæ. Et quanquam non ignoro, summos Viros tam olim, quàm nuper solertiam, ac sedulitatem suam in eadem perquirenda, explicandaque egregiè probasse; nihilominus non pauca huc usque, ni fallor, prætermiissa, me detecturum confido.

Fateor tamen, nec otium mihi suppetere, nec epistolæ modum pati, ut longiùs nunc digrediar, inquisiturus in singula ferè animantium genera, in quibus vena Azyga singulari aliqua proprietate distinguitur. Nam si numerum spectes, in homine quidem, simia, cane, equo, aliisque unica est ut plurimum, eaque per dextrum thoracis

racis latus producta ramos ad utriusque partis intercostales musculos protendit. In echino, & mure finistrum dumtaxat latus illam perreptare, & utrinque suas propagines mittere, observavit Eustachius. In bove autem, capra, & ove non solitariam, quæ id muneris præstat, venam, sed geminam in utroque pectoris cavo nos etiam comperimus. Suius verò duplex quidem data est, mirabili tamen artificio disposita, quemadmodum idem Eustachius animadvertit, ut sinistra à dexteris quoque, sed inferioribus costis, sanguinem excipiat. Denique gallinaceum genus quatuor venis azygæ officio fungentibus, utrinque scilicet binis, præditum offendimus.

De Vena
sine pari
Antig. 12.

Ibidem.

Quod si quæramus locum anathomoseos ejusdem Azygæ cum trunco majoris venæ; non omnibus idem est. In homine siquidem vena sine pari, sive Azyga ubi unica invenitur, ibi semper cum superiori cava extra pericardium, & supra asperam arteriam inosculatur. In simia, cane, & fele jungitur cum eadem superiori cava, sed intra pericardium, & prope dexteram Cordis auriculam. In equis uno ostio, in bobus, & suis duplici, verum ab invicem per intermedium musculare septum diviso, basin dexteræ auriculæ ingreditur. In volatilibus venæ, quæ Azygæ vicem supplent, binæ tam in lævam, quam in dexteram axillarem sanguinem effundunt. Quæ verò in hominibus sinistra aliquando invenitur, in lævam subclaviam se se exonerat.

Hæc porro, multoque forsitan plura in cæteris animantibus discrimina proprietatum, ac conditionum venæ Azygæ, quoniam a natura non cæco casu, sed summa industria, ac mechanica exigente necessitate fuerunt instituta, ingentem sanè, immensumque campum mihi aperirent, in quo tecum, Vir doctissime, disputando, vagari liberè, nec sine aliquo eruditionis fructu liceret. At verò, cum à Te ad humanam dumtaxat Azygam expendendam accersitus sim; id certè oneris tantò alacrius suscipio (utinam sustinere firmiter possem) quanto magis intelligo, ejusmodi venam apud homines peculiari artificio instructam fuisse, quippe qui respirationis organis uti debuerant, tum ad vocem multifariam excitandam, flectendamque, tum ad varios, ac penè innumeros corporis, ac præcipuè thoracis edendos motus, tum denique ad nonnullos pectoris morbos per anacatharsim profigandos: quò magis admiror, venam Azygam post detectum sanguinis circulum, perinde quasi omnino inutilem, ac vultustate quadam evanescentem, etiam in hominibus à nonnullis Autoribus fuisse neglectam.

Itaque vena Græcis Azygos, Latinis verò sine pari, seu sine comite, locata est in hominibus, ut probè nosti, intra thoracem ad radi-

radicēs costarum secundū dexterum vertebrarum latus, & cætera-
rum venarum more valvulis (*) munita sursum progreditur, à septo
nimirum transverso inter pleuræ membranas, atque in ascensu è sin-
gulis intercostalibus musculis tam dexteris, quàm sinistris ramos acci-
pit, tandemque insignem truncum constituens curvo itinere, seu pau-
lulum in arcum flexo supra tubum asperæ arteriæ inter quartam ut
plurimum, & quintam dorfi vertebram assurgit, ac sanguinem, quem
convehit, universum ingerit, atque immittit intra superiorem cavam,
quo loco nondum pericardium ingressa eidem asperæ arteriæ incum-
bit, ac firmiter adhæret. Et quanquam aliquibus visum est, venulas
à tribus, vel quatuor superioribus costis in Azygam non derivari; re
tamen verà primus ramus, qui inter tertiam, & quartam, vel quod
frequentius accidit, inter quartam, & quintam costam progrediens,
in Azygam aperitur, tres furculos admittit in via, qui sanguinem è
musculis primarum costarum (unde revehunt etiam venulæ à subela-
viis, & axillaribus, præsertim in lævo latere) ad eandem venam sine
pari, veluti per communem canalem regerunt, & important: quos
quidem ramulos Eustachius etiam noster diligenter inspexit, atque l. cit. An.
descripsit. *Vena, inquit, sine pari ad quatuor superiores costas non tigr. 6.*
vestita serie, sed vago ductu propagines mittit. Hoc autem inde fa-
ctum puto, non solum propter situs angustiam id exigentem; verum
etiam quia, cum superiores costæ circumferentiâ cæteris minores sint,
minorem quoque sanguinis copiam ab arteriis excipiunt, & in venas
reddunt, atque ideò, ut cuiusdam veluti æqualitatis ratio inter omnes
Azygæ propagines servaretur, ejusmodi tres, aut quatuor ramuli
sanguinem congerunt in eum ramum, qui reliquis etiam & ipse mi-
nor fuisset, nisi horum trium influxu major evaderet: ita enim rivu-
lorum omnium in Azygæ quasi amnem confluentium vis quodammo-
do æquatur. Id ipsum porro clarius occurrit in sinistro latere, in quo
Azygæ rami tam primi superiores, quàm ultimi inferiores ex mino-
rum confluxu augentur, illique proinde, qui restà in Azygæ caudi-
cem aperiuntur, numero pauciores apparent. Sunt etiam in lævo
latere venulæ à primis superioribus costis prodeuntes, quæ sanguinem
in axillarem breviori itinere infundunt.

Ut verò perspicue deprehendantur omnia, ac singula germina ve-
næ sine pari, summa cautio adhibenda est in exstipiciis, ne superior
cava faucietur: statim enim ac illa discissa fuerit, inaniuntur, & con-
cidunt

L

cidunt

(*) Vide controversiam inter Priscos de hujusmodi valvulis: has enim, quas
Amat. Lufit. in 1. Med. Curat. Centur. in Schol. 51. se animadvertisse, af-
firmat; Fallopius Obi. Anat. pag. mihi 89. penitus negat, Amatūque conviciis
placè lacerat: Jo. tandem Riolanus Amatū præclare tutatus est Anthropogra-
phiæ lib. 3. cap. 8.

cidunt ramuli sanguinem in Azygam corrivantes, præsertim superiores, ac viciniore; eaque ratione ægrè in conspectum cadunt, faciuntque, ut non nisi octo majores Azygæ rami, cum revera decem sint, in dextero porissimum latere, numerentur; sunt enim qui etiam à diaphragmate regerunt.

Sedulò tamen hic quoque animadvertendum duco, naturam variis modis in divaricandis venis, quæ sanguinem ab intercostalibus musculis referunt, ludere consuevisse; ita ut sæpius, quàm vulgus Anatomicorum huc usque putavit, sinistro in latere alia vena deprehendatur, quæ Azygæ officium præstat: ipse enim in frequentibus cadaverum sectionibus jam decies, aut etiam amplius illam (sæpius tamen in foeminis, præsertim quæ thorace longiori gaudebant, quàm in Viris) observavi eà lege distributam, ut non cum vena cava, sed cum subclavia copularetur; atque à quinque, aut sex tantum superioribus intercostalibus spatiis per conspicuos ramos sanguinem reduceret, ultimumque ejus furculum sub Aorta descendente in dexteram Azygam transverso itinere protenderet: atque interim ab inferioribus lævarum costarum musculis venosæ propagines pro consueto naturæ more in dextram venam sine pari mitterentur. Quare in sinistro latere cum etiam invenitur, non nisi Hemiazyga dici potest.

At enimvero, Vir doctissime, non est ut Te inutiliter hoc loco detineam singillatim recensendis omnibus extremis venæ Azygæ ramulis, qui ab externa thoracis parte, atque ex abdomine recurrit, & cum aliis venis inosculantur. Nam Te minimè latet, inter alios Anatomicos Jacobum Sylvium, Falloppium, ac omnium diligentissimè Eustachium, singulos ejusdem fines persequutos fuisse, præsertim verò demonstrasse, germina venæ sine pari tum supernè per ipsius sterni cartilagine in externos pectoris musculos divaricari, eaque cum mammariis conspicuà anastomosi copulari; tum prope dorsi vertebra in posteriores, ac laterales externas partes usque ad membranam adiposam produci: tum demum infernè ad lumbares quoque musculos deferri, ac, superato diaphragmate, eadem germina in latere sinistro sæpe cum vena emulgente, in dextero frequenter cum cava, aut cum recurrente à testibus, atque etiam in Mulieribus ab utero (ut semel nos vidimus) concurrere.

Illud utique silentio prætereundum minimè arbitror, me pluries tentasse, quorsum pateret aditus injectis per siphonem liquoribus, ab Azygæ ne infernis ramulis in emulgentem, & cavam, an è contrario; ac deprehendisse (quod experimentum olim factum impulsu flatu legimus à Jacobo Sylvio) liberum iter tam à cava, atque ab emulgente sursum in Azygam, quàm ab hujus externis furculis deorsum

sum in cavam, & emulgentem excurrere : ut non sit dubitandum, quin ipsius naturæ providentiâ paratæ sint ejusmodi vasorum inosculationes; ne videlicet vena modò Azyga, modò cava in magnis, variiq; corporis conatibus, atque adeò diaphragmatis potissimum contentionibus nimiam plenitudinem propter interceptum, ac subsistentem sanguinem passa, dirumpi posset. Hoc porrò artificium imitantur passim Aquileges, quoties periculum imminet, ne fluminis aqua supra modum aucta extra ripas diffuat; tunc enim fossas ad riparum latera excavare, perque eas in alium alveum exuperantes lateres derivare solent. Similiter ne aquæductus alicubi ob solito vehementiorem lymphæ, aut æris impetum rimas faciant, & rumpantur, certa quædam foramina, atque etiam tubulos (evaporatoria vocant) ad lineam instruunt, per quæ urgente necessitate, tum aqua, tum ær subito erumpere, ac prosilire possit.

Veruntamen cùm sapienter naturæ consiliis provifum sit, ut iisdem instrumentis, quibus bona valetudo facta, testaque in animalibus conservatur; ægra quoque, atque infirma curetur, ac restitatur; idcirco à ratione forsitan minimè dissentire censebis, Vir ornatissime, si quis suspicetur morbos pectoris, atque etiam abdominis per varias horum ramulorum Azygæ cum externis, internisque, super-nis, atque infernis venis inosculationes, varias pariter inter se permutationes subire, atque in varios decubitus desinere solere. Id certè exploratum, compertumque est, nonnullas pleuritides ab externis in internos, nonnullas contra ab internis ad externos intercostales musculos quandoque per metastasim, quæ Græcis diadoche dicitur, transferri; immo verò (ut ipse bis vidi) in externum subcutaneum tumorem abscedere: nimirum quia, ut minimæ quædam propagines venæ sine pari ab adiposa membrana, perforatis externis musculis, intrò feruntur, perque eas humor pleuriticus ab externis in interna spatia potest recurrere, obicemque ponere sanguini ab aliis exiguis interioribus venis refluxuro; ita arteriæ intercostales (forsitan etiam per ipsa membranarum interstitia distenta, ampliataque) facilem aditum, paratuniquè iter eidem humori, cùm fluxior redditus fuerit ab interioribus in exteriores partes munire valent. Propterea factum est, ut in pleuritide notha, in qua vehemens ad tactum etiam dolor urget, post sectam semel, aut iterum pro febris, viriumque magnitudine, venam, nullum præstantius auxilium invenerim affixis duabus cucurbitulis, incisâ prius cute supra dolentem partem (proximum enim ventrem secandum esse, docuit Hippocrates) incantamenti siquidem, ut ajunt, instar, evulso, eductoque sanguineo stimulo, cessavit dolor, ac febris: quod sanè remedii genus etiam in pleuritide inter-

na, modò pulmones simul non afficiantur, aut sputum criticè non erumpat, optimum præsidium post phlebotomiam interdum expertus sum.

Sed quid plura de vulgaribus, tritisque animadversionibus tecum disputo, mi Morgagni? supersunt profectò quædam circa venam Azygam detegenda, quæ, arbitror, Te, nostrâ ætate inter Anatomicos facilè Principe, multò esse digniora, quippe quæ aliorum industriam, ac diligentiam, quod sciam, hætenus eluserunt.

Tria verò præ aliis occurrunt, quæ in Azyga præsertim humana longo jam ab hinc tempore mihi contigit observare; dixi autem in humana, quia in aliis animalibus, præsertim in iis, quæ prona incedunt, non eadem structuræ elegantia donatur; cum in iis nec respirationis tantus sit usus, nec lateralium malorum crises per sputum tam facilè accidunt. Itaque animadvertimus Primò nervos quosdam utrinque per dorsi costas inter pleuræ membranas usque ad posteriora diaphragmatis, singulas intercostales venas vago itinere, & sæpè ad rectos ferè angulos secantes: Secundò orificium ejusdem Azygæ in cavam dehiscens semicirculo musculari instar hemiphincteris cum peculiari nervo munitum: Tertiò denique in eadem anastomosi venæ Azygæ cum cava (quæ sanè inosculatio adamussim accidit supra dorsum asperæ arteriæ priusquam in duos majores bronchiorum ramos faciat) animadvertimus, inquam, minimos tubulos ab inferiori ingredientis Azygæ, atque excipientis cavæ parte inter tracheæ annulos, ac membranas sensim irrepentes, atque ad internam usque ipsius tracheæ tunicam pervadentes.

Ut autem hæc fortè non contemnenda clariùs à me possint exponi, non erit, spero, Tibi molestum, si nunc singula luculentius persequar, ostensurus videlicet, quæ peculiari observatione in iisdem à me fuerint deprehensa.

In primis autem notatu dignum est, memoratos nervos posterius intra pectus, utrinque secundùm dorsi vertebrae excurrere, qui è regione perbellè respondent nervis, qui anterioribus sub sternò utrinque decurrentes, ac in anteriorem diaphragmatis portionem penetrantes phrenici appellantur; illi enim postica thoracis parte à septima colli vertebra insignem truncum deducunt: minores enim ramos à superioribus tum colli paribus, tum à vago, & cardiacis intra cerebrum accipiunt: ex quibus omnibus nervis tam extra, quam intra cranium prodeuntibus ganglium coalescit, & conflatur secundùm sextam, septimamque colli vertebrae, ac paulò post axillares nervos supergrediuntur, à quibus ramulos etiam derivant, atque ad ipsos elevatores scapulæ, humerique musculos mittunt; deinde per interiora thoracis

cis sub pleura, & supra ramos venæ Azygæ utrinque erratico flexu, & geminatis plerunque hederæ instar claviculis perreptant, variisque locis per emissas fibrillas partim cum iisdem venis intercostalibus, partim cum nervis dorsalibus se se permiscunt, deinde autem perforato diaphragmate per abdomen ad os usque sacrum descendentes varios furculos ad viscera, atque ad alios nervos, ac demum ad cruales emittunt. Hi verò nervi, qui, motus diaphragmatis quoque gratia, deorsum per thoracis posteriora feruntur, cum in via tum ramulos, tum caudicem venæ Azygæ secant, se seque cum illis, & cum singulis nervis à spina dorli prodeuntibus per fibrillas commisceant, atque etiam prope ingressum ejusdem venæ sine pari in cavam progrediantur; tuum erit, Vir Ornatissime, dijudicare, num simul conferant arbitrio, ubi opus fuerit, nostro, ad moram aliquam injiciendam sanguini ab intercostalibus musculis per Azygæ tubulos resluentis; quemadmodum antè nervi phrenici comparati videntur, ut mediastino, venæ cavæ, pericardio, atque anteriori diaphragmatis segmento vigorando interserviant. Etenim cum nervi illi tendi nequeant (tenduntur verò maximè, ac faciliùs ad animalium voluntatem, qui gangliis muniti sunt, ut in libris nostris de Corde fusè demonstrabimus) tendi, inquam, nequeant, quin subnexos ramos, ipsamque Azygam comprimant, & adstringant, proindeque refluxum sanguinem à singulis intercostalibus membranis, & musculis intercipient; certè hujusmodi nervos ad promovendas, cum liber, plùs, aut minùs eorundem musculorum tensiones, ceu moderatores quodammodò conspirare necesse est. Et quanquam non ignoro, unumquemque intercostalem musculum peculiari tum nervo, tum arteria instructum esse; nihilominus quia motus thoracis non tantùm est perenniter alternus, sed nonnunquam expedit illum longè celeriores fieri, atque intendi; idcirco providentià naturæ sapientissimè consultum fuisse reor, ut isthæc actio aliis etiam nervis tum in venas, tum in dorsales nervorum ramos immixtis pro temporum opportunitate adjuvaretur; quemadmodum in mechanicis opus operi additum aliis, novisque adminiculis sæpè juvari conspiciamus.

Neque aliunde accidere, existimandum videtur, ut in vera pleuritide dolor serè semper ad scapulam, atque ad humerum ascendat; sequitur enim memorati nervi ductum, & progressum; atque hinc etiam proficisci, censerem, quòd diaphragma tam facile in ipsa pleuritide, præsertim postica, inflammationem contrahat; nempe quia sanguis, quò plùs acribus salibus scatet, eò magis fibras nerveas, quibus tum spatia intermuscularia donantur, tum ipsæ venæ alligantur, irritando, convellendoque, vias ad regressum in Azygam à finitimo

timo quoque septo angustat, atque intercipit. Vidimus propterea in sectionibus cadaverum illorum, qui ex sæva pleuritide in peripneumoniam, & septi inflammationem facessente, diem suum obierunt, ramos venæ Azygæ lateris, quo ægri primùm doluerunt, in varices abiisse; quod olim lib. 1. de Morbis num. 11. & 17. admonuit Hippocrates (*), quia videlicet idem sanguis naturâ suâ acerrimus simul, & subcrassus, cum ab intercostalibus spatiis recurrit, & ad locum interfectionis horum nervorum pertingit, stimulos in eorundem fibras, venulis permixtas, necessario adigit: quamobrem tam sui, quàm nervorum culpâ subsistens, non solum venas tumefacit, varices elevat, atque in polypum abit, (quem insigni magnitudine à caudice venæ sine pari in cavam, atque ad dextram usque cordis auriculam propagatum vidimus superioribus diebus in quodam Viro, qui ex præcordiorum inflammatione decessit: cujus rei plura olim exempla, cum scilicet Nosocomia, & cadavera frequenter magis solebamus, non levi cum admiratione spectavimus) verum etiam ipsius pleuræ, ac diaphragmatis substantiam crassiores reddit, atque in iisdem suppurationes excitat: unde modò pleura, modò septum, frequentius etiam utraque pars pulmonibus (& ipsis ob stagnantia fluida mole auctis) adhærere incipit.

Orificium subinde (ut ad secundam ex nostris observationibus veniamus) quo Azyga cum ipsa cava inosculatur, artificii similiter plenum est. Nam si portionem trunci ipsius venæ sine pari unâ cum segmento superioris cavæ ita dissecueris, atque è cadavere detraxeris, Morgagni amicissime, ut seorsim in memoratum Azygæ ostium oculos diligentius possis intendere; cernes membranofum fornicem inosculacionis ejusdem muscolari quodam semicirculo validè muniri: quod clariùs adhuc perspicies, si segmentum illud lumini objeceris. Nam eo in loco fibrarum compago; quanquam ubi sit inosculatio, semper firmior apparet; crassior tamen, & rubentior occurret, quàm alibi spectari soleat. Hoc autem semicirculare munimentum phlogosi omnino affectum, seu rubentissimum, me quondam detexisse recorder in nonnullis, quorum scisse oporteret statum antea vitæ, & eorum malorum, propter quæ mortem obierunt. Sed plerunque Juvenes anatomicis studiis confusè operam damus; propterea ad omnia accuratè, ut opus esset, non respicimus.

Ne verò dubitemus, quin textura orificii venæ Azygæ revera sit muscularis, se se inquirentibus offert singularis nervus ex intercostalium familia, qui in eam muscularem membranam immergitur. At, inquiet aliquis, quid officii præstat istiusmodi hemisphincteris apparatus?

(*) Eodem loco agit Senex de Venæ Azygæ convulsione, & varice.

fatūs? Scilicet ut quemadmodum passim, ubi sunt carnosæ fibræ, ibi motum edi, certissimum est; ita in orificio venæ sine pari quædam constrictio secundum naturæ indigentiam, atque animalis arbitrium fieri possit: ac proinde particula illa cum nervis, Azygæ ramulos secantibus, sit quasi rector, ac moderator refluxus sanguinis ab intercostalibus musculis.

Neque certè quis suspicabitur, supradictum muscularem semicirculū casu quodam in aliquibus dumtaxat à me fuisse observatum: asfirmat enim profiteor, me illum in cunctis, quæ secui, cadaveribus, comperisse: immo etiam in ostio sinistræ Azygæ, quo cum vena subclavia interdum conjungitur, non absimilem fibrosam cum nervis machinamprehendimus, & spectatoribus ostendimus.

Postremò pulcherrimi, nisi decipior, sunt tubuli, quos in parte inferiori, seu basi inosculationis venæ sine pari cum cava semper conspeximus. Nam quotiescunque rem sedulo persecuti fuimus, nunquam non truncum venæ Azygæ, & portionem cavæ ibidem cum subjecta aspera arteria connexam vidimus; nec verò per simplicem adhæSIONem, sed per validas etiam fibras, & minuta vasa, quæ ad usque internam trachææ faciem penetrant; ut proinde non levem mihi dubitationem injecerint, num, quemadmodum nonnulla ex iis vasculis esse possunt ramuli à trachææ substantia referentes, ita obscuri lateant aditus ab Azyga intra asperam artesiā inferentes, quos natura (quæ docta sine magistro cæcas nobis, atque ignotas, sibi verò perspicuas, ac notissimas vias extrudendis morborum causis invenit) in vera pleuritide, seu laterali simplici morbo, per spiritum citò, facilèque desinente, recludat, atque aperiat; ut scilicet breviori itinere, quàm illud esset, quod per cordis dextrum ventriculum in pulmones, vesiculas, & bronchia confici deberet, morbosum humorem per anachatarisim deriveret.

De hac verò nostra conjectura limatissimum judicium tuum exquiro, Morgagni solertissime; satis enim nunc mihi esse duxerim, si nonnulla Te admonuero, quæ suspicionem meam lactare quoquo modo videntur. Etenim cum olim pluries observaverim, ægros benigna pleuritide laborantes ante quartum diem cruentam, mox etiam albam, costamque, ut ajunt, lympham spueri, quam non à profundo pectoris hauriebant, & traducebant, sed à loco, quem sciscitanti mihi indigitarunt, sub sternō, ubi Azyga se in cavam aperit (hos autem ante decimum quartum diem à malo liberatos animadverti) fuisse tunc suspicari cœpi, an compendiaria pateret via, quæ in simplici pleuritide affectis per Azygam ab intercostalibus spatiis duceret in asperam arteriam.

Hanc

Hanc deinde qualemcunque opinionem confirmavit Muliercularum quarundam mos, qui Romæ præsertim invaluit; solent enim, ubi primum pleuritide quis corripitur, dolentem partem oleo prius inunctam, pollice unam inter, alteramque costam vehementer fricare, ac versùs dorsum pellendo, ita urgere (quod Italorum vulgus dicunt *rompere la puniura*) ut ægrotus paulò post tussi corripiatur, ac ferè semper sanguinem expuat, mihiq;e, cùm sæpe huic experimento adfuerim, ab iisdem ægrotantibus asserum sit, se ab ea parte acrem stimulum ad tussendum, simul etiam obscurum cruoris egressum sentire, in qua ingressus est Azygæ in cavam.

Hoc autem inde proficisci putarim, quòd per validam eam pressionem sanguis acer, ac morbosus in tubulis, atque interstitiis fibrarum mulcularium stagnans extruditur, ac per Azygæ ramos citiùs, ac uberius refluit, qui mox ad inosculationis locum perveniens hemisphinderem irritando, ac subiectos tubulos fodicando, tussim excitat, sibi que meatus in tracheam aperit.

Non est verò, Vir Clarissime, ut hic Te commonefaciam, rarò ejusmodi remedium feliciter cedere; nimirum quia plerunque intempestivè, nec humore adhuc concocto, viùsque dehiscenstibus adhibetur; sæpiùs enim tum propter inductam jam inflammationem, tum ob copiam morbosæ materiæ tantum abest, ut eam allevet, ut illam adaugeat, atque intendat; præsertim si vel affecta pars (quæ mollibus, & oleosis esset tractanda) vehementi frictione nimium irritata, atque contracta acrem sanguinem jam hærentem non remittat, immo etiam alium affluentem intercipiat; vel idem sanguis extrusus quidem, sed nimia velocitate, crassitie, copiatque cum reliquo per Azygam ita impellatur, & confusè permisceatur, ut deflectere in tracheam haud possit, sed per cavam in cor, atque in pulmones, ubi peripneumoniam gignit, pergere cogatur.

Sed, ut ad propositum redeamus, accedit, ut suspicor, ad faciliorem expressionem sputi à loco inosculationis Azygæ, quòd major venter musculi triangularis sub sterno locetur: quare cùm tenditur, thymum, subjectamque venam cavam, atque adeò inosculacionem ejus cum Azyga, ipsamque tracheam necessariò premere debet, intròque ita adigere, ut per hujus musculi adauctam, cùm volumus, vigationem, ipsa quoque anacatharsis plurimùm promoveatur. Et profectò, cùm ipse ego ab ineunte ætate interdum pectoris doloribus, & catarrhis laboraverim, sensu percipiebam majorem costæ laticis partem non à profunda, atque vesiculata pulmonum regione, nec quidem à bronchiis, verùm ab ea portione asperæ arteriæ prodire, in qua vena Azyga cum cava inosculatur, sputumque
per

per vim etiam musculi triangularis facilius me foras propellere potuisse.

Quod verò cæci meatus pro temporum opportunitate in nobis dehiscant, ut morbosæ potissimum causæ exitum parent; non est ut Tibi, Vir optime, persuadeam, quem tum diligens ægrotantium observatio, tum anatomicæ sectiones satis informarunt. Quot enim hypochondriorum, quot capitis morbi, referatis sanguineis, aliisque valis, hæmorrhoidum nempe, nasi, oculorum, aut aurium, quæ clausa sunt, cum firmâ valetudine fruimur, desinunt, ac penitus cessant?

Multò adhuc minus negotium Tibi facisset, quod in simplici pleuritis non solum sanguis, verum etiam mucosa materies per sputum excernatur, quæ exiles, ac vix perspicuos tubulos pervadere non posse videatur. Nam probè scis, horum humorum particulas sensim, ac per minima stillicidia è canaliculis, porisque suis effluere, postea verò propter moram, aërisque contactum mutò coalescentes facillimè crassescere: quod in muco narium, sordibus aurium, & oculorum, aliisque nostris corporis liquidis passim animadvertimus.

Nolim tamen existimes, dulcissime Morgagni, me opinari, universam, quæ per tussim à plerisque pleuritis laborantibus egeritur, puriformem colluviem trajici per recensita solum Azygæ, cavæque foramina, ex trachea postmodum rejiciendam: arbitrarer enim, si quando ejusmodi conjectura à Te probaretur, ab aliis quoque inferioribus bronchiorum glandulis, atque ab ipsis extremis vesicularum pedunculis illius colluviei partem frequenter secerni solere. Etenim quemadmodum rarò accidit, lateralem morbum esse simplicem, ac solitarium; quoniam sæpè sæpiùs jungitur, & complicatur cum trachearum, & pulmonum catarrho; ne quid dicam de phlogosi; imò verò cum totius sanguinæ massæ rheumatica diathesi (quamobrem sanguis per sectam venam eductus ut plurimum in polypeum crassamentum coit) ita facile fieri posse crediderim, ut portio illa aëris, & sulphurei laicis, quæ in solis intercostalibus spatiis semel inflammationem induxit, cum solvitur, ac maturata dulcescit, per Azygæ ramulos versùs cavam paulatim regeratur, ac magnam partem in eodem inosculacionis meatus impingat, atque illinc beneficio superincumbentis musculi triangularis ad internam trachæ superficiem urgeatur. Nec sanè inficiari auderem, quidquid reliquum est morbosæ lymphæ recurrentibus ad præcordia fluidis admixtum, anastomoseos locum præterire, ac subterfugere, tandemque aut sociatum catarrhis, qui à bronchiorum glandulis, & vesicularum pedunculis secernuntur, per anacatharsim rejici, aut circulationis legibus obsequens, vagum, & errabundum huc illuc secundum diversas occur-

M

rentes

rentes fecerniculorum dispositiones modò per urinam, modò per sudorem, modò per secessum utiliter extra corpus derivari posse; vel contra, quòd sæpe fit, ad præcordia rursum refluent in præaffectos pleuræ, ac pulmonum locos lethaliter decumbere.

Sed ne quid intactum relinquam, unde Tu, Vir studiosissime, de nostra conjectura rectè, aperteque sententiam ferre possis, dicam insuper, nos repetitis experimentis promptum, facilemque ab Azygæ, & cavæ trunco intra tracheam liquidorum transitum comperisse. Nimirum secto cadavere, superiorem cavam, sanguine prius inanitam, supra, & infra inosculatorem cum Azyga vinculis constrinximus: deinde per foramen apertum in Azygæ caudice tepidam, & croco infectam aquam siphone semel, iterumque injecimus; ac statim conspeximus subcroceum liquorem primò per nares, mox etiam per os emanantem; erat enim cadaver supinum capite extra tabulam propendente. Ut verò accuratius permeantis liquidi vias, rationemque exploraremus; cultro sub cartilagine thyroide per longum scidimus asperam arteriam, atque illinc, dilatato vulnere, vidimus post novam injectionem jucundo spectaculo à superiori interna ipsius tracheæ superficie, quæ cavæ trunco, & Azygæ anastomosi subjicitur, flavum ichorem excitatis bullis per minima orificia stillantem, atque scatentem. Id autem sæpius renovatus tentaminibus cum in Viris, tum in fæminis confirmavimus.

Sed cum jure in dubitationem inciderimus, num injectus liquor ex tubulis potius à cavæ, quàm ab ipsius Azygæ membranis, vel etiam ab utrisque in tracheam dehiscuntibus prodiret; idcirco novo usi fuimus artificio. Azygam enim ligavimus ubi cum cava inosculatur, alterumque vinculum injecimus cavæ versum cor, seu infra anastomosim, indeque per subclaviam in cavam similem aquam infudimus, illamque prodire quidem ex trachea, sed tardiùs, ac parciùs, quàm in antea actis observationibus, conspeximus. Unde colligi tutò posse, censuimus, meatus hosce longè numerosiores, aut patentes ex Azyga, eique proximo cavæ spatio, quàm ex reliqua cava intra asperam arteriam dehiscere, atque aperiri.

Et quanquam non me latet, ligatà in vivis animalibus quavis venà, serolum laticem in proximum, unde sanguis refluit, ventrem paulatim effluere; ac proinde alicui mirandum forsitan minimè fore, si liquor injectus per distentos, ampliatosque Azygæ, cavæque (vinculo priùs constrictarum) poros in asperam arteriam transeat, depluatque: ramen omnem adhuc ab animo meo scrupulum evellere non possum, quin suspicer, minimos patere tubulos à supradictis venis intra eandem tracheam; tum quia ejusmodi liquidi trajectory ex
cava

cava, & Azyga non paulatim, quemadmodum alibi, sed illico contingit; tum vel maximè quòd injectus liquor, ne minimis quidem suis guttulis elabatur, aut exodat à superna illarum venarum parte, quæ vel dextrum thoracis cavum, vel mediastinum respicit; tametsi iis locis venarum membranæ sunt graciliores, laxiores, ac magis denudatæ; atque idcirco impetui liquoris minus reniti valent, quàm in parte inferiori, ubi cum aspera arteria validè connectuntur, ejusque tunicis, annulisque adhærentes firmiori structurâ donantur, magisque obniti deberent trajectioni impulsu liquoris; qui tamen cum illinc liberè præterfluat, luculenter videtur ostendere, minimos ibidem latere canales, per quos, cum res postulat, liquida egrediantur.

Hæc porro tentamina si Tibi etiam cum veritate congruere viderentur, jam inde, veluti per corollarium, nobis deducere liceret, Priscorum asertum de ferinis destillationibus à capite in tracheam cum sicca plerunque tussi, à ratione non adeo abîonum existimandum esse, quemadmodum Recentiores ferè omnes autumarunt. Nam ferum acre, atque ad nerveas, muscularesque fibras pungendas, irritandasque aptum, quoties in cerebro quavis de causa collectum per jugulares venas refluit in cavam, statim atque pertingit ad locum enunciatis foraminibus pervium (est autem à jugulo usque ad divisionem trachæ in bronchia) minimo negotio in eadem foramina penetrare, stimulosque nervorum villis, & intercartilagineorum musculorum fibris subdere potest, tussimque siccam excitare, quam in gracilibus, ac studiosis, præsertim si longiori collo donati fuerint, frequenter animadvertimus incipere, sedemque suam primùm figere in ea potissimum trachæ parte, ad cujus contactum apud homines locata est cava, quasi verò ipsa natura admonere illos velit, ut sine ulla mora omnes mentis labores deferant, & omittant, aliudque vitæ genus eorum valetudini conservandæ magis proprium suscipiant; ne scilicet malum, adauctâ causâ, atque ad pulmones propagatâ in phthisim concedat. Sed ad majus otium ejusmodi quæstionem rejiciamus, cujus interim rationes tecum deputare per otium poteris, Vir Clarissime, quippe qui, cum totius Medicæ Artis scientiâ perpolitus es, tum in Anatomicis studiis ita emines, ut cætera sint Tibi quidem communia cum multis, horum verò tua quodammodo propria possessio videatur.

Sed jam tempus est, ut fidem liberaturi, ad tuorum solutionem Problematum descendamus, quæ quidem, quanquam per Te satis enucleata, atque explanata videantur, tamen ut Tibi inter amicos amicissimo morem geramus, opinionem qualemcunque nostram pro-

feremus. Ac primò quidem quæris, Quid sit in causa, cur quidquid sanguinis ex arteria magna per intercostales plerasque effluit, id omne per totidem venulas non in cavam pari ordine desinentes, sed in Azygam refluat? Hoc profectò sapienti ipsius naturæ opificio obmixtam rationem (quantum conjicere possumus) factum fuisse, arbitramur; scilicet ut facilius, promptius, celeriusque, secundum voluntatis arbitrium, ad respirationem retardandam, sollicitandam, retinendamve, cursus pariter, & immissio sanguinis ab Azyga in cavam, modò retardari, modò celerior fieri, modò etiam retineri possit: facilius enim est unum emissarium, quàm plura uno, eodemque tempore regere, ac moderari. Nam si sanguis per distinctos, distinctosque ramulos à singulis intercostalibus venis cavam subisset, majorem certè renixum passus esset, quàm ubi nunc uno, eodemque communi Azygæ alveo exceptus vehementiori vi, seu quod eodem recidit, celerius, ac promptius propter majorem cumulatam molem in eandem cavam ingreditur. Quod sanè passim instituto ipsius naturæ etiam in defluxu aquarum per terræ superficiem respondet: ex multis enim rivulis in unum torrentem, ex hoc in minorem amnem, tandemque in regium flumen facilius devolvuntur. Neque asertum nostrum infirmat, quòd alibi venulæ intercostalibus etiam minores, in cavam sanguineum fluidum corrivant. Siquidem peculiaris viget ratio, cur singulæ intercostales à proximo in cavam influxu fuerint prohibendæ; nempe quia sanguis ab Azygæ ramulis in cavam refluens non solum, ut communiter, circuli leges subire, sed alterno etiam respirationis motui inservire debebat, qui eodem tempore peragitur à musculis huic muneri ancillantibus: id quod in cæteris venis per alias corporis partes perreptantibus usu minimè venit.

Contra verò in arteriis intercostalibus accidit. Nam cum sanguis in eas non ingredi, sed ab iisdem magno cum impetu egredi debeat, nulla erit ratio, cur eadem non potius ex aortæ trunco, quàm ex ejus ramo proficerentur; utrinque enim sanguis penè æquali, atque analogo impetu in arteriolas omnes esset erupturus. Natura autem compendii amans, simpliciora, ac semper breviora seligere consuevit.

Sed quid dicemus, Morgagni Celeberrime, de re per se quidem evidenti, de qua tamen altum apud Anatomicos silentium? scilicet arterias intercostales, quæ ab aorta sinistrum latus petunt, breviores his esse, quæ ad dextrum tendunt. E contrario verò ex ramis in Azygam desinentibus, sinistros dextris esse longiores. An id à natura, quæ nihil frustra facit, fortuitò factum opinabimur? An potius,

potius, ut acerrimi ingenii tui erit inquirere, quòd major vis adhibenda esset in latere dextro ad ipsius thoracis dilatationem, nimirum quia hepatis moles liene major à spuris costis loco suo paululum in ipsa inspiratione esset movenda? An ut in viribus sanguinis utriusque lateris musculorum æqualitas quædam servaretur?

Ad alterum deinde problema quod attinet, Cur scilicet vena Azyga non in cavæ interiorum truncum, sed in superiorem exoneretur? causa perspicua, atque evidens (ut Tu quoque ex Cowperio ratiocinaris) esse videtur ; nimirum ne sanguis, qui ab intercostalibus musculis, aliisque thoracis partibus vario impetu secundum varios respirationis motus per Azygam refluit, si in cavam inferiorem illaberetur, sanguini per illam jam ægrius ascendentem moram inferret. Cum enim uterque sanguis, Azygæ nempe, & cavæ, directionibus non eodem tendentibus feratur, necessariò in ipso utriusque concursu, sive supra, sive infra cor fiat, retardatio aliqua sequi debet: proinde nihil commodius institui potuit, quàm ut huiusmodi retardatio in superiori, non autem inferiori cava contingeret. Et quidem cum sanguis in nobis, qui erecti stamus, ambulamusque, per superiorem cavam vi etiam proprii ponderis, præsertim in cursu, facilius, velociusque ad præcordia descendat, quàm sanguis per inferiorem cavam ascendat (quo factum est, ut ad frangendam, hebetandamque superstitem quandoque descendens sanguinis vim, paratum sit in cava inferiori prope cordis auriculam, apud homines, quoddam valvulæ genus ab Eustachio nostro indicatum, quod nos in pronis animantibus non invenimus) propterea ad servandas, quoad fieri potest, æqualitatis leges voluit natura descendens celeritatem in superiori cava parumper refrenare; quod quidem optimè præstitit per Azygæ sanguinem, qui per superiorem cavam ad lineam cadentem occurrit directione propemodum horizontali.

l. cit. An-
tigr. 10.

Quòd autem huc spectaverit natura cum Azygæ sanguinem in superiorem cavam infudit, nemo Te melius, mi Morgagni, nosse poterit, qui cum in Scriptorum lectione, tum in cadaverum omnis generis lectionibus tam assidue versaris: animadverteris enim, in quadrupedibus, quæ prono semper corpore consistunt, atque incedunt (cujusmodi sunt boves, equi, capræ, sues, aliæque multa) venam Azygam non quidem cavam superiorem, aut inferiorem petere, sed in ipso utriusque confluxu, hoc est, intra dextram auriculam aditum vel unicum, vel duplicem sibi aperire: quod sanè non alià ratione factum fuisse videtur, quàm quia, cum uterque sanguis, superioris nempe, atque inferioris cavæ, in pronis animantibus ad horizontem fluat, celeritas neutri detrahenda fuerat; atque ideo in ipso utrius-

utriusque concurſu , ubi æquantur vires , Azygæ inoſculatio locata fuit . Neque certè ob aliam rationem in ſimia, cane, ſele, atque urſo vena ſine pari non penetrat auriculam, ſed ſuperiorem cavam, intra tamen pericardium, atque è regione conjunctionis ejuſdem cavæ cum auricula: ita ut multò ſit intra noſtram Azygæ anatoſim; ſed aliquantò ſupra illam, quæ in equis, aut pecudibus cernitur; non ob aliam, ut ajebam, rationem, niſi quia ſimix, canes, ſeles, atque urſi non degunt ſemper proni, ſed cùm vigilant, magnam temporis partem capite, peſtore, atque imo ventre ad horizontem inclinato ſedere; atque idèd neque erecto trunco, quemadmodum homines, neque omnino prono, ut cætera bruta animalia, vitam traducere ſolent. Itaque Azygæ anatoſis in iſdem medio loco inter omnino prona, & erecta fuerat collocanda: ſed Tu hæc ſubtiliùs philoſophaberis.

Venio itaque ad tertium, Cur, nempe, ſanguis ab intercoſtalibus reſuens, non per duas, ſed per unam venam ſine pari in Cavam inferatur? cujus ſolutionem petendam eſſe arbitror ab ipſiſmet Azygæ uſu, & actione. Nani cùm ea ſanguinem revehat à ſingulis intercoſtalibus muſculis, ac diaphragmate, quæ quidem muſculares partes ſimul omnes uno, eodemque tempore, prout reſpirationis uſus poſtulat, moveri debent, oportebat, ut ſanguis omnis uno, eodemque alveo exceptus, univerſus quoque ſimul non magno, ſed facillimo negotio retardari, vel celerior fieri potuiſſet; quod quidem etſi inſicias non eam aliis modis à natura præſtari potuiſſe; nemo tamen negabit, ut ſupra innuimus, hunc ejuſdem genio, quæ faciliora ſemper aggreditur, fuiſſe magis conſonum.

Confirmatur verò, hanc mechanicam rationem cæteris parationem eſſe, quòd natura ad Azygæ oſtium unico hemiſphincteris ſuſflamine omnium intercoſtalium venarum moderando ſanguinis curſui apprimè conſuluerit: atque, ubi altera vena in lævo peſtoris latere invenitur, quæ Azygæ officium ſupplet, ibi opificium pariter ſemircularis ſphincteris appoſuerit.

Hoc quidem loco investigatione tua dignum cenſeo, Vir diſertiffime, quid fiat ut in ruminantibus duæ Azygæ (hoc eſt ſua cuique thoracis lateri) poſitæ ſint. An quia ejuſmodi animalia, cùm hebetiora futura eſſent in motu, eorum etiam ſanguis minori energiâ, & velocitate, quàm in agilioribus, pollere debebat? Unde ſi univerſus intercoſtalium ſanguis ad unicam, eamque in dextero dumtaxat latere locatam Azygam fuiſſet dirigendus (bobus enim coſtæ num. 26; cùm homini 24. ſolummodo datæ ſint) tam lentè illuc appelleret, ut ejus lateris renixum in tam longo itinere vincere haud potuiſſet.

De-

Denique, licet novissimum problema per Te ingeniosissimè solutum videam, non dubitaverim tamen asserere, ad rationes à Te allatas alteram quoque adjungi posse, scilicet idèd Azygam non à sinistris, sed à dextris prorepere, quia in sinistris eodem itinere, quo vena sine pari collocanda esset (ab inferioribus nempe ad superiores partes secundum dorsi vertebrae) jam defertur Pecqueti ductus, cui sanè ipsa Azyga, si comes adderetur, plurimum obesse, non tantum quod spatii aliquid eidem demeret; verum etiam quia sanguinem corrivaret in eandem illam subclaviam, in quam Pecqueti ductus chylum, lymphamque immittit. Solet enim, cum apud homines hemiazyga laevo in latere invenitur, in sinistram subclaviam sanguinem effundere: quare in angustum nimis locum duo liquidorum quasi amas confluentes sibi invicem impedimento fuissent; praesertim si quis, tempore motus chyli, violenta aliqua corporis exercitatione occuparetur.

Secus verò in dextero latere major spatii libertas aderat, cum in hoc neque arteria magna, neque Pecqueti ductus pro naturae instituto locentur.

Hæc, qualiacunque sint, diuturnis observationibus ex cadaverum praesertim sectione deprompta sedatiori animo, ac tranquilliori tempore exarare peroptasem: tecum enim mihi res erat, cujus eximiam eruditionem, ac limatissimum judicium semper maximi feci. Sed cum nollem responsum meum in longum differre, eandem propterea distavi inter ipsos Natalitios Redemptoris Nostri festos dies, per quos innumeris penè quæ civilibus, quæ sacris occupationibus distentus fui. Nam & Romæ degimus, ubi otium optare, ut Paulus Manutius ait, ejus est, qui Romam ignorat; & in ipsa Summi Pontificis Aula, nimirum in Sacrosancta Religionis Arce versamur. Si quid igitur Tibi Viro omni doctrinâ, sed Anatomicâ præcipuè politissimo, minus probabitur, partim pro tua humanitate ignoscas, partim pro amicitiae candore admonere ne prætermittas. Tua interim tam secunda, quam tertia Adversaria cedro digna, totiusque posteritatis encomio celebranda anxie præstolamur. Vale.

Romæ III. Kal. Januarii MDCCXVII.

Illustrissimo, & Reverendissimo Prasuli

D. D.

JOANNI MARIÆ
LANCISIO

Intimo Pontificis Maximi Cubiculario, &
Archiatrorum Comiti Meritissimo

Joannes Baptista Morgagnus S. P. D.



Go verò, Lancisi Ornatissime, nihil unquam legisse memini, quod magis quàm postrema tua ad me Epistola, *novis auctoritatem dare, obscuris lucem, obsoletis nitorem* videretur. Quò magis cumulata à me Tibi gratiæ agendæ sunt, quòd non modò præclare (id quod petieram) obscura illustraveris, verùm insuper tum vetera quædam ingeniosè restitueris, tum nova plura, iteratis etiam nuper observationibus, & experimentis subnixa, in medium attuleris. Sed nihilne, inquis, habes quod admoneas? Mihi verò nonnulla fortasse essent, quæ coram libentiùs, quàm per litteras rogare; nihil autem est quod admoneam, aut si quid est, id longè aliò pertinet, quàm quò Tu pro tua singulari modestia facillè existimas. Neque enim, ut sum publicis, privatisque occupationibus distentus, satis in præsentia habeo temporis, ut tuas observationes, atque experimenta diligenter iterem: & si vel plurimum haberem; non tamen mihi tantum sumerem, ut Te Eximium Virum, & Sæculi Exemplar, atque Ornamentum admoneri à me posse, crederem. Nam qui tuam in observando Solertiam incredibilem non minùs, quàm Ingenium summum, perspectam habeam, ut in iis quæ mente assequimur, si quid fortè à me dissentis, non Te quidem labi, sed me intelligere minùs, censeo; ita in his quæ oculis usurpamus, si quid non satis responderet, non Te minùs oculatum, sed me minùs indu-

industriū, diligentemque existimarem. Quid ergo erat; inquires, quod admoneres? Nempe id quod pro tua moderatione non sentis, Te, Virum aliqui Beneficentissimum, in publica commoda peccare, qui cū tot, ac talia Rei Anatomicæ, atque adeo Medicæ illustrandæ utilissima tam brevi tempore vel tantas inter occupationes dictare possis, non tamen facias; sed dum totus es in Libris de Motu Cordis subtilius elaborandis, & quasi eliminandis, hæc interim omnia prætermittas. Quid si (quod tamen Superi avertant omen, ac detestentur) quid, inquam, si tua ista affecta ætas; ac valetudo iis Libris ex animi sententia absolvendis, perpoliendisque non sufficeret; an quæ res ad tot alia argumenta, imò ad istos ipsos Libros pertinent, & quæ à Te ut non citò scribi, & undequaque perfici, at dictari facili, & sic satis indicari certè possent, an eæ omnes non sine magna tantæ, & à qua vel cogitanda refugit animus, jacturæ accessione, tecum unà, Vir Doctissime, commorerentur? Est exempli causa in ultima hac Epistola quod innuis: *eos maxime, ac facilius ad animalium voluntatem nervos tendi, qui gangliis muniti sunt.* Hoc in Libris de Corde Te fusè demonstraturum promittis. At quod multis ibi ostensurus es, in ea poteras Epistola perpaucis indicare; ego sanè quòd non feceris, gravissimè tuli. Ex hoc autem conjecturam facere Te, velim, quantopere illa cupiam, quæ & tractatu digniora sunt, & explicatu difficiliora, in quibus primo loco faciliè pono arduum illud, agiturumque Problema, in quo præsertim à Te elaboratum esse, vel ex injecta superioris Problematis mentione conjicio: quò fiat, ut Cordis motus sit jugiter alternus, atque ea quidem ratione, ut nobis haud liceat pro arbitrio, non dico ipsum sistere, aut immutare, sed ne celeriozem quidem, tardiozemve reddere, quod tamen vel in eorum qui respirationi interserviunt, musculorum alterno pariter, ac perenni motu sanè licet. Quid ergo admoneam, habes; quid cupiam, non satis habes. Cū enim hæc non in meum tantum, sed in commune omnium commodum abs Te petam, primùm ea ratione à Te mihi indicari, velim, ut Epistolas his de rebus tuas non modò Te annuente, sed nemine carpente, vulgare possim. Ut enim omnis expertus juris, & humanitatis censeret, si quid de tuo, Te inconsulto, in manus hominum emitterem, ita essent procul dubio, qui modestiam desiderarent meam, si quantum in tuis Epistolis, & nominatim in hac postrema, pro tuo incredibili erga me amore mihi tribuis, tantum ipse, easdem edendo, agnoscere, & mihi sumere videret. Alterum est, ut si quas paratas fortè Figuras habes (non paucas enim habere, scio) ad tuas hæcæ observationes pertinentes, easdem Epistolis adjungas. Postre-

mum est idemque præcipuum, ut si non incommodum hunc, quem commendo, expeditumque tua nobiscum communicandi modum è re, & valetudine tua magis, ut ego quidem spero, esse, intellexeris, quàm perpetuam istam, difficilemque, cui nunc insistis, scribendi rationem; mihi, ut benignè soles, annuas; sin minus; id, quod facis, pedetentim tamen, neque plùs, quàm ætas, valetudo, occupationesque tuæ gravissimæ patiantur, facias. Tuis enim istis Commentationibus ægrè quidem, sed aliquo tamen pacto carere possem; Te autem ipso, Vir Sapientissime, meique Amantissime, nulla, ut mihi videor, ratione possem. Etiam atque etiam Vale.

D. Patavii IX. Kal. Februarii M DCC XVIII.



Clarissimo, Doctissimoque Viro

D. JO. BAPTISTÆ MORGAGNIO

Medicinæ Doctori, & in Patavino Lyceo
Anatomiae Professori Primario

JO. MARIA LANCISIUS S. P. D.



Ameti de opusculis meis, properato potissimum stylo exaratis, non ita sentire audeam, ut illa in publicam lucem proferri, facile patiar; tanta est tamen judicii, fidei, & candoris tui existimatio, ut quemadmodum cæteris in rebus, ita in edendo Commentariolo de Vena Azyga à me, Te Auctore, conscripto, sententiae tuae refragari non possim: non enim vereor, ut doctis Viris sint placitura, quæ à Te haud improbentur. Cave tamen, ne quid in eodem schediasmate ex iis detrahas, quæ & maxime vera sunt, & à me plurimi fiunt, hoc est de laudibus tuis, quas & egregie promereri doctrinâ, & virtute pergis, & pro tua summa moderatione defugis, & averſaris; ac profecto libentius Dissertationem sempiternis tenebris obvolutam vellem, quàm vel minimum de meritissimis præconiis tuis reticere.

Quod autem humaniter admones de vitæ brevitate, quæ opera nostra vel animo solum concepta, vel ruditer adumbrata intercipere solet, plurimas ago, habeoque gratias, tuique consilii rationem, atque utilitatem ipse præ cæteris agnosco, qui & inclinât jam ætate, & affectâ admodum valetudine inter curarum, & negotiorum æstus successiva vix tempora ad scribendum subripio. Quamobrem, ut his etiam monitis tuis proficiam, uberrimam de motu cordis materiam quàm primum in synopsis contraham, contractamque ad Te mittam; ut si quidem, Deo favente, vita, & sanitas suppetet, integrum plenumque opus emittam; sin verò aliter divinis consiliis præscriptum fuerit, rudem saltem illius imaginem tutelæ tuæ supremæ voluntate commendem.

Quominus verò eandem synopsis de Motu Cordis statim ad Te mittam, prohibent sacri labores, quibus nunc distineor in excutendis scilicet nonnullis sanationibus, quæ pro laudabili Sedis Apostoli-

cæ more ad Medicam præsertim trutinam librari solent, ut legitima sint Sanctitatis Servorum Dei testimonia. Cum primum igitur iis studiis perfunctus fuero, obstrictam Tibi fidem præstabo. Interim, ne vacuum epistolam accipias, alteram saltem mandatorum tuorum partem facere libenter aggredior, ac tecum communicabo quæcunque per annos duodeviginti observare mihi licuit circa Gangliorum structuram, usumque; quanquam jam video à Te consuetà ingenii tui sagacitate deprehensa, & paucis, feliciterque in Secundis Adversariis adumbrata. Tuum igitur erit Dissertatiunculam hanc proprio iudicio, & censura dignari, tuumque de ea sensum pro consueta animorum, studiorumque conjunctione perscribere.

Addo præterea duas, alteram de Vena Azyga, alteram de Gangliis Icones, quàm potui diligentissimè descripras; nosti enim plerorumque Pictorum in ejusmodi rebus ingenium, qui artis suæ magis, quàm nostræ, peritiam, & patientiam (tamen si magnam Ricciolinus meus ostenderit) præstare solent. Vale, & me, ut facis, amare perge.

Romæ VI. Kal. Julii M DCC XVIII.



Ad Illustrissimum, & Sapientissimum Virum

D.

JOANNEM BAPTISTAM MORGAGNIUM

In Patavino Lyceo Anatomix Profefs. Primarium,
& Præsidem Meritissimum

De Structura, Uſuque Gangliorum

D I S S E R T A T I O.



Inter obſcuras humani corporis partes, quæ hæſtenus
Anatomicorum diligentiam exercuerunt, poſtremum
certè locum minimè obtinent naturalia nervorum
Ganglia, quorum quidem altum eſt apud Antiquos
ſilentium: illi enim, quemadmodum ſcripſerunt in-
ter Latinos Celfus, atque inter Græcos Galenus, ^{L. 7. c. 6.}
(qui vocem hanc ab Hippocrate libro de Articulis ^{Defin.}
^{Medic. & Comm. 2.}
^{de Artic.}
^{t. 16.} mutuatus eſt) Gangliorum nomine appellarunt dumtaxat morbidos
nervorum nodos, ſeu renitentes fibrarum contraſtiones, tumoresque
incertis in ſedibus à plaga, vel nimia compreſſione ſubortos. Apud
Recentiores verò non multum eſt, quod perutilibus Falloppii ob-
ſervationibus additum invenitur. Ille enim, cum in rebus Anato-
micis ita ſe geſſerit, ut incredibilem ejus diligentiam, ſummumque
ingenium nemo non admiretur, naturalia, ac citra morbum Ganglia
primus detexit, eademque ob figuram *olivaria corpora* vocitavit.

^{Obſ. Anat.}

Et quanquam ſubinde illa eadem à Williſio, & Vieuſſenio ad ſe-
dulum cultri examen rurfum fuerint revocata, Tuque præſertim,
Vir doctiſſime, propriam ſolertiam, ut ſemper ſoles, in ſcrutanda
eorum textura, uſuque mirabiliter probaveris; pro candore tamen
animi tui ea, quæ innuis, non ut certa proponis, alioſque propterea
ad diligentiorẽ involutæ hujus particulæ investigationem pro-
vocare videris.

Hæc

Hæc igitur argumenti sterilitas curiositatem, industriamque meam exacuit, ut quatuor præter ea, quæ in genere ad situm, numerum, ac figuram Gangliorum spectant, præcipuè de iisdem quærerem, I. structuram, II. vim, III. usum, IV. demum morbosas affectiones: an verò ea, quæ rimando, observandoque alia ex aliis apta, & necessitate quadam sibi invicem nexa cognovi (quanquam animum meum nondum satis explent) naturæ, ac veritati omnino congruant, Te judicem legi, constituique. Tu siquidem, qui occultissimos humani corporis recessus aperire, atque illustrare, siquis alius nostrâ ætate, optimè nosti, meo hoc in specimine vera à falsis probè distinguere, meque, quod maxime flagito, ubi opus fuerit, utiliter poteris admonere: non enim is sum, qui ita mihi placeam, ut conjecturis temerè assentiar, proindeque aures monitoribus claudam.

Ab initio autem nostræ Dissertationis, longum sermonem minimè instituemus, quærentes in genere de situ, ac numero Gangliorum: nemo enim est, in animalium sectionibus vel parum exercitatus, qui nesciat, pusilla quædam Ganglia, seu Gangliorum rudimenta in nervorum truncis à cervice per ventres, atque per artus ubivis locorum inveniri, in quibus diversi ordinis nervi simul coeunt, majoremque, ac prædurum caudicem efformant, à quo postmodum veluti à trunco ramuli prodeunt, ac dispersiuntur.

Neque verò certus eorum numerus definiri potest, quia Natura in iis construendis sæpè variare consuevit, quemadmodum eorum inventor Falloppius indicavit. Est tamen, ut hic Tyrones Artis commoneam, ne singulos nervorum plexus pro perfectis Gangliis accipiant, ut à nonnullis etiam gravissimis Anatomicis factum animadverti. Enimvero, ut inferiùs ostendemus, rami nervorum, qui à veris Gangliis proximè profisciscuntur, lacertosi sunt, ac musculares, sique in varios deinceps veluti nerveos tendines abeunt; ubi postea in alios, atque alios distribuuntur, tendineà pariter tunicà circumvestiuntur, plexumque sæpè effingunt, qui non est considerandus tanquam novum Ganglium, sed ut plurimum veluti pars, seu membrum à superiori Ganglio productum, atque elongatum.

Et quidem ad rectam Gangliorum naturam, ac discrimina stabilienda, illud præterea diligenter est observandum, quòd in animalium corporibus organorum structura ita procedit, ut à simplicissima ad magis compositam per gradus ascendatur, ut in musculis, & glandulis apertè conspicitur. Nam in prioribus simplices, atque unius ordinis fibræ simplicem muscularem membranam contextunt; quæ alibi pro variis additis novarum fibrarum stratis, ac directionibus, variam etiam, magisque compositam muscularem texturam compingunt,

gunt, donec ad cor, propter mirificam, ac penè immensam, atque incredibilem fibrarum complexionem, muscutorum fortissimum perveniatur. In posterioribus verò quemadmodum sæpe sæpius simplicitas glandularum constituitur ab unica membrana foraminibus pervia, nudisque folliculis contexta, ita quò magis membranæ cum utriculis fibroso rete, ductibusque tum reductoris, tum excretoris complicantur, & augentur, eò validius, & uberius glandularum munera præstant, & glandulæ conglobatæ, conglomeratæ, mixtæque indolis merito nuncupantur.

Non absimili ratione, atque analogismo nervos extra calvariam conjungi, procedere, atque ad invicem hinc illinc separari deprehendimus. Nam alii sunt, qui laxa tantum membrana, veluti vaginæ contenti, per simplicem à fociis diductionem, ac sejunctionem in varios ramos divertere conspiciuntur. Sed ii revera jam antea fuerunt ab usque spinali medulla, ipsoque cerebro inter se penitus distincti, licet contigui procederent. Alii vero robustiori tunica, ac fibris non tantum exterius, sed interius quoque validè muniti, atque intertexti à superiori Ganglio dependent: cujusmodi porrò nervorum complicationes (quæ passim plexus nervei vocantur) quoties in ovalem, aut saltem hordeaceum tumorem minimè elewantur, pro absolutis, perfectisque Gangliis non videntur considerandæ; verùm accipiendæ sunt vel pro tendineis propaginibus supernorum Gangliorum, vel (quod non negaverim) pro colligationibus plurium simul nervorum, quos interdum ipsa Natura, medio quodam artificio inter perfectum Ganglium, & simplicem tunicam, nectit, atque complicat; quæ quidem Natura industriori tandem opere eadem majora Ganglia, ceu conglomeratas, mistasque glandulas, & veluti robustissimos musculos extruxit, & fabricata est.

Et quanquam ad propositam Gangliorum disputationem properè descendentibus immorandum nobis minimè videretur in eorum describenda figura; tamen quia plerique Scriptores ad illam exprimendam usi sunt voce nodorum, ducta è plantis similitudine; non abs re futurum arbitramur, si ad externam ipsorum quoque figuram animum obiter adverterimus. Ego enim semper suspicatus sum, Recentiorum Anatomicorum mentes ab hujusmodi Gangliorum cum nodis similitudine præoccupatas ad illorum usus investigandos, inveniendosque fuisse præpeditas; nam ex plantarum Anarome satis innotescit, frumenti genicula, arundinum, arborumque nodos circularem, non oblongam figuram præferre, ac veluti intertextas zonas, annulosque stirpium fibras, ac tubulos (ubi aut in novellas gemmas, aut in folia dirigi debent, atque absorberi) ne dissolvantur,

ac

ac laxentur, colligare tantummodò, atque perstringere; in animalibus verò alia se prodit Gangliorum facies, nimirum figurâ non orbiculari, sed ovali, seu olivari; ita ut verum Ganglium constare quodammodo videatur (quod maximè annotatum velim) ex duobus conis per bases commistis, atque in medio conjunctis, quorum apex superior principium, inferior finem, seu caudam constituit. Hinc autem suo loco apparebit, Ganglia non colligandi solum, sed premendi etiam, ac se elevandi, urgendique munere donari.

At ne, ut Plaurus ait, proloquio Te exanimem, ad causæ momentum veniam, ostensurus primo loco, qualem ipse hætenus per tentatis experimentis Gangliorum structuram deprehenderim, quæ tamen, quoniam, ut scis, tenacissimo, firmoque villorum, ac fibrarum contextu coalescit, concrescitque, accuratæ, exquisitæque dissolutioni pertinaciter magnam partem reluctatur. Te non lateat quid alii de Gangliorum structura literis mandaverint; cum Tu librorum voracissimus jam videris, ab inventore Falloppio Ganglium per hæc verba fuisse descriptum: est *corpus oblongum, olivaris figura quod colore carneum videtur, ac substantia nervæa, durumque admodum est; & paulò inferius, nulla alia substantia donatur, quàm nervæa, & quasi in callum concrecente*. Willisius autem Falloppii sensum penè exscripsisse videtur, ac tantum addit, *plexus esse quasi nodos in canna, aut arboris candice*.

Vieussenius utique paulò accuratius texturam Gangliorum, ut ipse nuncupat, attigisse visus est, cum illos è *nervæis fibris, arteriæ, & venulis pia crassaque meninge involutis contextos* affirmaverit, adjunxeritque, *maiores eorum fibras carnosarum fibrarum tum colorem, tum substantiæ modum emulari*; cui postea sententiæ paucis mutatis subscripsit Joannes Maurilius Hoffmannus in sua Idea Machinæ Humanæ, alijque. Nemo tamen, quod sciam, internam Gangliorum substantiam persecutus est, fibrarumque ordinem, principium, finem, modumque, quo excurrunt, rectè pervidit, atque ad usum illinc colligendum, delineavit.

Tu verò inter tot ambages, ac tenebras rem acu tetigisse visus es; cum in Ganglio muscularem substantiam quærendam esse, proponas. Et quidem diligenti, accurataque adhibita Gangliorum sectione, quæ modò cruda, modò cocta, modò etiam longo tempore tum in urina, tum in aceto macerata animadvertimus, turò asseverare possumus, eadem esse peculiæres, sui que generis musculos, cum re ipsa musculari textura donentur. An verò glandularem etiam naturam participant, hoc profectò est, de quo vehementer dubitamus, tuamque sententiam exquirimus.

Ut

Ut autem muscularis in Ganglio fibrarum complexio evidentiùs nobis appareret, selegimus majus, quod nostro in corpore invenitur, de quo Falloppius primùm scripsit, & posteriori ramo nervi paris vagi attribuit.

Sed huc mirari subit, peritissimum, exactumque Anatomicum in re tam evidenti fuisse hallucinatum. Siquidem olivare, ut ipse vocat, corpus, quanquam fibras accipiat à nervo paris vagi, cumque eo per communem membranam in itinere involvatur; perquirentibus tamen originem, sedemque illius liquidò apparet ab alio insigni nervo (intercostalem internum appellant) repetere, qui dum Ganglium ingreditur, non solum non candicat, quemadmodum vicinus nervus paris vagi, sed aliquantulum rubescit; atque etiam à diverso cranii foramine proficiscitur, nimirum ab illo, per quod arteria carotis intra calvariam penetrat; cui quidem arteriæ per multiplices etiam fibras adhærescit; secus ac nervus paris vagi quà finitimus est venæ jugulari, atque ab ejus foramine (interposito dumtaxat osseo isthmo) egreditur; ita ut admodum salebrosam, sed tantundem pulchram, atque admirationis plenam rem offendant, qui ejusmodi nervorum, paris nempe vagi, & intercostalis radices à primis quibusque initiis seorsim persequitur. Quod sanè ignoramus, an ullus hætenus Anatomicorum felicissimè sit assecutus.

Sed relinquentes nervos paris vagi, in illum unum, qui ad efforandum Ganglium fertur, oculum, & cogitationem intendamus. Hic itaque nervus consideratus intra calvariam, seu antequam superet cranii repagula, quoniam exiguis fibris coagmentatur, ejusdemque est cum medullari cerebro, ac dura matre coloris, vix distinguere potest, unde præcipuum fontem, atque originem habeat. Accedit ad operis difficultatem, quòd cum cerebrum necessariò flecti, ac revolvì debeat, ut principium hujusmodi nervorum spectari possit, idem propter summam exilitatem, mollitiem, ac teneritatem, quam servant, cum primùm à medullari cerebri parte proficiscuntur, facillimè dirumpi, aciemque effugere solent. Quantum autem repetitis sectionibus perspicere potuimus, nobis visi sunt primùm oriri à protuberantiis cerebri, ubi cum pedunculis glandulæ pinealis adnæscuntur.

Quod autem certo certius asseverare licet, illud est, nervum hunc non procul ab ortu suo supra illam statim duræ matris sectionem ferri, quæ dividit cerebrum à cerebello, cumque ea per nerveas fibras ita complicari, ut ejusdem progressus non nisi per lanceolam, discisso villorum complexu, apparere possit; ac proinde factum arbitror, ut Anatomicorum diligentiam huc usque fecerit.

O

Post.

Postquam autem nervus hic ad os sphenoides eadem dura matre irretitus pertigerit, inter nervum oculorum motorium, plexumque eorum nervorum, qui audiunt gustatorii, penetrat os ipsum, quo loco ingreditur arteria carotis, cui per multiplices fibras connectitur. Dum autem trajicitur per cranii foramen, ac postquam ab illius angustis vindicatus est, nonnullos ramulos accipit ab aliis, immo fere ab omnibus nervorum paribus, quæ intra cranium nascuntur, nimirum ab optico, ab oculorum motoriiis, nec non etiam à gustatoriiis, & auditoriis; quamobrem Ganglii nervus, quem intercostalem dicimus, ex multis conflare, ac veluti in fasciculum collectus internam carotidem sensim complecti penè videtur, donec novas fibrarum superpetias nanciscatur tum à posteriori nervo paris vagi, tum à nervis linguæ motoriiis. Hisce denique fibrarum furculis locupletatus nervus juxta secundam cervicis vertebra Ganglio augetur, implicaturque, cujus luculentam historiam nunc daturi sumus. Hinc verò perspicue apparet, primum, seu superius Ganglium ad nervum paris vagi nequaquam pertinere, tamen si aliquot ab illo fibras deducat.

Tibi autem, Vir eximie, investigandum, ac perpendendum relinquo, an multitudo nervearum fibrarum, quæ, ut diximus, ab hoc nervo exortæ internam carotidem complectuntur, eadem secundum arteriæ ductum reflexæ, ac recurrentes per singulas ejus intra calvariam distributiones tam in membranis, quam in retibus comitentur, atque implicent, quemadmodum compertum est evenire in ramis externæ carotidis, ad quos nervi infra Ganglium orti quaquaversum recurrunt, omniumque penè mutationum, & affectionum, quæ in humana potissimum facie secundum pathematum vires animadvertuntur, non immerito causæ existimantur.

Nos interim adnotatione rursus dignum censemus, nunquam à nobis Ganglium in nervo paris vagi, ejusque posteriori ramo per collum excurrente inventum fuisse, quidquid ab aliis Anatomicis observatum referatur, qui forsitan cum Falloppio id asseruerunt, quia non rarò nervus intercostalis statim ac ex calvaria egreditur, in duos ramos dispertitur, & in unoquoque Ganglium admittit: unde fieri potest, ut pro Ganglio paris vagi acceptum fuerit illud, quod interdum eidem propinquius, cumque eo communi quadam tunica velatum invenitur, quanquam non ad nervum paris vagi, sed ad intercostalem pertineat.

Ne verò in parergis fusiores esse videamur, ad institutam Ganglii anatomen propius accedamus: in qua tamen ea, quæ à nobis observata sunt, vix possint adeò dilucidè scribi, quemadmodum visa

fue-

fuerunt; adscita tamen in auxilium pictoria arte, speramus fore, ut studium nostrum haud omnino improbes.

Patere interim, Vir doctissime, ut de Gangliorum natura dicturi, inutuo à magnis Scriptoribus exemplo, nonnulla prius tum in genere, tum quæ sunt oculis magis obvia, persequamur; ita enim ad penetralia tutum nobis utcumque iter munire poterimus.

Primum itaque observamus, Ganglia nusquam uni dumtaxat nervo appendi, atque advolvi solere, sed multos simul admittere, connectere, permiscere, & colligare.

Secundum, ex nervis, qui in Ganglia feruntur, nonnullos supernè, ac ferè ad lineam, nonnullos transversim, seu obliquè penetrare: plerisque ad internam illorum substantiam pertingere, aliquos ad solas membranas, aut exteriorem corticem dispensari.

Tertium, ubicunque verum Ganglium invenitur, ibi quidem nervi magis conspicui, qui tam supernè, quàm infernè ad internam, ac penè medullarem ejus substantiam penetrant, subrubi, seu levi quodam sanguineo murice tincti apparent, cum alii, qui sine Gangliis vel à cerebro, vel à spinali medulla proficiuntur, præsertim verò par vagum, ejusque rami, priusquam cum Ganglio se se immisceant, omnino albicent.

Quartum, intra Ganglia ubique locorum vasa sanguinea tam influa, quàm reflua, & quidem conspicua ex proximis caudicibus derivari observantur.

Quintum, Gangliorum niotes major est, quàm sit aggregatum omnium vasorum ingredientium, atque egredientium: quo fit, ut ad eorum productionem concipiendum necesse sit concurrere, præter communia vasa, peculiare aliud corpus excitatum non tam excoherens, & complicatione præfatorum nervorum, ac sanguiferorum, quàm ex novis organicis partibus, quas provida, solerisque Natura subsistentibus, probèque commixtis, excoctisque liquidis, simul etiam elongatis, prolatatis, varièque dispositis solidorum fibris, fingit, & creat. Sed jam tempus est, ut nostras de interna Gangliorum substantia observationes pandamus.

Accepimus itaque superum in collo, quod majus est, Ganglium plerunque sinistrum tum humanum, tum, ut ejus particulæ facilius cerni possent, equinum; atque in utroque eadem exteriùs animadvertimus, videlicet

Primò quod attinet ad situm, collocari Ganglium hoc inter primam, & secundam cervicis vertebra prope arteriam carotidem internam sub vena jugulari, ac nervo paris vagi. Vide Figuram Primam.

Secundò, quod spectat ad vasa, arteriolas ab interna carotide accipere, quæ quidem superiorem præsertim ejus verticem subeunt, ac pervadunt; venulas verò in jugulares remittere; nervos quàmplumos à pari vago mutuari. De lymphaticis autem quidquam affirmare non audemus, cum eadem nunquam in oculos nostros incurrerint, etiamsi probabile admodum censemus, aliquot ibidem inveniri; cum ubi est vaginalis tunica, ibi lymphæ ductus quoque adefse soleant.

Tertiò, tribus membranis Ganglium involvi (quanquam non Te latet, tunicarum numerum per anatomicum artificium minui, augerique facile posse) quæ quidem tunicæ, non dubitamus, quin suam à cerebri membranis originem ducant; licet parumper augeantur, & crassescant circum Ganglium, per accessionem novarum fibrarum, & nutritii succi moram. Harum exterior laxè illud involvit ad instar tunicæ testium vaginalis: ita ut integrum hujus Ganglii corpus, si digitis comprimatur, tanquam contentus nucleus huc illuc elabi, ac quoquo modo diffuere videatur. Hæc autem contextitur crassioribus, & ad muscularem indolem accedentibus fibris, quæ quidem propter permixta vasa sanguinea subrubent. Internâ sui facie lubrica est, leni quodam liquido mollita, quemadmodum pericardium, cuius ut speciem referre, ita etiam usum præstare videtur: nam ut illud cor, ita hæc Ganglium laxè involvit, & complectitur.

Secunda membrana arctius Ganglium ambit, eaque tenuioribus quidem, sed magis invicem complicatis, & cohærentibus fibris insignitur.

Tertia occurrit planè tendinea, atque adeò validè cum Ganglii corpore conjuncta, contextaque, ut ab ejus superficie sine illius divulsione, ac laceratione separari nullo modo possit, ac proinde dici mereatur circularis quidam tendo, cujus fibræ cum carneis ipsius Ganglii omnino continuæ sunt.

Summâ verò hic animadversione dignum est, quòd exiles, terelesque nervi, seu potius nervei tendines, qui ex Ganglio, suis à membranis nondum spoliato, prodeunt, ut in Fig. Secunda, quique ad vicinas partes, præsertim musculares, atque ad sanguinea etiam præcordiorum vasa, potissimum arteriosa, pertingunt, non proficiscuntur ab externis Ganglii membranis, sed ab interiori ejusdem substantia; quare polcherrimum sæpe nobis fuit rem hanc quàm diligentissimè pertractare: sumpsimus enim unum, alterumque ex illis tendineis nervis à vaginali tunica propendentibus, cumque illos modò exterius digitis comprehensos, modò interius stylo elevatos pertraheremus, semper vidimus ita invicem respondentes, ut terebratis membranis, penitus continui apparerent, viderenturque veluti tendines digi-

digitorum perforantes, dum ipsæ membranæ perforatorum tendinum vicem gerunt.

Hoc sanè loco non erit abs re illas observationes adnectere, quas nos etiam de progressu nervorum à superiori Ganglio prodeuntium fecimus. Nam licet ab aliis id Anatomicis forsitan tentatum fuerit, nostris tamen oculis fidere consultius duximus.

Primum itaque, quantum observatione propriâ colligere potuimus, subrudi ejusmodi nervorum ramusculi ad colli, ad pharyngis, ad laryngis, ac linguæ musculos, finitimarumque partium membranas feruntur, cumque earum texturis ita permiscantur, & advolvuntur, ut mille claviculis cum muscularibus fibris etiam artuum superiorum implicentur.

Jucundum præterea nobis fuit cernere hujus nervi fibras per œsophagum ad ventriculi etiam orificium descendere, ac per ipsos membranaceos, quos intercartilagineos dicunt, trachæ musculos, quaquaversum in bronchia spargi, ac disseminari.

Deinde alii etiam nervi in vicinis arteriis præsertim carotides feruntur, & cum iisdem, ut superius indicavimus, reflectuntur tum extra, tum intra cranium; nonnulli rectà quoque descendunt usque ad aortæ caudicem, cumque illa ad cordis substantiam procedunt. Alii aortam quoque descendantem sub exteriori membrana quaquaversum comitantur. Illudque admodum spectabile est, nervos à primo hoc, & à secundo Ganglio prodeuntibus multiplici nexu cum arteriis axillares, tum aortam complecti, indeque recurrere, atque aded cum aliis arteriis permisceri, ut si pertinaci diligentia illos persequamur, spectare liceat, eosdem nervulos ad usque fines arteriarum, earumque insertiones in musculos, & venarum principia infernorum etiam artuum diffundi, ac propagari.

Notabilis pariter est nervus, licet obliquo ductu procedens, qui à superiori hoc Ganglio descendit ad inferius, locatum super septimam colli vertebra: quinimo si dixerimus, ab utroque Ganglio nervos proserpere in singulas ferè nostri corporis musculares partes, forsitan à veritate non aberrabimus.

Non exiguus quoque nervus à superiori Ganglio profectus, postquam in Thoracem penetravit, inter mediastinum, & pericardium ad cor ipsum pergit. Admirabile porrò est intueri myriadem, ac rete illud, quod efformant nervi à duobus hisce Gangliis exortum nervis cervicalibus, paris vagi, intercostalibus à dorsi vertebra prodeuntibus, ac demum cum tenuibus fibrillis à phrenico derivatis, quod quidem mirificum rete suo loco delineatum in libris nostris de motu cordis exhibituros pollicemur.

Sed

Sed ut eò revertamur, unde digressi sumus, elixatum, & adamussim à tunicarum involucrio spoliaturum, denudatumque Ganglium exhibuit nobis pervidendum externa in facie rete quoddam nervosum suis cum membranis tenaciter implicatum. Vide Figuram Tertiam.

Sub hoc autem rete cernuntur eleganti ordine à summo ad imum Ganglii verticem protensæ fibræ carneæ, quæ sic dispositæ sunt, ut perbellè peponis corticem, sulcis in æqualia segmenta divisum referre videantur; quemadmodum eadem Figurâ observare licet. Neque interim illud est hic prætereundum, scilicet ab intermediis fibrarum commissuris innumeras fibrillas emergere, cumque interiori tunica conjungi, atque implicari, quæ quidem fibrillæ, quoties Ganglium à membranis per vim liberatur, retegiturque, necessariò divelluntur, ac discinduntur.

Et quoniam dubitabamus olim, an in Ganglio fibræ carneæ eundem interius ordinem servarent, quo exterius procedunt; idem propterea longa cōctione elixatum unguibus eatenus utrinque leniter deducere, ac laxare cœpimus, quatenus paulatim ad centrum usque perveniremus: quo sanè in experimento interna Ganglii substantia se se nobis ostendit compacta ex tenuissimis fibris, iisque nudam aciem penè effugientibus, quæ tamen per microscopium evidentius apparent carneæ, eæque proficisci ab albo quodam tendine per centrum rectâ instar axis à superiori ad inferiorem verticem protenso. Hæ autem fibræ à memorato tendine tanquam à pinnæ costa non utrinque solum, verum etiam quaquaversum, seu radiatim ad universam superficiem nonnihil inferius inclinatæ seruntur. Quapropter, si rem ad myologicas regulas referre velimus, universum Ganglii corpus dicendum est compingi ex duobus potissimum tendinibus, & duplici carnearum fibrarum serie, ac directione: primus enim tendo externus est, atque conflatus ex duabus extimis membranis, nervulisque per eandem diffusis, & excurrentibus: quo quidem tota Ganglii moles non tegitur tantum, sed ad muscularem vim exercendam, ut dicemus, munitur etiam, ac roboratur. Alter verò tendo per mediullium, perinde ut axis, descendens ille est, à quo pinniformes fibræ oriri videntur, aut saltem alligari.

De fibris autem carneis longum hic sermonem instituere superfedemus, cum supra de iis susè jam à nobis actum fuerit, easque in Figuris Tertia, & Quarta quàm diligentissimè licuit, delineandas studuerimus.

Hæc porrò, quæ hætenus, experientiâ duce, de Gangliorum structurâ exposuimus, iter, putq, nobis munient, ad eorundem vim, actio-

DE GANGLIIS NERVORUM. 111

actionemque assequendam. Duo tamen hic ante omnia tanquam Lemmata assumimus. Primum, exploratum apud Anatomicos esse, partes omnes, quæ musculari textura donatæ, simul etiam vaginali tunica involvuntur (quemadmodum e. g. sunt testes, & cor) agi motu contractionis, atque elevationis, itidemque laxationis, & concidentię.

Secundum, eodem contractionis motu quidquid liquidi in illarum partium tubulos, loculos, meatus, ac poros influxerit, ulterius permisceri, atque in obvios canales juxta œconomię naturalis indigentiam extrudi.

Hinc haud absolum Tibi, Morgagni doctissime, forsitan videbitur, si Gangliorum actionem, & vim esse, statuamus, ut eadem pro animalium motuum opportunitate plus minus contracta, tum canales sanguineos, quibus alligantur, parum elevent; tum liquidum nervorum vehementius extrudant. Etenim primo loco, cum tendi, contrahi, erigique non possit fibrosum aliquod corpus, quin, dum contrahitur, seu quasi in systole versatur, brevius evadat, ut in alaris tum testium, tum cordis exemplis passim spectamus; consequens erit, ut muscularia Gangliorum corpora, quotiescunque contrahuntur, atque eriguntur, paululum decurrantur, atque ad se se adducant suos tendines tam supra, & è regione, quam infra positos, ac distributos: contra verò eosdem tendines produci, seu elongari, cum ipsum Ganglium laxatur, & quasi in diastolem cedit.

Deinde cum sit compertissimum, per naturalem fibrarum contractionem contenta liquida (modò dehiscentes, ac liberos tubulos inveniant) vehementius propelli, atque extrudi, profectò non dubitamus, quin à Ganglii corpore animales spiritus per ipsam contractionis vim ad velociorem cursum promoveantur.

Neque verò de ratione, ac modo, quibus Ganglium in ipsa tensione erigitur, ac decurtatur, hæsitandum esse videtur: cum enim fibræ carnez, quæ Ganglii substantiam compingunt, atque contexunt, sint, ut dictum est, duplicis ordinis, externæ videlicet à superno ad infernum verticem rectà protensæ; & internæ à tendineo axe obliquè deorsum, & quaquaversum ad tendineum involucrium definentes, necessariò fieri debet, ut, dum uterque fibrarum ordo ob recens inductam in singulis vel crispationem, vel intumescen-
tiam tenditur, brevior evadat; ac propterea vertices ad invicem non modicè accedant, seu quod eodem recidit, ut Ganglium à figura sphæroide ad sphæram magis appropinquet. Cum verò in hujusmodi contractionis, seu decurtationis motu fieri nequeat, ut superior vertex admodum descendat versùs inferiorem, quoniam ille stabili-
bus

bus ossium fulcris, tum vertebrarum, tum cranii per nervos, & membranas validdè alligetur; necesse est, ut inferior vertex magis ascendat versùs superiorem, secumque trahat suos tendines, partesque, quibus iidem tendines vinciuntur, & colligantur.

Expectabis forsitan, Morgagni dulcissime, ut Ganglii vim ad attollenda vasa, & membranas, quibus ejusdem nervi tendines alligantur, adamussim expendam, eamque ad certam Staticæ regulam, normamque quàm accuratissimè redigam. Quis autem tam felix, tam oculatus, tam perspicax fuerit, qui hæc implicatissima, penitusque sepulta Naturæ arcana expedire, atque eruere possit? Satis itaque mihi erit ex pneumatostatica memorare, minimam vim aeris per tenuem cylindrum in vesicam (*) impulsæ, lateribus ejus distentis, ac longitudine contracta, pondus plerunque librarum sexaginta, vel septuaginta attollere, ac sustinere. Hinc porro colligi potest, non modicam, aut exiguam esse vim Gangliorum, quippe quæ ex tenuiori, magisque actuoso fluido, quàm sit nudus aer, in elegantiore machinam, quàm sit simplex vesica, influente confurgit.

Quod verò attinet ad motricem vim contenta liquida impellendi, eam luculenter nobis ostendit mirificus cordis, & urinariæ vesicæ mechanisus, quo docemur, penè immensum cordi, & maximum vesicæ in propellendis sanguine, & lotio, virtutis momentum inesse; ac propterea non exiguis viribus Ganglia quoque pollere, probabilissimum est, tum ad partes annexas attollendas, tum ad contenta fluida extrudenda.

Nunc autem ad Gangliorum usum, quantum obscuritas, novitasque rei patitur, accedamus. Quod ut præstare possimus, nonnulla hic postulata nobis concedenda abs Te petimus. Primum, nervos, qui sensibus ancillantur, ut olfactorios, opticos, auditorios, aliosque, nullis Gangliis munitos esse. Id verò Tu, Vir præstantissime, haud frustra Naturam molitam esse, intelligis; siquidem cum organa sensuum excipiendis externis pulsibus æquè semper exposita esse debeant, ut non tam ad agendum, quàm ad patiendum sint comparata, par erat, ut spiritus animales, & quidquid cum iisdem fluat, per apertos obviorem nervorum ductus æquabili tenore influerent. Sunt enim verò *sensus in corpore quasi quadam via*, ut Tullius ait, *ad oculos, ad aures, ad naves à sede animi perforata*: nulla idcirco in iis aut repagula, aut incitamenta addenda, vel interponenda erant.

Alte-

(*) Vide experimentum, ejusque, rationes apud Joannem Wallis, in sua Mechanica cap. 15. prop. 3.

Alterum postulatum, scilicet ex animalium motibus alios esse omnino involuntarios, ut vocant, ad quos tonici etiam referuntur, alios voluntarios, alios denique mixtos, nimirum in quibus voluntarii involuntarios moderantur: quos quidem Tibi Anatomicorum celeberrimo innuisse plus satis erit.

Tertium, ex nervis, qui ad organa motus feruntur, nonnullos sine Gangliis occurrere, multos iisdem instructos esse.

Ex iis verò, quæ à nobis postulata sunt, perspicis, Morgagni præclarissime, Gangliorum usum (tametsi alii quoque inferioris notæ considerari possint) præcipuum esse, ut eadem nervis adnota, atque intertexta sint veluti Moderatores, Rectoresque eorum animalium motum, qui vel arbitrio obsecundant, vel ipso arbitrio celerius moveri, aut retardari debent. Hujus autem rei non levem conjecturam capimus ex ea necessitate, quam habent organa voluntariis quomodocunque motibus proximè subservientia, ut influxus liquidorum, quæ musculares fibras supra vim tonicam tendere debent, uno magis, quàm alio tempore, nimirum cum vult animal, copiosius in illas dirigatur, & subsistat. In hoc enim motus tonicos à superadditis differre, arbitramur, quòd illi à continuo, perennique influxu liquidorum musculares lacertos, villosque tendentium oriantur; hi secus à temporaria immisione, vel saltem ab aucto nuper influxu eorundem liquidorum excitentur, ac tandiu perdurent, donec idem recens additus influxus perseveraverit. Hoc sane in singulis artefactis machinis, quæ per decursum, impetumque aquarum statim temporibus moventur, usu venire, comperimus: in chartariis enim, aliisque hydraulicis certum quoddam sufflumen præstò est, cujus contrariis motibus laticum illapsus artificis arbitrio, pro ut res postulat, promoveri, vel prohiberi solet.

Cum itaque non videam in animalium corporibus aliud instrumentum, quod concinnius paratum, aptumque sit ad moderandum superadditum influxum tum sanguinis, tum spirituum animalium in musculares partes, quæ voluntariè moventur, ipso Gangliorum apparatu, consentaneum erit asserere, eadem Ganglia per actionem se se elevandi, animaleque spiritus velocitè exprimendi, de qua supra egimus, operi admodum necessario dirigendi, ac moderandi motum, influxumque tum sanguinis, tum spirituum inservire.

Quòd si autem meditatum hunc Gangliorum usum vero proximum Tu, Vir optime, judicaveris, jam puto, mecum affirmare haud hæsitabis, Ganglia in somno (qui tamen à vehementibus insomniis non sit perturbatus) vel penitus, vel penè saltem otiosi: contra in vigilia ad suos quæque usus prompta, parataque esse,

cilicet ad excitandas voluntarias motiones tum artuum, tum viscerum, præsertim verò præcordiorum, in animi potissimum perturbationibus vim omnem, ac facultatem exerere, atque explicare. Quamobrem perpendenti olim mihi detectam structuram, menteque conceptum officium Gangliorum, subiit animo suspicari, an eadem in cerebri subsidium ita sint comparata, ut appellari possint exigua quædam, ac peculiaria cerebella, voluntariis tamen, ac superadditis duntaxat motibus excitandis hic, illic extra calvariam per corpus dispersa, ac distributa, veluti militares quædam stationes ad subitos hostium incursus collocatæ. Nam quemadmodum Natura glandulas cum intertexto rete fibroso, ac muscolari ubique se-rè locorum fabricata est, ut cordi in promovendis motibus per se fatiscientibus liquidorum, quæ secundaria vocantur, subsidio venirent, ac propterea ipse ego cùm sex, ac viginti ante annis in Romano Lyceo Præfationem quandam de Glandulis haberem, easdem tanquam corcula (phrasim hanc pro sua humanitate laudante, qui tum auditor aderat, Magno nostro Malpighio) hic illic construktas, ac dispersas consideravi; ita profectò Ganglia potiori jure quædam veluti cerebella extra cranium locata dici posse mihi videntur: cùm cerebrum molliusculæ texturæ, tametsi ab arteriis, atque adeò à dura, piaque matre prematur; imbecilliores tamen habeat vires impellentes, quàm cor, quod musculorum fortissimum appellavit Hippocrates. Siquidem Ganglia robustiores habent fibras, firmiorque earum contextura donantur, quibus certo quodam actionis genere convenientes, & consentaneos motus ad animalium œconomiam necessarios, tanquam adminicula, & administri, repentè, atque ad libitum edere, ac promovere possunt, qui cæteroquì à solo cerebro repeti nequeunt. Itaque, ut rem hanc explicatiùs persequar, cùm motus tonici sint sensibus analogi, videlicet per continuum, æquabilem, nec unquam interruptum spirituum appulsum in antagonistas musculos, vel musculares membranas excitentur, eorum nervi intermedio Gangliorum officio minimè egebant. Motus verò, qui à voluntate proficiuntur, vel temperantur; quoniam longè majorem vim ad superandum antagonistarum renisum exerere debebant; novo artificio roborandi, augendique erant. Hinc patet, cur nervi, qui ad motus organa feruntur, partim cum, partim sine Gangliis occurrant.

Sed cùm hæc de Gangliorum usu in genere à me investigata fuerint, haud ita rigidum Te exactorem, Morgagni humanissime, futurum existimo, ut abditiora requiras, nempe ut sigillatim quolibet; magisque peculiares Gangliorum motus, tum quoad tensio-

nium

num tempora, & vices modò in hos, modò in illos nerveos tendi-
 nes, tum quoad earundem serias, & remissiones, eruam hic, at-
 que medullitius enucleem: in hæc enim opera quò profundius in-
 tueor, ac penetror, eò luculentius mihi affulget ingens varietas Na-
 turæ operum, mentique meæ aciem perstringit, meque cogit, ut
 eadem planè nescire fatear; nisi quòd ab Hippocrate didici, motio-
 nes animalium à necessitate, oblectamento, aut fuga doloris, atque
 incommodi ut plurimum inchoari, deinceps verò ab utilitate perce-
 pra, & ab inducta assuetudine confirmari. Et quidem ut Citharista
 sexcentis planè, iisque variis semper digitorum motibus fides pulsât,
 lyræque nervos scalpit, & uti saltator pedibus quâ flexis, quâ ere-
 ctis, quâ obliquè deductis, non sine peculiari harmoniâ solum per-
 cutit, aeremque scindit, ac verberat; ita putare fortè liceret, ani-
 mam tendineos cuiusque Ganglii nervos nunc seorsim aliquos, nunc
 simul omnes ad ordinatum motum sensum, ac sine sensu, partim ne-
 cessitate cogente, partim utilitate, ac delectatione alliciente per as-
 suetudinem dirigere, atque intendere.

De Mor-
 bo Sacro
 n. 16.

Cave tamen, Morgagni ornatissime, credas, me censere, animales
 spiritus per Gangliorum nervos, nisi cùm eadem tenduntur, non ex-
 currere; ac proinde in illorum, ut ajunt, flaccescentiâ iisdem spiri-
 tibus vias obstructas esse: siquidem semper per eorum semitas spi-
 ritus, quemadmodum per alios nervos Gangliis destitutos, leniter
 moveri, arbitror; eâ tamen propositâ lege, ut ubi opus fuerit ad
 excitandum peculiarem, novumque motum in determinatis muscu-
 lis, tunc per Gangliorum tensionem uberius huc, aut illuc expri-
 mantur: unde variè eriguntur, & constringuntur sanguinea vasa,
 quæ propterea contentum liquidum nova directione, novoque impe-
 tu donant, quibus musculorum fibræ plùs solito roborantur; non
 absimili forsitan ratione, qua spiritus in tibias multiformis influens se-
 cundùm varios pressionis gradus tum adnexi utris, tum foraminum
 adeò varia sonorum genera elicit, ut jucundam illam descriptio-
 nem à Luciano in Harmonide inductam mihi revocet in memo-
 riam; „ Docuisti me, inquit, jam exactè adaptare tibiam, atque in
 „ ejus ligulam inspirare tenue quoddam, ac modularum; tum com-
 „ modo, faciliq; contactu submittere digitos in crebra sublatione,
 „ ac demissione vocis: ad hæc ad numerum ingredi, & ut modi
 „ congruant ad chorum: præterea quod cuique harmoniæ generi
 „ proprium est, observare, Phrygiæ divinum impetum, Lydiæ Bac-
 „ chicum furorem, Doricæ gravitatem, ac modestiam, Jonicæ ju-
 „ cunditatem. „ Ignosce interim, amabo, Vir optime, quòd me
 non puduerit, tametsi senem, per hæc puerilia ab eo, quod mi-

hi propositum fuerat, digredi. Sed ars, quæ Naturam, docente Hippocrate, imitatur, eandem interdum explicat, detegitque.

Quæ pro mea tenuitate de Gangliorum structura, viribus, actione, usuque dicenda habueram, tuos ante oculos, Morgagni doctissime, jam, ut vides, constitui; nunc, ut tecum fidem meam penitus liberem, ea, quæ de præcipuis eorum morbis diuturno experimento animadverti, percurras precor; quanquam probè intelligo, Gangliorum non Physiologiam solùm, sed Pathologiam quoque ferè omnes Medicinæ Scriptores, exceptis Viris Clarissimis Willisio, & Vicussenio, ancipiti, recto, cæcoque itinere, ut Poetæ de labyrintho finxerunt, huc usque deterruisse. At quoniam Ganglia nihil aliud esse,prehendimus,quàm muscularia sui generis corpora, quæ tendineis nervis sanguinea præsertim vasa, & muscularum fibras veluti claviculis sic apprehendunt, ut ad dirigendum, moderandumque animalis arbitrio liquidorum in illas influxum comparata fuisse videantur; idcirco non dubitamus asserere, quin Ganglia triplici malorum genere, quibus musculares partes ut plurimum tentari solent, ipsa quoque obnoxia esse possint; nimirum Primo Convulsioni clonicæ, seu convulsivo motui, Secundo Convulsioni tonicæ, Tertio Semiparalyfi, aut veræ Paralyfi.

Frequentissimè autem Gangliis accidit convulsio clonica, seu motus convulsivus, præsertim apud mulieres hystericas, rariùs apud Viros asthmaticos, & hypochondriacos, in quibus illæso plerunque, aut saltem ab insidentibus, sive essentialibus morbis immuni cerebro, ac spinali medulla, ichor salinus, & mordicans, refluus ab utero, hypochondriis, vel aliunde, sanguini, aut liquido nervorum admiscetur, atque in tendineas Gangliorum, vel plexuum membranas, muscularesque fibras immittitur, ac penetrat, ibidemque quacunq; ratione hos, vel illos eorum tendines inæqualiter vellicat, & irritat, cogitque, ut unum potiùs, quàm aliud membrum, modò videlicet thorax cum diaphragmate, modò pulmones cum corde, modò abdomen, aut artus aliqui concutiantur, dum interim reliquæ partes sanæ, atque integræ jussui voluntatis obtemperant. Cum verò interea temporis acris humor, si mole sit exiguus, facili negotio per motum ipsum convulsivum excutiat, ac resolvatur (unde Hippocrates in Muliere hysterica sternutationem laudavit) vel sensim per sua quæque vascula refluat, cæterisque liquidis permisceatur, leniaturque, inde fit, ut cessante in Ganglio irritatione, convulsivus quoque motus sedetur: ad quod sanè præstandum oleosa, & anthysterica, cum opiatissimis conducunt.

At si,

At si, quod non rarò accidit, hujusmodi ichores vel mole aucti, vel admixtione alterius liquidi paulò crassiores, acritudine non imminutà, evadant; faciliè contingit, ut unum, alterumve, immo omnes simul tendines ejusdem Ganglii incessanter stimulent, sodicentque: quamobrem causà convulsionis nunquam amotà, perpetuo quoque, ac tonico spasmo iidem tendines afficiantur, simulque partes, quarum usui destinati sunt, simili pertinaci convulsione laborent.

Nolim tamen putes, mi Morgagni, me opinari, convulsivos motus, qui insonte cerebro, aut extra magnam culpam, in particulis locis accidunt, nonnisi à Gangliorum irritatione pendere. Nam, ut mihi quidem videtur, cum non modò convulsiva, sed etiam paralytica mala oriri possint, ac soleant à causa, quæ sita sit vel in cerebro, ejusque appendice, vel in Gangliis, vel demum ea in parte, in qua morbus se se exerit; fieri hinc poterit, ut bene primum valentibus cerebro, & Gangliis, membrum aliquod afficiatur. Quod sanè, de convulsivis ægrotationibus loquendo, tunc accidit, cum ichores acres ab arteriis, vel nervis in fibrarum muscularium spatia suffusi, atque intercepti fibrillas proximè vellicant, & convulsivos subsultus plerumque cum dolore inducunt. Hoc autem contingere apertè demonstratur tum à qualibet nervi punctura, tum etiam ab infusione spiritus acidi per venam jugularem vivi canis; in illo enim, intactis penitus Gangliis, cor statim in spasmos adigitur. Sed quoniam ex naturali structura, & actione jam conjecimus, Ganglia spasmis quandoque commoveri posse; ideo ea quæ proposuimus, obtingere nullo labore exillimamus.

Et quidem hoc ipsum repetitis cadaverum sectionibus adamussim confirmatum spectavimus. Nam pluries animadvertimus, in hysteriis, quæ post diros convulsivos motus tonica brachii, vel cruris convulsione diu vexatæ tandem diem suum obierunt, Ganglia affectis partibus respondentia ampliora reddi, hydatidibusque obfessa. Quare subit hinc studiosos Artis admonere, ut Gangliorum ad affecta loca pertinentium anatomen in similibus morbis diligenter instituant: confido enim futurum, ut semper vitium haud absimile in iidem deprehendant.

Denique putamus, Ganglia semiparalyti, aut perfectà interdum corripì posse, quo in casu membra, quibus Gangliorum tendines inserviunt, eàdem affectione quoquo modo, salvo tamen sensu, occurrari necessum est. Id verò censemus accidere, quotiescunque heterogenea materies vel diuturnà morà lentorem adipiscitur, atque ita obstruit reducentes tubulos, quod plerumque fit in ætate decrepitis; vel per admixtionem cogentium corpusculorum (quod etiam

in ju-

in juvenibus) tenax , & glutinosa reddita meatus , atque interstiria Gangliorum partim ocludit , & infarcit , partim urget , & comprimit ; unde muscularis eorum machina ad propriæ contractionis officium inepta plûs , minûve redditur .

Fortasse haud inutile penitus existimabis , Morgagni amicissime , si hoc loco narrationem adjecero Nob. cujusdam Adolescentulæ fervidi temperamenti , quæ cùm nondum variolarum debitum perfolvisset , Juveni desponsata fuit : vix autem à confectis nuptiis pauci præterierant menses , cùm variolis confluentibus corripitur , quæ magnum in ejus corpore æstum , pruritumque etiam post crustarum casum reliquerunt , ad quem sanè temperandum jejuna hausit per aliquot dies libr. IV. frigidæ aquæ Nucerinæ , cujus paulatim usu à calore alleviari quidem visâ est ; sed , cùm semel è lecto in pedes surgere vellet , sine ulla prævia capitis , aut spinalis medullæ molestia dextro rum crure , tum femore se ita capram deprehendit , ut neque stare amplius , neque ambulare potuerit , nullo interim comitante affectarum partium vel dolore , vel spasmo ; sensu tamen , ac nutritione in iisdem superstitè . Itaque Medicis in consilium adhibitis , variaque tam de morbi natura , sedeque affecta , quàm de curationis methodo inter se differentibus , hanc ipse de ægrotationis indole sententiam tuli ; scilicet ea in Juvencula substantiam illius plexus , seu Ganglii , quod in regione iliaca prope uterum nervos intercostales cum cruralibus colligat , & moderatur , infarctam fuisse à morbillari fermento , quod fortè fortunâ per contactum , admixtionemque Nucerinæ lymphæ , ejusque boli , fixatum , ut ajunt , coactumque fuit : quamobrem Ganglii paralysis paresim coxæ , crurisque induxerat , ad quam tollendam pharmaca non quidem ad cerebrum , spinalem medullam , aut femur , verùm ad ipsum obstructum Ganglium esse dirigenda . Laudavi propterea , ut Ægra ducia ex minerali sulphurea aqua supra regionem iliacam dextram usque ad inguen uteretur : quâ solâ mollitis , ut arbitror , solutisque in Ganglio humoribus , pristinæ valetudini ocyssimè restituta fuit .

Sed vitio dabit aliquis , fusiùs à me , subtiliùsque , quàm oportebat , de Gangliis , minutulis nempe humani corporis partibus , disputatum , atque ad Te scriptum fuisse . Verùm , cùm animalium organa longè elegantiora in minimis , quàm in maximis cernamus , admiremurque , tuæ peritiæ , ac solertiæ committo , ut decernas , an ipse dicendo plûs jussu prolixior ; an dum brevis esse laboravi , obscurus fuerim , simul etiam in quo à vero aberraverim . Cùm enim in rebus Anatomicis oculus patiens , ac diligens sit dux cultri ,

tri, & microscopii; Mentis autem ductor, atque imperator sit ipsa sapientia cum veritatis amore conjuncta (quæ humanarum omnium virtutum est Regina) minimè vereor, ut Morgagnius, qui in se cuncta hæc mirè colligit, ac perstringit, hujus lucubrationis æquissimus judex futurus sit. Vale.

DISSERTATIONUM FINIS.



FIGU.

FIGURARUM EXPLICATIO.



Um duæ Figuræ quæ ad hæc V. Adversaria pertinent, ut in proximorum IV. Adversariorum Tabula sunt exhibitæ, sic cum Figuris cæteris illius Tabulæ sint explicatæ; hic nihil aliud relinquitur nisi ut duarum Tabularum quas unâ cum superioribus Dissertationibus ab Amplissimo Lancisio accepimus, Explicationes ab ipso pariter missas subdamus.

T A B V L A I.

Spectans potissimum ad Dissertationem de Vena Sine Pari,

Exprimit posteriorem internam Thoracis partem cum Vena Azyga, peculiari Nervo implicita, suisque ramis quaquaversum distutis, & trunco in superiorem præsertim Cavam aperto, quemadmodum in hominibus plerunque observatur.

- A. Cor sinistrorsum de industria reclinatum.
- B. Truncus vena cava superioris.
- C. C. Ejusdem truncus inferior utrinque scissus.
- D. Pericardii abscissi portio, Cava præsertim adhærescens.
- E. Auricula dextera ob cordis à naturali situ remotionem penè latens.
- F. Arteria magna portio.
- G. Trachea.
- H. Ramus dexter bronchiorum abscissus.
- I. I. I. &c. Vertebra colli.
- K. K. K. &c. Costa.
- 1. 2. 3. usque ad 9. Vertebra dorsi.
- L. Truncus vena Azyga.
- M. Anastomosis vena Azyga in Cavam superiorem.
- N. N. N. &c. Decem ejusdem Azyga rami in latere dextero.
- O. O. Duo superiores Azyga ramuli in primum ramum influentes.
- P. P. P. &c. Rami Sinistri Azyga, quorum alii in ipsum truncum influunt; alii in majores ramos.
- Q. Q. Ramusculus Azyga in sinistram spermaticam venam dehiscens.
- R. Dexter ejusdem Azyga ramus, seu idem truncus in apicem penè desinens, quandoque in emulgentem dexteram prope Cavam, quandoque in Cavam ipsam apertus.

Q

S. S. S.

- S. S. S. *Ramus Azyga sub bronchio dextero, atque arteria magna ad sinistram thoracis partem proserpens, qui supergrediens*
 T. *arteriam axillarem, tandem in sinistram venam axillarem Z. im-*
mittitur.
 V. V. V. &c. *Insignis nervus intercostalis posterior, qui auctus ner-*
vis tum à cerebro, tum à spinali medulla extra cranium prodeunti-
bus, magnam partem infra septimam colli vertebra utrinque ori-
tur, atque in singulos quosque tam ramos vene Azyga, quam ra-
musculos nervorum dorsaliū immittitur. Est autem hic Lector mo-
nendus, cum quadam alia ab Artificibus in hac Tabula minùs ser-
vata proportionē sint expressa, tum Nervum hunc crassiorē quàm
par sit, exhibitum esse.
 X. *Ramus ejusdem nervi, in locum anastomosis Azyga penetrans.*
 Y. *Ganglium hujus nervi prope septimam vertebra.*
 Z. *Vena axillaris sinistra.*
 a. *Fasciculus nervorum à cerebro prodeuntium, de quibus in nostra*
de Gangliis Dissertatione fusè agimus.
 b. *Superius Ganglium plerumque inter secundam, & tertiam Cervicis*
vertebra prædictos ramos colligans.
 c. c. *Rami è Superiori Ganglio prodeuntes, extra situm, quorum alter*
ad præcordia; alter ad internas Carotides præsertim, & laryngem
tendit.
 d. *Ramus nervi à cerebro prodiens, qui arteriam cervicalem comita-*
tus, in Ganglium immittitur.
 e. e. *Bini nervorum ramusculi in Ganglium inferius descendentes,*
quorum unus è spinali medulla inter quintam, & sextam colli ver-
tebras, alter inter sextam, & septimam egreditur.
 * *Insignis ramus è Ganglio superiori in inferius Ganglium desinens.*

T A B U L A II.

Pertinens ad Dissertationem de Gangliis Nervorum,
Exhibet situm, figuram, ac structuram Ganglii Superioris in si-
 nistro colli latere.

F I G U R A I.

- A. A. *Vena jugularis.*
 a. a. a. a. *Ejusdem rami per faciem distributi.*
 b. *Insignis ramus sublingualis.*
 B. B. *Carotis interna.*
 C. *Eadem prope gangliam, qua, licet natura sua recto itinere sursum*
feratur, tamen in cadavere, ex quo extracta fuit, deprehensa est
cum

cum notabili flexura, & quasi aneurysmatico vitio.

D. D. Carotis externa.

d. d. d. d. Ejus rami faciem perreptantes.

e. Conspicuus ejusdem ramus ad linguam delatus.

E. Nervus paris vagi candicans.

f. f. Ejus ramusculus linguam subiens.

g. g. g. Major ramus per collum in thoracem descendens.

H. Ganglium superius juxta secundam, & tertiam colli vertebram constatum ex multiplici complexione nervorum,

h. h. h. qui à cerebro cum interno carotidis ramo proficiuntur, & intercostales audiunt.

i. i. Fibrilla paris vagi in ganglium immissa.

K. Alter ramusculus subobscurior, qui à ganglio prodire, atque in inferiorem paris vagi ramum inferi videtur.

l. Ramus ab interna carotide in ganglium digestus.

m. Venarum ramusculi à ganglio in internam jugularem influentes.

l. l. l. Notabilior nervi ramus à ganglio proficiens, qui & à carotide paululum diductus, variisque ramusculis distinctus, tandem per arteriam possimum magnam usque ad præcordia diffunditur.

FIGURA II. repræsentat equinum Ganglium sinistrum suis membranis inclusum.

A. Præcipuus nervus, qui per cranii foramen ex cerebro secundum carotidis cursum per collum exporrigitur, appellaturque intercostalis.

B. Ganglium superius suis membranis obvolutum.

a. a. a. &c. Diversi nervi seu tendines nervosi, qui à ganglio, perforatis ejus membranis, egrediuntur, variosque musculos, & arterias penetrant.

C. Exortus ab inferiori parte ganglii principaliorum ramorum, qui tum intra, tum extra thoracem feruntur.

D. Major ramus ad præcordia excurrens.

E. Ramus ad inferius ganglium, quod intercostalem nervum amplectitur, diffusus.

F. Ramus laryngem ejusque musculos præ cæteris pervadens.

FIGURA III. delineat equinum Ganglium suis membranis denudatum.

A. Externa Ganglii superficies variis nervis intersecta, prout diductis membranis occurrit.

B. B.

- B.B. *Membrana laxior, seu vaginalis.*
 C.C. *Membrana media ganglium artius complectens.*
 D.D. *Interior magisque nervæ, & tendinosa membrana.*
 a.a.a.a. *Facies ganglii denudati, qua longitudinalibus ferè carnis
 fibris contexta est.*
 b.b.b.b. &c. *Tendines nervosi, qui in Figura secunda lit. a.a.a. &c.
 indigantur, in præsentii ostenduntur, quomodo trajectis, perfora-
 tisque membranis à muscularibus Ganglii fibris proficiuntur.*

FIGURA IV. repræsentat Ganglium elixatum, unguibusque per
 longum apertum, & microscopio animadversum.

- A. *Nervus intercostalis, qui in ganglium rectè ingreditur, quique
 tendinea indolis apparet.*
 B.B.B.B. *Membrana Ganglii, qua expansi, externique tendinis spe-
 ciem refert.*
 C.C.C. *Tendo, qui tanquam axis per centrum ganglii excurrit, &
 à quo*
 D.D. *fibra carnea exorta in externum tendinem B.B.B.B. obliquè,
 & quaquaversum feruntur.*
 E. *Nervus major, qui ab inferiori ganglii apice ortus naturam tendi-
 nis servare videtur.*
 F.F. *Laterales nervi ab eodem inferno angulo proficiscentes, qui de
 musculari pariter, ac tendinea totius ganglii natura participant.*

F I N I S.



PATAVII MDCCXIX. Excudebat Josephus Cominus.



